



Վ. Ս. ԲԻՐԱՏ ԹԻՒ 31



ՍՄԲԱՏ ԲԻՐԱՏ

(Տէր Ղազարեանց)

Handwritten in purple ink: 5-45-2, 1/10/19, 2/1

Վ. ԵՐԶԻՆ ԲԵՐԴԸ

ՊԱՏՄԱԿԱՆ ՎԷՊ

ԿՈՄՍՏԱՅՈՂ ՎԷՐԲԵՐ-ՀԱՅՈՒԹԵԱՆ ՍՐՏԷՆ  
պեւ



Red stamp: ԿՈՄՍՏԱՅՈՂ ՎԷՐԲԵՐ-ՀԱՅՈՒԹԵԱՆ ՍՐՏԷՆ

Տպագրիչ—Հրատարակիչ Ա. Լալայանի Ա. Բիւրոս

Կ. Պոլիս Սուլթան Զաման Մոլա Բաշա Թիւ 31

1914

Բյուրատ. Ա.

ՀԱՅԿԱՍՏԱՆԻ ԿՐԹԱԳՐԱԿԱՆ ԿԵՆՏՐՈՆ



# ՎԵՐՁԻՆ ԲԵՐԴԸ

ԿՈՏԱՅՈՂ ՎԵՐՔԵՐ ՀԱՅՈՒԹԵԱՆ ՍՐՏԷՆ

ՊԱՏՄԱԿԱՆ ՎԷՊ

Ա.

## ՀՈՒՐԻ ՍՈՒՐԻ ՄԷՋ

Կիրիկիան հուրի սուրի մէջ էր...  
Երոզայի Խաչակիրներուն վերջին կարաւանն այ մեկնած էր ասիական եզերքներէն, միայն, արիւնստ ճակատամարտներէ վերապրած արի ասպետներու ցանցնուած գունդերու բեկորներ, հոս ու հոն, սարակինեան յաղթական սուրէն հալածական, տակաւին կը քաշկուտէին իրենց կորանքն ու թշուառութիւնը:

Երոզան զարհուրելի, արկածախնդրական ու իրեն համար խիստ ամօթալի պարտութեամբ մը վերջացած արշաւանքէ մը զգուած ու զայրացած կը վերադառնար...:

Մոլեռանդութիւնը զինած էր կոյր, տգէտ ու բախտախնդիր ամբոխի մը զաւակները, որոնք Քրիստոսի Ս. Գերեզմանը հեթանոսներու ձեռքէն

4 2545

աղատելու նպատակով՝ մեկնած էին իրենց երկրէն  
 և որոնք սակայն, աւարառութեան ախորժաբեր  
 փորձութիւններէն չէին կրցած իրենք զիրենք ա-  
 զատել, և շատերը՝ Միւրիոյ, Կիլիկիոյ ու Պաղես-  
 տինի դաշտերուն մէջ ինկած էին:

Եւրոպան հիմա կ'ողբար իր զոհերը, և դայ-  
 րացած՝ իր ձախողութեաներուն ու կրած պարտու-  
 թիւններուն դէմ, ուխտած էր ա՛լ չզրպոյի Արե-  
 ւելքով:

Սակայն հոն, Մերձաւոր Արեւելքին ծոցը,  
 անյիշատակ դարերէ ի վեր բնակութիւն հաստատած  
 էր ազնիւ, մաքուր, կորովի ու մաացի ցեղ մը,  
 որ միակ քրիստոնէսայ ազգ կը ներկայացնէր հե-  
 թանոս ու մովսիսական Ասիոյ մէջ: Եւ այդ ազ-  
 գը, Եւրոպայի քաղաքակրթութեան ներկայացու-  
 ցիչը, ուսման եղած էր խաւարակու երկիր-  
 ներու այլացեղ, այլակրօն և այլալեզու բնակչու-  
 թեանց:

Այդ ազգը, ընթերցող, իմ ազգս էր, քու  
 ազգդ էր, հայ ազգը...:

Ի՞նչ ըրած էր այդ ազգը, ի՞նչ ղիրք բռնած  
 էր Եւրոպայի ու Ասիոյ մենամարտին մէջ ի՞նչպէս  
 կրցած էր ա՛յնքան աննպաստ պայմաններու մէջ  
 պահել իր գոյութիւնը, նոյնիսկ իր անկախութիւնը:  
 Ահա՛ հարցումներ, որոնց պատասխանը, դժբաղ-  
 դաբար, անգութ յուսախարութեան մը, հիաս-  
 թափումի մը դառն տպաւորութիւնը պիտի թողու:  
 Թողո՞ւնք առ այժմ այդ կէտը...:

Կիլիկիան որ, ինչպէս գիտենք, Անիի կործա-  
 նումի վաղորդայնին, միշտ առոյգ, միշտ կենդանի

ու յաւիտենապէս ապրելու յամառութեամբ օժ-  
 տուած ցեղի մը, մեր ցեղին նոր հարստութեան  
 որորանը եղած էր, երեք դարէ ի վեր. Արեւ-  
 մուտքի ու Արեւելքի հակամարտ շահերուն միջեւ  
 տարուերի, կանգուն կը մնար տակաւին:

Միջկերականի աւիական եզերքը տարածուած  
 այս բարգաւաճ ժողովուրդը, Եւրոպայի ու Ասիոյ  
 միջնորդը հանդիսացած էր Միջին Դարուն՝ իր մէկէ  
 աւելի շահաստաններով, առեւտրական կեդրոն-  
 ներովը, որոնց մէջ գլխաւորը կը համարուէր Այաս-  
 Սոպակրութեանց բովանդակ տեւողութեանը մէջ,  
 մօտաւորապէս երկու դար, սկիզբէն մինչև վեր-  
 ջը, մեր Ռուբինեան թագաւորները, գէնքով ու  
 զբամով ամէն կարգի զսնողութիւններով, իրենց  
 թանկագին և յաճախ փրկարար աջակցութիւնը  
 բերած էին Արեւմուտքի բանակներուն, հայթայ-  
 թելով անոնց պաշար, մթերք և զօրք:

Բնական էր թէ այս զոհաբերութիւնները,  
 այս անվերապահ գործունէութիւնն ու այս գործ-  
 նական մասնակցութիւնը չպիտի ուշանային Կի-  
 լիկիոյ վրայ հրաւիրելու Սարակինոսներուն, Եգիպ-  
 տացիներուն, ամբողջ իսլամական աշխարհին զայ-  
 րպիթը, վրէժխնդրութիւնը:

Կիլիկիան պէտք է քուէր իր գործած սխալը,  
 աններելի յանցանքը, չըսելու համար ոճիրը:

Ի՞նչ էր ոճիրը:

Օգնած էր Եւրոպայի, օգնած՝ հզօր Սարա-  
 կինեաններուն դէմ, ամենի Արաբներուն ու քի-  
 նախնդիր Եգիպտացիներուն դէմ:

Սակայն ինչո՞ւ ոճիր ըլլայ ա՛յնքան ազնիւ

ընթացքը քրիստոնեայ ազգի ի՞նչ քրիստոնեայ ազգերու հանդէպ :

Հո՞ս է հարցը :

Օգնեց Կիլիկիան, այսինքն ասպետական առաքինութիւն մը ցոյց տուաւ, իր պարտականութիւնը կատարեց, մորդկային տարրական պատականութիւնը . . . : Հոս ի՞նչ գործ ունի ոճիրը :

Այո՛, ոճիր էր, ոճիր, շոր գործեց Կիլիկիա, օգնեց Եւրոպայի, օգնեց Սարակինոսներուն զէժ :

Եւրոպան, մոլեռանդ ու շահամոլ ազգերու այդ օտարօտի խառնուրդը, ապերախտ էր և վերջին պահուն՝ հոգեբանական գերագոյն րոպէին, լքեց Կիլիկիան միս մինակ՝ վրէժխնդիր թշնամիներու մոլեգին, աններող, անհաշտ ու անագորոյն յարձակումներուն զէժ :

Ահա՛ Եւրոպան, որուն օգնեցին Կիլիկիոյ Հայ Վեհապետները :

Որո՞նց զէժ սակայն :— Սարակինոսներուն զէժ, որոնք հանդարտ զրացիներն էին, բարեկամ ու դաշնակից՝ Ռուբինեաններուն :

Գիւրբին է գուշակել հետեւանքը : Հայ և լատին իշխաններ, Լեւոն վերջինը տակաւին գահ չբարձրացած, օգտուելով երկու տարիներու անիշխանական շրջանէն, որ յաջորդած էր Կոստանդինի մահուան, և իւրաքանչիւրը ջանալով առաջ քշել իր ժառանգական իրաւունքը, Հեթումեաններուն և Լեւոնեաններուն հետ իրենց աղգականութեան ուժովը, ամեքն ալ թեկնածու էին արքայական գահին : Ասդին, Հայոց բնիկ իշխանները, երկրին սեփականատէրերը, ո՛չ մէկը կ'ուզէր, ո՛չ միւսը,

և այսպէս՝ երկիրը մատնուած էր բացարձակ անիշխանութեան :

Այս տխուր վիճակը տեւեց մինչեւ Լեւոն Ե. ի գահակալութիւնը, որ սակայն ջերմօրէն ողջունուած չէր ժողովրդէն, մանաւանդ ազգայնականներուն կողմէն, որոնք արդէն դժգոհ, անոր լատինական ծագումէն— մօրը կողմէն միայն ըլլալով հայ և Լուսինեան ազգատոհմէն Ջուանի ու Գուխտոնի շառաւիղը—, ա՛լ աւելի ռիս պահած էին անոր զէժ, թագադրութեան և օժման օրէն ի վեր, որովհետեւ Լեւոն Ե. մեծ անխոհմտութիւն մը գործած էր. — Նախ՝ օծուած էր լատին եպիսկոպոսի մը ձեռքով, Կիպրոսէն յատկապէս բերուած միւռոնով, և յետոյ՝ միւռոնոյն ժամուն, հայկական ծէսով ու միւռոնով օծուած էր Հայոց Կաթողիկոսին կողմէն :

Մեր պատմական վէպի ընթացքին Տէջ յաճախ պիտի անդրադառնանք այս տխուր միջադէպին, ինչպէս նաև ուրիշ տգեղ արարքներու, որոնք պիտի առաջ բերէին անշուշտ ա՛յնքան գեղեցիկ Կիլիկիոյ աւերումը :

Ահաւասիկ պատկերը : Սիսուանի բոլոր չէն ու հարուստ քաղաքները պայարուած արաբական ստուար զօրագունդերէ, որոնք մարախի պէս սրփուուած ամէն կողմ, Ալուայեան դաշտավայրի բովանդակ յայնքն ու երկայնքը, հուրի սուրի կը մատնեն բնակչութիւններն ու բնակչութիւնները :

Կիլիկիա ծայրէ ծայր հուրի սուրի մէջ էր . . .

Գիշերով կը պարպուէին գիւղեր ու քաղաքներ հազարուոր ընտանիքներէ, որոնք օարսափա-

հար, մահուան առջեւէն կը փախչէին ապաստան գտնելու անմատչելի լեռներու կողքերը, ապառաժներու ճեղքերուն ու քարանձաւերու խորքերուն մէջ :

Մէկ խօսքով, Փոքրիկ Հայաստան կոչուած այն հրաշագեղ ու դրախտավայր կիլիկիան՝ անհուն աւերակներու, միացող մոխրակոյտներու և արիւնի հեղեղներու սեւ ու կարմիր համայնապատկեր մը կը պարզէր ծովեզերքի երկայնքէն մինչեւ Ամանոսի ու Տօրոսի սարոտները . . . :

Այսքան չարիքներու, և այսքան բարբարոսութիւններու աղբիւրը՝ Կիպրոսի Պետրոս թագաւորին և Եգիպտոսի ու Պաղատասի ամիրային միջեւ գոյութիւն ունեցող թշնամութիւնն էր :

Կիպրոսի թագաւորը, Սուլթան Ալշէյսուրի կամ Շեխվէյիս Խանի ձեռքէն յափշտակած էր Եգիպտոսի Ալեքսանդրիան, յետոյ Սուլթանը ըստւարաթիւ բանակով մը յարձակած ու ետ առած էր զայն, վռնտելով բոլոր Կիպրացիները, շատերը ջարդելով ու մաս մըն ալ գերի վարելով : Եւ որովհետեւ Շեխվէյիս Խանը յաճախ իմացած էր որ Կիլիկիոյ Լեւոն թագաւորը թէ՛ ազգական և թէ՛ դաշնակից էր Կիպրոսի Պետրոս թագաւորին, թէ՛ իր վրէժխնդրութեան թոյնը թափելու և թէ՛ իր աշխարհակալութեան տենչը յագեցնելու համար, Շահար Օղլի զօրապետի հրամանատարութեան տակ, եգիպտական կատաղի գունդերը Կիլիկիոյ վրայ արձակած էր :

Լեւոն Ե. տեղի չի տար, իր Լիպարիտ զօրավարին հետ կը նետուի պատերազմի դաշտը, կ'ա-

հարեկէ Ասիոյ անապատներէն ու Եգիպտոսի աւազուտներէն թուած այդ բարբարոսներու վոհմակները, որոնք Ուլջերկրականի ալիքները ձեղքելով, ցամաք թափած էին իրենց մոլեգնութիւնը : Սակայն, փառաւոր յաղթութեան մը դափնիները չխլած Լիպարիտ, որ խիզախօրէն խուժանին շարքերուն մէջ նետուած էր, կարելի էր խոցուած, կ'իյնայ մարտի դաշտին վրայ ու Լեւոն ուժտապառ ու վհատ, կը ստիպուի հաշտութիւն մուրալ Սուլթանէն, որ յօժարակամ կը կնքէ հաշտութիւնը, և Կիլիկիայէն դուրս կը հանէ իր բանակը :

Սակայն թշնամութիւնը թշնամութիւն էր, անմարելի ու մշտաժեւ, որովհետեւ Լեւոն Ե. եւրոպական արքունիքներու հետ իր կանոնաւոր թղթակցութիւնները կը շարունակէր, յաւէտ երազելով նոր, անաւոր ու հզօր Խաչակրութիւն մը, Միացեալ Եւրոպայի կողմէն, որ անտարակոյս վճռական ու մահացու հարուածը պիտի իջեցնէր թշնամիի գլխուն, պիտի վերականգնել տար իր մահամերձ թագաւորութիւնը, մէկ խօսքով, նոր դարազլուխ մը պիտի բանար Հայկական Պատմութեան մէջ . . . :

Հէք երազաժեւ, այդ խաչակրութիւնը միշտ կ'ուշանար, դատապարտուած՝ միշտ մնալու անիրական երազ մը, իսկ իրականութիւնը, դաժան ու զգեանիչ ժպիտով մը, կը ցցուէր իրեն դէմ : Հին ոստիւններուն վրայ նոր մըն ալ աւելցած էր : Երկու անարկու իշխաններ, Տաւուա Պէկ ու Ապուպէքիր, երկուքն ալ հզօր, Կիլիկիոյ մայրաքաղաքին ճամբան բռնած հաւասար ուժերով, իւրա-

քանչիւրը տասնըմէկ հազար մարդերով, սովահար պիտի ընէին բովանդակ բնակողութիւնը:

Միւս կողմէ, Լեւոն Ե.ի անողոք հակառակորդները, թունդ ազգայնական ու Ս. Լուսաւորչի հարազատ ու մոլեռանդ սերունդէն, անխոստովանելի միջոցներու կը դիմէին, երկիրը փրկելու(?) լատին վեհապետի մը ձեռքէն, իող չէ թէ վերջնականապէս կորսնցնէր ան՝ էր քաղաքական անկախութիւնը:

Ներքին դուեր ու սաղրանքներ, արտաքին յարձակումներ և անվերջ պատերազմներ, ահա Լեւոն Ե.ի օրերուն Կիլիկիան:

Արար, եգիպտացի և ուրիշ զանազան ցեղախումբերէ բազկացած ուժեր, ամէն կողմէ պաշարած էին երկիրը, թէ՛ ծովէն թէ՛ ցամաքէն: Աջ ու ձախ կ'ասպատակէին, կը կսզոպտէին, կը թալէին, կը հրդեհէին, կը քանդէին, կը ջարդէին:

Թալան, հրդեհ, կոտորած. ահա Սիւ Երրորդութիւնը՝ տարաբախտ Կիլիկիոյ վերեւ սաւառնած:

Հուրի Սուրի մէջ, մահուան հետ մաքառող ազգի մը ճգնաժամային գալարումները դիտող անխիղճ, անսիրտ, ազիրատ ու դաւաճան հայ իշխանները չէին զողրեր լարելէ իրարու դէմ իրենց դժոխային թակարդները:

Դարերու հնութեան մէջէն բարձրաձակատ ու խրոխտ ընթացած մեծ ազգի մը՝ Հայ Ազգին քաղաքական մահը կը պատրաստուէր Քրիստոնեայ Արեւմուտքին դէմ խորհրդաւոր Արեւելքին սընուցած արդար վրէժը լուծուելու համար...:

Ուստի, հռչակաւոր Շահար Օղլին վերստի կ'երեւայ Կիլիկեան դաշտերուն մէջ իր մարդկային մարախներու գունդերով, որոնք կ'աւերեն ու կը քանդեն շատ մը գիւղեր, աւաններ ու քաղաքներ, և ի վերջոյ, առանց լուրջ դժուարութեան, կը յաջողին մանել Սիւ, Հայոց մայրաքաղաքը, որուն մէկ մասը կ'այրեն՝ անխնայ կոտորելով բնակչութիւնը, մեծ մասը՝ Լեւոն Ե.ի կուսակիցներէն:

Լեւոն Ե. հոն չէր, արդէն փախուստ տուած էր իր հակառակորդներու դաւադրութենէն զերծ մնալու համար, և իր երկրին մնացեալ մասերուն պաշտպանութիւնը ստանձնած էր, իրեն հետ առած ըլլալով բուսական թիւով զինուորական ուժեր:

Սակայն բաղդը լքած էր զինք, եգիպտական շարքերուն հետ կատաղի ընդհարման մը մէջ վիրաւորուած, փախտական կ'ապաստանի հեռակայ, անմատչելի լեռներու մէջ:



Բ

Ա. Յ Ր Ի Թ Ա Գ Ո Ի Հ Ի Ն

«Իսկ Լեւոն արեայ առեայ ընդ իւր արս քանի մի, եւ պատահեալ մարտիւ զօրացն եգիպտացւոց՝ եհար զնոսա չարայար, բայց չկարացեալ իսպառ զգեւ՝ ունել՝ վսանգեցաւ եւ վերս ընկալեալ յանձին՝ փախստեալ անկաւ, անմատոյց լերինս, եւ չերեւեցաւ առ ժամանակ մի. եւ ոչ ոմ գիտաց՝ թե զի՞ եղև նմա, եւ կամ յոչոքաւ եւ էլ համբաւ զնմանէ, թէ անկեալ իցէ նա եւ մեռեալ ի մարտի անդ: Չայսպիսի գոյժ առեալ սիկիմն Լեւոնի՝ քաղուհին Հայոց Մարտիմ, որ նստի ի Տարսոն, եւ կոչիւր Մարուն՝ Դշխոյ, պաշարեցաւ ի սուգ անհնարին, տեսեալ միանգամայն եւ զաւեր աշխարհին՝ յողբս եւ յարատուս համակեալ լայր անմիխիբար:

Հ. Մ. ՉԱՄՉԵՍՆ

Տարսոնի արքայաքան պալատը՝ սեւերու մէջ, յուսամուտներուն վարագոյրները՝ սեւ, բազմոցներն ու բոլոր կահոյքը՝ սեւ, բոլոր սպասներն ու բոլոր հագուստները սեւ, սուգը կ'ընէր յանկարծ անյայտացած թագաւորին, որուն հետքը տակաւին չէր գտնուեր:

Իսկ թագուհին, Մարուն Դշխոյ, կիլիկիոյ փարեղի ու ցանկալի թագուհին, իբրև այրի կը նստէր թափուր ու սգաւոր ապարանքին մէկ ան-

կիւնը, կուլար կ'ողբար անմխիթար, յաճախ դուրս կ'ելլէր, պալատին պատշգամներէն հեռաստանը դիտելու՝ յուսալով թերեւս հանդիպիլ խուճի մը, որ անտարակոյս, իրեն գիրկը պիտի վերադարձընէր կորսուած թագաւորը:

— Հէ՞ք թագուհի, կը մըմնջէին արքունիքի մարդիկը, այրի՛ մնաց. ո՞վ պիտի սփոփէ իր սիրտը, ա՛յնքան խոցուած, ո՞վ պիտի սփոփէ անոր վիշաբ...:

Ամիսներ, քանի՛ քանի ամիսներ անցած էին անիծեալ օրէն ի իեր, երբ անյայտացման բոթը լսուեցաւ կիլիկիոյ ամէն կողմը. և դեռ զս'ւր կը փնտռէին Վեհափառ կորսուածը. չկար մէջտեղ: Անյայտ, աներեւոյթ եղած էր.

Կարծիքները կը տարբերէին, կասկածները բազմապատիկ էին:

— Վերջին ճակատամարտին մէջ ինկած է, կ'ըսէր ծեր զօրական մը, Արքունի թիկնապահներէն, որ մէկէ աւելի անգամներ մտանակցած էր պատերազմներու:

— Ո՛չ, ո՛չ, կը ժխտէր ուրիշ մը, Առիւծը չէ մեռեր, կը ննջէ:

— Եւ օր մը, թերեւս շատ մօտ օր մը, կը յարէր ուրիշ մը, յանկարծ պիտի վերադառնայ մեր ծոցը:

Եւ այսպէս, ենթադրութիւնները, կասկածները, երկիւղները կը շարունակէին վրդովել հանրային միտքը:

Ամէն մարդ կը սպասէր անհամբեր իր սիրելի վեհապետին վերադարձին. սակայն, ժողովուրդէն

մաս մը, մտնաւտնդ ազնուական դասակարգը, գրեթէ ամէնքն ալ Լեւոն Ե. ի սխերիմ հակառակորդներ ու անոր մահուան ցանկացողներ, իրենց սեփական գործակալներուն ու վարձկաններուն բերանով սուտ լուրեր կը տարածէին, իբր թէ Լեւոն արքան գերի ինկած է, իբր թէ վատարար փախչելու միջոցին, նետահար սպաննուած է, իբր թէ հրատարած է թագէն ու ինքզինք յաջողած է Եւրոպա նետել, իբր թէ, իբր թէ, վերջապէս հազարումէկ իբր քեներով կը ջանային պղտորել հասարակութեան միտքերը:

Մարուն Դշխոյի կուսակիցները, որոնց մէջ կային ո՛չ նուազ թիւով Լեւոն Ե. ի թշնամիներէն, կ'աճապարէին վերջ մը դնել այս տարտամ, այս վտանգաւոր կացութեան:

Թագաւորը կ'ապրէր, ուրիմն ինչո՛ւ տակաւին մէջտեղ չէր ելլեր, իսկ եթէ մեռած էր, կ'ըսէին, ինչ որ հաւանական է, գահը թափուր թողուլ չէր ըլլար. պէտք էր յաջորդը շուտով բարձացնել անոր վրայ:

Այս էր տիրող մտայնութիւնը:

Երկու հակառակ կուսակցութիւններ գոյու-թիւն ունէին այն շրջանին մէջ, լատին ու հայ կուսակցութիւնները: Առաջինները Լուսինեան Տան ջերմ ուխտեալ և անդրդուելի պաշտպաններն էին, երբէք չպիտի ուզէին Լեւոն Ե. ի մահը լսել, ոչ ալ անոր անկումը տեսնել. իսկ միւս կուսակցութիւնը, զուտ հայկականը, կը սիրէր թագուհին և ասոր կը փափագէր յանձնեն Ռուբինեանց թագը:

Մական թագուհին, հաւատարիմ ամուսին,

չէր ուզեր ու չէր կրնար բնաւ հաշտուիլ այս վիճակին հետ. համակերպութիւնը դեռ շատ հեռի էր տիրանալէ անոր կամքին: Անհուն կսկիծով կը լսէր երբեմն իր շուրջի փափառները, պալատականներուն մէջ անցած դարձած գաղտնի խօսակցութիւնները, որոնք խիստ վիրաւորիչ էին իր փափուկ սրտին համար:

— Հէ՛ք թագուհի, այրի՛ մնաց...:

Աշնանավերջի տխուր օրեր: Տարսոնի դաշտը փաթթուած մռայլ ու խոնաւ գոյուրչիէ պատանքի մը մէջ, կմախացած ու չոր ձիւղերնին երկինքն ի վեր կարկառած ծառերու դեղին տերեւակոյտը կը համածածկէր գետինը: Հեռաւոր հորիզոնին երկայնքը՝ միգապատ ու ձիւնասպիտակ լեռներու հոյակապ տեսարանը կը պարզուէր: Արքայական շքեղ պալատի հարաւակողմէն կը նշմարուէր Միջերկրականի արծաթի շղարշով ծածկուած ծիրանին, իրիկուան վերջալուսային բոցերով շողողուն ու վառ:

Թագուհին, ամբողջ օրը պալատի խորը քաշուած, իր սգապատ ու սեւաթոյր առանձնատնեակին մէկ անկիւնը, երազած, լացած ու յուսացած էր:

Ինչպէս ըսինք, սովորութիւն ըրած էր՝ երբեմն ելլելու պատշգամբ, դիտելու, թերեւս նըշմարելու համար խուճր մը, բազմութիւն մը, թափոր մը, որոնք անտարակոյս, ինչպէս միշտ կը յուսար ու կ'երազէր ինք, պիտի բերէին, պիտի վերադարձնէին իր գիրկը՝ իր ցանկալին, իր պաշ-

տելին, Լեւոն Առիւծը, որ պիտի գար վերջ դնել իր անմխիթար սուգին:

Այդ իրիկունը դարձեալ դուրս ելաւ պալատին պատշգամբ, քիչ մը դիտելու համար հեռաստանը:

Նոյն պահուն, երեք հարիւր քայլ հեռուէն, դէպի պալատը կ'ուղղուէր փոքրիկ թափոր մը, որուն մէջ սրտչակի կ'երեւնար սև գլուխ մը, վեղարաւորի մը գլո՛ւխը:

Թագուհին յանկարծ սթափած՝ երազային ցընորներէ, ուր կը խորասուզուէր նոյն բոպէին, գլուխը վեր առաւ, նայեցաւ ու գոչեց.

— Կաթողիկոսը, Կաթողիկոսը:

Այո՛, իրաւունք ունէր թագուհին, նա ինքն էր, Կաթողիկոսը, Կիլիկիոյ Ս. Աթոռին գահակալը, Տ. Մեսրոպ Հայրապետը:

Բայց ինչո՞ւ կուգար...



Handwritten notes in purple ink: 3, 2, 1, 5452 p. m.



Գ.

Կ Ա Թ Ո Ղ Ի Կ Ո Ս Ո Ի Թ Ա Գ Ո Ի Հ Ի

Թագուհին, անմիջապէս պատշգամբ թողած, պալատին մարմարէ սանդուղներէն վար իջած, պալատական սպաներուն և թիկնապահներուն հըրամայած էր մեծաշուք հանդիսաւորութեամբ մը զիմաւորել եկւորներուն թափորը, որուն մէջ գտնել կ'երագէր իր թանկագին, իր անփոխարինելի կորուստը, Կիլիկիոյ թագաւորը:

— Ինչո՞ւ պիտի գայ հոս, կը մտածէր ինքնիրեն թագուհին, արդեօք ի՞նչ անակնկալ պիտի բերէ, ի՞նչ աւետիս. Կաթողիկոսին հոս գալը նշաօնակալից է...:

Եւ արո՞ւստ սրտով ու անհանդարա քայլերով կը չափէր պալատին սիւնազարդ գաւիթը, մարմարակուռ կամարներուն վեհաշուք ու տրամամ լուսթեանը մէջ:

Թափորը կը մտանար, պալատի պողոտային անկիւնէն կը նշմարուէր արդէն Հայրապետը, իր հետեւորդներով:

Քանի մը վայրձեան ալ, և վեհափառ շիւրք պալատին արտաքին Դռուէն ներս կը մտնէր, կ'առաջանար, մինչ թագուհին ընդառաջ կը վազէր:

— Ողջո՞յն Հայոց Տիկնոջ, ըսաւ Հայրապետը, սրբազան աջը գնելով Գլխոյի գլխուն վրայ:

Տ. Մեսրոպ Կաթողիկոսն էր այն աղեղարդ ու պատկառելի Սուրբը, որուն կ'ընկերանար ուրիշ բարձրաստիճան եկեղեցական մը. այսինքն Ստյ Տ. Յովհաննէս արքեպիսկոպոսը, արքունական քարտուղարը, Հետեւորդներուն մէջ աչքի կը զարնէին քանի մը բերդաատէր իշխաններ, ազգայնականներէն, որոնք կը պաշտէին Մարուն Դշխոյին անձը :

Տարսոնի արքունիքին մէջ եռուզեռ մը սկսաւ, թիկնապահներն ու սենեկապանները գործ վրայ, թագուհին աջ ու ձախ հրամաններ կ'արձակէր :

Հայրապետը վեր առաջնորդուեցաւ իր հետեւորդներով, արքայական ընդունելութեան դահլիճը, մեծալայն սրահ մը, նկարագեղ որմերով, ոսկեղբուսագ ձեղունով ու կիճէ նուրբ ու յղկուն սիւնակներով :

Միջին դարու ճշմարիտ աւատապետի մը զըղեակին յար և նման, Տարսոնի հայ արքունիքը կահաւորուած էր ասիական պերճ ու շքեղ գորգերով ու հազուագիւտ հնութեան թանկագին առարկաներով :

Թագուհին մօտեցաւ Հայրապետին, դշխոյաւայել փափկութեամբ մը համբուրեց Ս. Աջը և ցոյց տուաւ հայրապետական թիկնաթողը, ճիշտ քովը դրուած Արքայական Գահին, որ Լեւոնի անյայտացման օրէն ի վեր սեւ քօղով մը ծածկուած կը մնար :

Հայրապետէն ետքը կարգով բազմեցան հետեւորդները իւրաքանչիւրն իրեն ցոյց տրուած տեղը :

Դէմքերը լուրջ էին ու մտախորհ : Հայրապետ, արքեպիսկոպոս, իշխաններ, ամենքն ալ իրենց նայուածքը կեղրոնացուցած էին Հայոց Դշխոյին վրայ, որ սեւ զգեստներուն մէջ աւելի գեղեցկացած, հրեշտակային շնորհ մը, քաղցրութիւն մը կը սփռէր իր շուրջը :

Պահ մը բոլոր աչքերը սեւեռուն, իրարու հանդիպեցան :

Այդ աչքերուն մէջ աչք մը կար միայն, որ կուլար. Հայոց Տիկնոջ : Այլի համարուած Դըշխոյին սիրարոյր, ծաւի և վճիտ աչքերը . . . :

Հայրապետը խզեց վերջապէս լուսթիւնը մինչ թագուհին կը չարհարուէր անձկոտ սպասումի մը մէջ :

— Հայոց Տիկին, ըսաւ գորովոտ շեշտով մը, գիտէ՞ք մեր այցելութեան շարժառիթը :

— Կրնամ գիտնալ, յարեց թագուհին թախծադէմ, անշուշտ օրհնաբեր ու բարեհմայ կ'ընդունիմ այս անսպասելի այցելութիւնը :

— Այո՛, զաւակս, շարունակեց Հայրապետը, հետզհետէ տալով իր ձայնին աւելի քաղցրութիւն և իր դէմքին՝ աւելի գուրգուրանք ու լրջութիւն, պէտք է ընդունիք այդպէս, մենք եկած էնք թեթեւութիւն ու սփոփանքը բերելու Ձեզի, Դշխոյ, և կը յուսանք թէ մեր հայրական յորգորներուն պիտի անսաք սիրայօժար :

— Ի՞նչ յորգորներ, սրբազան Հայրապետ, ընդմիջեց թագուհին :

— Գիտէ՞ք անշուշտ, շարունակեց Կաթողիկոսը, Կիլիկիոյ տէրը, համայն ազգիս առաքինի

ու բարերար արքան տակաւին անյայտ կը մնայ, և երկիրը սուգի մէջ թաղուած, զո՛ւր կը սպասէ անոր :

— Ի՞նչպէս, ընդմիջից թագուհին դողով, Սրբազան Հայրապետ, նոր լո՛ւր մը բերած էք արդեօք, ի՞նչ կայ, միթէ նոր դժբաղդութիւն մը պիտի իմանամ :

— Ո՛չ, ո՛չ, սիրելի Դշխոյ, յարեց Հայրապետը, ուրիշ ի՞նչ աւելի մեծ դժբաղդութիւն կըրնայ գոյութիւն ունենալ քան այն՝ որ արդէն կը ծանրանայ մեր սրտերուն վրայ և որ սուգով կը պատէ աշխարհը :

Միւս ներկաները, լուս ու տխուր, երկիւղածօրէն կը հետեւէին այս խօսակցութեան որ հետըզհետէ շահեկանութիւն կը ստանար :

— Բայց, շարունակեց կաթողիկոսը, մինչեւ ե՛րբ պիտի տեւէ այս տարտամ ու տրտում կացութիւնը, դուք ի՞նչ կը խորհէք, Դշխո՛յ :

Ներկաները ցնցուեցան :

Թագուհին կը սարսուար, սև սև նախաղագացումներէ շարչարուելով : Հայրապետին խորհրդաւոր հարցումին պատասխանելու ինքզինքը անկարող կը զգար, ա՛յնքան յուզուած էր ու ընկճուած :

— Չէ՛ք խօսիր, սիրելի Դշխոյ, կը պնդէր հայրապետը, ի՞նչ կը խորհէք դուք, արդեօք ի՞նչ է դարմանը, մինչեւ ե՞րբ պիտի տեւէ այս ամուլ սպասումը, որ կը կապէ մեր ձեռքերը :

— Ի՞նչ, ի՞նչ ըսել կ'ուզէք, գոչեց թագուհին գայրացկոտ շեշտով մը, պարզ խօսեցէ՛ք, սրբազան հայրապետ, արդեօք բո՞թ մը պիտի հաղոր-

դէք ինձի ու չէք կրնար, ըսէ՛ք կ'աղաչեմ, մի՛ ծածկէք ինէ, ի՞նչ է պատահեր :

— Ո՛չինչ, սիրելի Դշխոյ, յարեց կաթողիկոսը, նոր բան չէ պատածը, ամէնուս ծանօթ է արդէն, արքային անյայտացումը . . . :

Եւ ալեհեր գլուխը ձեռքերուն մէջ առաւ :

Ճաղատ ճակատը կ'այրէր, սպիտակ ընքուիներուն շուքին տակ կը փայտատակէին երկու խորունկ, սև ու թափանցող աչքերը : Ի՛էմը պայծառ, անխորշո՞մ տակաւին, հակառակ իր եօթանասուն և աւելի ձմեռներուն, համակ բարութիւն կը բուրէր ու գորովանք :

Դարձաւ արքունական քորտուղարին, որ, ինչպէս ըսինք, իրեն կ'ընկերանար, յայտկապէս հրաւիրուած Սիւնն, որուն արքեպիսկոպոսն էր :

— Սրբազան եղբայր, ըսաւ անոր, պատմեցէ՛ք եղելութիւնը Դժխոյին, ժամանակը շատ սուղ է, բոպէները կը սուբսն և վտանգը տակաւ կը մեծնայ, կը սպառնայ . . . :

Տ. Յովհաննէս արքեպիսկոպոսը թիկնաթոռին մէջ երերալ սկսաւ, ու, խիստ կարեւոր գազանիք մը հաղորդելու պատրաստուող մէկու մը պէս, պահ մը խորհրդաւոր նայուած մը պարտցուց իր չուրջը, մէկ երկու անգամ հագած, և, իր մետաքսաթել երկայնածիֆ մօրուքը մատներովը սանտրելով, յուզուած դէմքով մը .

— Հայոց Տիրուհի, ըսաւ քնքոյլ ու փաղաքուշ ձայնով մը, որ կը դողդոջէր, գիտէ՞ք ի՞նչ է խնդիրը, կը խնդրեմ որ ուշի ուշով ունկնդրէք :

Թագուհին, ինքզինքը ամփոփելով, արձանի

մը պէս անչարժ, կաղմ ու պտորատո կ'երեւար, անթարթ աչքերը յառած եպիսկոպոսին:

— Սրբազան Հայր, ըսաւ, կ'աղաչեմ, շատ մի տանջէք զիս. հոգիս արդէն նեղուած է, վիշտերու, հոգերու, կասկածներու և ամենօրեայ տառապանքներու դէմ մաքառելէ յոգնած, շուտ ըրէ՛ք, ո՞ղջ է արքան, ունի՞ք բարի լուր մը:

— Դշխոյ, յարեց արքունական սրբազան քարտուղարը, մի այլ ևս զբաղիք ստով:

— Ի՞նչպէս...

— Արքային կեանքը, շարունակեց եկեղեցականը, Արարչին ձեռքին մէջն է, ո՞վ զիտէ...

— Մեռա՞ւ արդեօք, բացազանչեց թագուհին ողբագին հեծեծանքով մը. և դուք չէ՛ք յայտներ:

Ու լուսթիւնը, ցուրտ, ահաւոր, խորունկ, տիրապետեց արքայական դահլիճին մէջ:

Ներկաները, ստոյգ աղէտի մը հարուածին ներքեւ, լուռումուռնջ գիրար կը զիտէին. առանց համարձակելու ջնջել բռն մը:

Թագուհին յանկարծ փղձկեցաւ, արցունքի հեղեղ մը կ'ողողէր անոր թաւիչ այտերը:

Հայրապետը սրտնեղած ու քիչ մըն ալ դայ-բացկոտ, դառնալով արի եպիսկոպոսին.

— Չըսէ՛ք, սրբազան եղբայր, ինչո՞ւ կը ծամ-ծըմէք...

Արքեպիսկոպոսը վերջին ճիգով մը.

— Մե՛ծ Դշխոյ, ըսաւ, եկած ենք հոս, բովանդակ Կիրիկիոյ ժողովուրդին կողմէն, Ձեզի յանձնելու արքայական թագը, և խնդրելու որ այսուհետեւ Դո՛ւք ձեռք առնէք կառավարութեան

դեկը, ազգին պիկո՞ծ նաւը հանելու համար խազաղ ու ապահով նաւահանգիստը...

— Բայց ո՞ւր է, Սրբազան, գոչեց թագուհին, ո՞ւր է թագին պետը:

— Անոր վեհափառ հոգին, պատասխանեց դողդոջ ձայնով մը, թող երկինքի բարձունքէն հսկէ ձեր վրայ, Դշխոյ, և մեր անտէրունչ ու հալածական ազգին վրայ...

Մարուն Դշխոյին գեղեցիկ աչքերը տակաւ կը նուազէին ու անոր ամբողջ մարմինը կը դողար:

— Մեռաւ Լեւոն, կանչեց լալակո՞ծ, խաւարեցաւ արեւս...

Փարէն վար սահեցաւ, անկենդան փռուեցաւ գետին:

Նուազած էր:

Սրբազան հայրապետը գլխուն վերեւ, չըջապատուած իր հեռերդներով, բոլորը շուարած ու ռոտքի կեցած, ազօթք մը կը մրմնջէր:

Քանի մը վայրկեան այնպէս զգայազուրկ մընալէ յետոյ, սթափեցաւ թագուհին և շուրջը թաւալելով իր յուսահատ ու թախմամած նայուածքը, հառաչեց նախ. յետոյ խելայել շարժումով մը, յուսահատօրէն ախար ճիչ մը փրցուց:

— Էհ ուրեմն, կը հեծեծէր, Լեւոնիս մահ-ւոն բօժը կը բերէք ինձի:

— Օրհնեա՛լ են կամք Տեառն, ո՞վ Դշխոյ, յարեց Հայրապետը, մեռա՞ւ արքայն, ո՞ղջ է Դըշխոյն, այս է Աստուծոյ կամքը, դո՛ւք էք, այստե՛հետեւ Հայոց թագին ժառանգն ու տէրը:

— Կեցցէ՛ Մարուն Դշխոյն, գոչեցին իշխանները, և դահլիճին ոսկեդրուաք ձեղունը թնդաց:

— Օ՛ն ուրեմն, շարունակեց Հայրապետը, Հա-

յոց Տիկի'ն, սրբէցէ՛ք ձեր արցունքը, զօրացէ՛ք Ս. Խաչին ապաւինեցէ՛ք:

Թագուհին տակաւ կ'ընտելանար անողոք իրականութեան և իր բոլոր ուժերը կը հաւաքէր համակերպելու համար անոր: Արդէն, Հայրապետին կրկնակի յորդորներն ու մխիթարականները ներգործած էին անոր վրայ, մանաւանդ որ ինք՝ Թագուհին՝ ճշմարիտ քրիստոնէսայ մըն էր, ջերմնուանդ հաւատացեալ մը, կրելով կորովի հոգի մը՝ կեանքէ հարուածներուն դէմ կուրծք տալու աստիճան տուկուն, փափուկ ու զգայնիկ սիրտ մը՝ կրօնային խոստումներու և հանդերձեալի երանութիւններուն հանդէպ բաբախուն:

Ուստի ինքզինք դիւցադնօրէն մահացու վիշտին դէմ պաշտպանելով:

— Սրբազան Հայրապետ, մրմնջեց, կը խոնարհիմ Աստուծոյ կամքին առջեւ, պատրաստ եմ գործադրելու ձեր հրամանը, իմ ազգիս փրկութեան համար:

— Օրհնեա՛լ է Արարչին կամքը, Դշխո՛յ, տիեզերք համօրէն կը խոնարհին ու կ'երկրպագեն Անոր առջեւ. մենք, Անոր տրուպ ու մեղապարտ ճամբան որ դէպի փրկութիւն կը տանի:

— Տոյց տուէ՛ք ինձի այդ ճամբան, յարեց Թագուհին:

— Համակերպի՛լ է, Դշխոյ, շարունակեց Կաթողիկոսը, Թագաւորը մեռա՛ւ, ո՛ղջ է Թագուհին:

Մարուն Դշխոյ դարձեալ իր մէջ զգաց ուժգին փոռզում մը: Կաթողիկոսին վերջին բառերը հրաշէկ շամփուրի մը պէս խաչեցին իր ըղիղը. վե-

րըստին թուլացաւ ու ինկաւ գահին ոտքը:

— Մեռա՛ւ Թագաւորը...

Այս հարցականը միայն լսուեցաւ, յետոյ, ահաւոր լուսթիւն մը տիրեց:

Կաթողիկոս, արքեպիսկոպոս, իշխանները ամէնքն ալ շուարած, պահ մը խորհրդաւոր ակնարկներ փոխանակեցին իրենց միջեւ:

Լեւոնի խորհրդաւոր անյայտացման շուրջ հընարուած զարհուրելի առասպելներ խանդարած էին վատարախտ Մարունի ջղային դրութիւնը, անոր փափուկ առողջութիւնը քայքայելու աստիճան: Օրերով ծոմապահութիւն, զիշերային յաճախակի հսկումներ, յարածուն մտմտութներ, յուզումներ ու տազնապներ. այս ամենը թուհաւորուած էր անոր կեանքը. այնպէս որ, փոքրիկ յուզում մը բաւական կ'ըլլար անոր սրտի բաբախումները բազմապատկելու:

Հաղիւ սթափած, ինքզինք ամփոփեց. վերըստին բազմեցաւ գահը, և ցաւազին նայուածք մը ձգելով շուրջանակի:

— Սրբազան Հայրապետ, հեծկլտաց, ներեցէ՛ք տկարութեանս:

— Հանդարտեցէ՛ք, աղջի՛կս, յորդորեց Հայրապետը, կենսական է վայրկեանը, թշնամին պաշարած է ծովեզերքները, անթիւ անհամար զօրագունդեր կ'ասպատակեն մեր քաղցր երկիրը:

— Այո՛, այո՛, կրկնեց Թագուհին, կ'ամայանայ Կիլիկիա, դաշտերը կը պարպտին աշխատաւոր գիւղացիներէն, որոնք լեռները կը փախչին փրկելու համար իրենց կեանքը:

— Եւ եթէ քիչ մըն ալ տեւէ այս վիճակը, ընդ-  
միջեց արքայական բարտուղար արքեպիսկոպոսը,  
հայրենիքը աւերակի մը կը վերածուի, եկեղեցի-  
ները, վանքերը, սրբազան տաճարները մէկիկ  
մէկիկ կը քանդուին:

Եւ մենք, միջամտեց յանկարծ ներկայ իշխան-  
ներէն ասպետորդի Մանուէլ, որ ջերմ հաւատաց-  
եալ մըն էր Եւրոպայի պաշտպանութեան, ոճրա-  
գործ անասարկերութեամբ մը կը դիտենք այս ա-  
մենը:

— Ի՞նչ ընենք ուրեմն, գոչեց թագուհին, ո՞ր  
դիմենք, խօսեցէ՛ք, արդեօք ի՞նչ կրնանք ընել,  
կա՞յ դարման մը:

— Դարմանը բերած ենք մեղի հետ, ո՞վ Դըշ-  
խոյ, յարեց Հայրապետը, դ՞ո՞ւք էք, դ՞ո՞ւք պիտի  
ըլլաք դարմանը:

— Ի՞նչպէս . . . :

— Մտիկ բրէ՛ք, շարունակեց Հայոց Հայրա-  
պետը. մեր ազգին ճակատագիրը յանձնեցինք Ձեր  
ձեռքերուն մէջ. ո՞վ Դշխոյ, բայց ազգը զո՞նոզու-  
թիւն մը պահանջէ ձեռէ:

— Պատրաստ եմ զո՞նուելու, ընդմիջեց թա-  
գուհին:

— Ուրեմն, շարունակեց Հայրապետը քաջա-  
լերուած, ա՛յս ժամէն կ'սկսի Կիլիկա չունչ առնել  
և յուսալ տպագային որ խոստմնալից է. միայն  
ինչպէս որ ըսի, զո՞նոզութիւն մը պէտք է ընէք  
դուք, և ասիկա՝ երկրին ու ազգին փրկութեան  
համար:

— Մեռնի՛ր, ընդմիջեց թագուհին, սիրայօ-  
ժար կ'ընդունիմ:

— Ապրի՛ր, ո՞վ դշխոյ. յարեց Հայրապետը,  
ապրի՛ր կը պահանջեմ ձեզնէ այնպէս, ինչպէս կը  
վայելէ դշխոյի մը, Կիլիկիոյ Հայոց Տիկնոջ. ապրի՛ր,  
ո՞չ իբրեւ այրի, ինչպէս որ մինչեւ ցարդ ապրե-  
ցաք. այսուհետեւ պէտք է մէկդի նետէք սեւ քօ-  
ղը, պէտք է վերստին հագնիք դշխոյական ծիրա-  
նին. պէտք է վերանորոգէք ձեր ձեռքը, որպէս  
զէ՛ ձեզի հետ վերանորոգուի Կիլիկա, հատկցա՛ք:

— Ներեցէ՛ք, Սրբազան Հայրապետ, աւելի  
պարզ խօսեցէ՛ք:

— Ո՞վ դշխոյ, կրկնեց Հայրապետը, պէտք է  
թողէք անցեալը, պէտք է որ ամուսնութիւն մը  
կնքէք, պէտք է Հայոց թագը պատուաստի եւրո-  
պական արքունիքի մը թագին հետ, որպէս զի կա-  
րենանք դուրս ելլել պատիւով այս քաղաքական  
փոթորիկներուն մէջէն:

Մարուն դշխոյի դիմագծերը սպառնական ծա-  
ժածուումներ առին. շեշտակի նայեցաւ ներկանե-  
րուն. և

— Սրբազան Ուայրապետ, ըտաւ, դ՞ո՞ւք էք որ  
ինծի կ'առաջարկէք այս . . . անհեթեթ առաջար-  
կը. միթէ կրնամ շրթունքս ձօտեցնել այդ . . . ըմ-  
պելիին, միթէ քիչ կը գտնէք տառապանքս, և կը  
պահանջէք ինէ բան մը, որ աւելի դառն է քան  
մահը:

— Ո՛չ, ո՛չ, կրկնեց Կաթողիկոսը կշտամբոտ  
շեշտով մը, կը սխալիք դշխոյ, և չարաչար կը  
սխալիք. հայրենիքի փրկութիւնը կը պահանջէ

ձենէ այդ զօհողութիւնը . կ'աղաչեմ, մի պնդէք, մի՛ յամառիք, պէտք է այսօր իսկ վերջանայ այս գործը :

— Ամուսնանալ, Սրբազան Հայրապետ, կը պողատէր թագուհին, Լուսինեան Լեւոնէն ետքը, միթէ կարելի՞ է, ո՞վ պիտի կրնայ իսկ սրտէս անոր յիշատակը, ինձի համար այսուհետեւ մէկ բան կը մնայ ընել :

— Ի՞նչ . . . :

— Քաշուի՛լ . . . :

— Ո՛ւր քաշուիչ հարցուց Կաթողիկոսը :

— Վա՛նք մը պատասխանեց թագուհին, առանձնանալ, հարսնանալ Քրիստոսի հետ . . . :

— Վանեցէ՛ք այդ տխուր մտածումները, Տիւկին, դատարիք մը պիտի համարուիք այն ատեն . պատմութիւնը պիտի դատապարտէ ձեր այդ արարքը . ձեր սիրտը, հայրենիքին ազատութեան համար բարխող այդ փափուկ սիրտը կրնո՞յ միթէ հանդուրժել Լեւոնի երկրին վերջնական կործանման :

Վերջապէս, Կաթողիկոսին ու իր հետեւորդներուն թախանձագին ստիպումներէն, մանաւանդ առաջինին կորովի յորդորներէն ընկճուած, տեղի տուաւ թագուհին :

— Քանի որ ազգային քաղաքականութիւնը կը պահանջէ, ըսաւ, կը հաւանիմ :

Հաւանութիւն տուած էր

Անմիջապէս պատգամաւորութիւն մը զրկեց Սիկիլիոյ արքունիքը, Մարուն Դիսոյի ազգականին՝ Փիլիպպոս թագաւորին, նաեւ Հռովմի Ս. Պապին

անոնց ազդու միջամտութիւնը խնդրելու, վերջին անգամուան համար, Եւրոպայի զինեալ պաշտպանութիւնը ձեռք բերելու նպատակով :

Պատգամաւորութիւնը շուտով նշանակուեցաւ .

— Սոց Տ. Յովհաննէս արքեպիսկոպոսը . արքունի քարտուղարի հանգամանքով, և իրեն թարգման կարգուեցաւ ասպետական շառաւիղներէն Մանուէլ իշխանը, քաջ լատինագէտ եւ միեւնոյն ժամանակ նուրբ դիւանագէտ մը :

Հայրապետը կը պատրաստուէր մեկնիլ իրեն ներուն հետ, երբ ներս մտաւ սենեկապետը :

— Ի՞նչ կայ, հարցուց թագուհին :

— Հայոց Տիկի՛ն, պատասխանեց սենեկապետը, մինչև գետին խոնարհելով, բանբեր մը :

— Բանբեր մը, մեքենայօրէն կրկնեցին բոլոր ներկաները :

Եւ ամէնքը միասին ոտքի ելան :

Արեւը վաղուց հեռացած էր արեւմուտքի լեռներուն կատարներէն, Տարսնի վրայ կը տարածուէր գէշ մթութիւն մը, արքայական պալատին շուջը խորունկ լուսութիւն մը կը տիրէր, մերթ ընդ մերթ ընդհատուած՝ քաղաք վերադարձող կարաւաններու ազմուկներէն, որոնք կը կորսուէին մօտեցող գիշերուան տակաւ թանձրացող ստուերներուն մէջ :

Արքունիքին լոյսերը կը վառէին արդէն, և Դիսոյին հիւրերը կը քաշուէի իրենց յատկացուած յարկաբաժինը, թագուհին առանձի թողելու համար բանբերին հետ, որ սենեկապետին յայտարարութեան համաձայն, շատ կ'աճապարէր :



Դ.

Բ Ա Ն Բ Ե Ր Ի Ն Գ Ա Ղ Տ Ն Ի Ք Ը

Կիլիկիոյ Ս. Կաթողիկոսը, արքունի քարտուղար Ստոյ Տ. Յովհաննէս արքեպիսկոպոսը, իրենց ընկերացող երեք իշխաններուն հետ, պալատի յատուկ յարկարածինի առանձնասենեակ մը քաշուած, կը պատրաստէին խնդրագրերը, որոնք պիտի մատուցուէին՝ մէկը Հռովմի Գրիգոր Թ. Պապին և միւրը՝ Սիկիլիոյ Փիլիպոս թագաւորին, հայ պատգամաւորութեան ձեռքով, որ հետեւեալ օրը պիտի ճամբայ ելլէր Արեւմուտքի ջուրերը:

Իսկ թագուհին, իր առանձնասենեակին մէջ, նոյն պահուն կ'ընդունէր իր սենեակապետին ազգարարած բանքերը, թուխ դէմքով, սեւաչուի, սեւընքուի, միջակ հասակով, քիչ մը գիրուկ, բաւական սեւքոտ կտրիճ մը, ճամբորդութեան արեխը ոտքը, քրտինքը դեռ կը հոսէր ճակատն ի վար:

Ծունկի եկած Դչխոյին առջեւ, զգուշաւոր ու երկիւզած զիբքի մը մէջ, ձեռքերը զօղզօղալով, ծրար մը հանեց ծոցէն ու գետինը դրաւ:

Թագուհին սեւեռարիւր կը հետեւէր այս խորհրդաւոր մարդուն մէջ մի շարժումին:

Մարդը քակեց ծրարը, մէջէն հանեց գրքոյկ մը, մետաքսէ ժապուէններով, բնհզի մէջ փաթթուած և զայն երկնցնելով ափկոնջ:

— Վեհափայլ տիկին, ըսաւ դողդոջոյն ձայնով ու երկչոտ շարժուծեւով մը, աւանդ մըն է, առէ՛ք, բացէ՛ք, պիտի տեսնենք:

Մարուն Դչխոյին աչքերը շողացին, վայրկենապէս անդրադարձաւ, շատ մօտիկ անցեալի մը վերջիչումովը սարսռաց:

— Ձեզի՛ կը պատկանի, շարունակեց բանքերը, Հայոց Տիկին, մեր պաշտելի թագաւորին բանակաւայրէն կուգամ, և...

Բանքերը խօսքը չաւարտած, թագուհին՝ գըրքոյկը պինտ մը բռնած, խեղաչեղօրէն գոչեց.

— Թագաւորին բանակաւայրէ՛ն...

— Այո՛: Մե՛ծ Տիկին, պատասխանեց բանքերը, բանակաւայրէն կուգամ ճիշտ ութ օր է որ մեկնած եմ, գիշերները քայելով, ցորեկները դադար առնելով սեպ ժայռի մը գագաթը կամ միջին թաւուտքի մը մէկ անկիւնը:

Մէ՛կ ակնարկով ճանչցաւ, իր սիրականին՝ Լեւոն Ե.ի ձեռագիր աւետարանը...

Երեսին կը տանէր, գրգանքով կը համբուրեր սուրբ մատենիկը, իր պաշտեցեալին ձեռքով գըրուած ու նկարուած. արցունքնելովը, կ'ողողէր մագաղաթը, մոռնալով պահ մը բանքերին ներկայութիւնը:

Բանքերը սակայն կ'աճապարէր:

— Ըսելիքներ ունիմ, Հայոց Տիկին, շարունակեց, թէև յոգնած դաղրած, ութ օր անընդհատ ճամբորդութենէ մը կուգամ, սակայն այս գիշերունէ ստիպուած եմ վերադառնալ:

— Ո՛ւր հարցուց թագուհին, առանց իր ան-  
քերը հեռացնելու ձեռագիր մատնիկէն:

— Բանակավայրը, պատասխանեց բանբերը:  
Թագուհին նո՛ր անդրադարձաւ: Ձեռագրին  
էջերուն մէջ թաղուած, բանբերին յայտարութիւն-  
ները չէր ըմբռնած:

— Ո՛ր բանակավայրը, հարցուց տենտագին:

— Թագաւորին, պատասխանեց բանբերը:

— Տեսա՞ր զինքը...

— ...

Ցրտասարսուռ լուսթիւն մը, ա՛յո եղաւ բան-  
բերին պատասխանը:

— Ո՞վ ուրեմն յանձնեց քեզի այս աւանդը,  
հարցուց թագուհին սպառնական շեշտով մը:

— Մարաջա՛խտը, պատասխանեց բանբերը,  
առանց վրդովուելու:

— Մարաջա՛խտը, կրկնեց թագուհին, ի՞նչ-  
պէս կը կոչուի:

— Սոհիէր, պատասխանեց բանբերը, մեր  
սիրելի արքային հաւատարիմ զինակիրը, չէ՞ք  
յիշեր, մոռցա՞ծ էք, Մե՛ծ Տիկին:

— Բայց թագաւորը, դարձեալ հարցուց թա-  
գուհին անձկոտ ու տենդոտ շարժումով մը, չը  
տեսա՞ր զինքը:

— Տիկին, կմկմաց բանբերը դողահար, չէի  
կրնար տեսնել:

— Ինչո՞ւ...

— Վիրաւորուած էր, շարունակեց բանբերը  
ողորմուկ ձայնով մը, վրանին մէջ կը գարմանուի  
կ'ըսէին:

Մարուն Դշխոյին յուզումը կարելի չէր նկա-  
րագրել, տեսակցութիւնը տակաւ վրդովիչ կը  
դառնար:

Ինքզինքը զսպելով:

— Ի՞նչ ըսաւ քեզի մարաջախտը, հարցուց:

— Տարսոն պիտի տանիս ըսաւ ինձի, պատաս-  
խանեց բանբերը, այս աւանդը պիտի յանձնես  
Մարուն Դշխոյին, թագաւորին յիշատակը:

— Թագաւորը չպիտի՞ դայ, հարցուց թագու-  
հին, ամէն ճիգ ընելով զսպելու իր ներսի դին  
յուզուող ու պոսթկալ սպառնացող փոթորիկը:

— Չեմ գիտեր, պատասխանեց գեղջուկը մի-  
ամիտ դօնով մը, վրանին շուրջը պահակներ կը  
սպասէին, արգելքը խիստ էր, անկարելի էր մուտ-  
քը:

— Ինչո՞ւ համար այդքան խիստ արգելք,  
հարցուց թագուհին:

— Մարաջախտը պատուիրած էր, շարունա-  
կեց բանբերը, իրմէ և Ֆիմի կոմսուհիէն զատ ո՛չ  
ոք կրնար վրանէն ներս մտնել:

— Ո՞վ կը դարմանէր թագաւորին վէրքը:

— Ներեցէք, Մե՛ծ Տիկին, յարեց բանբերը,  
մոռցայ, վիրաբոյժը միշտ Վրանին մէջ կը մնար,  
արքային քովէն բնաւ չէր գառուեր, այսպէս կը  
կը պատմէին զինուորները:

— Բնակավայրը գիտե՞ս, ո՛ւր է, հարցուց  
թագուհին:

— ...

Բանբերը չէր խօսեր:

— Ինչո՞ւ լռեցիր, կշտամբեց թագուհին, չը-  
սե՞ս, ո՛ւր է բանակավայրը:

Վերջին Բերդը

— Չեմ... չեմ... գի...տեր, կակազել ըսկրսաւ բանբերը, չեմ կրնար յայտնել:

— Ինչո՞ւ...

— Երդո՛ւմ տրուած է ինծի, Տիկի՛ն...

— Բայց ինձի համար չէ՛ այդ երդումը, առարկեց թագուհին:

— Ներեցէ՛ք, Հայո՛ց Տիկի՛ն, մահուան պատիժով արգիլուած եմ Ձեզի յայտնելու այս գաղտնիքը...

Թագուհին համոզուեցաւ, զո՛ւր էր նեղել ու չարչարել մարդուկը, և սակայն ուզեց անդամ մըն ալ, վերջին անգամ մը փորձել բերնէն խլիլու բանբերին գաղտնիքը.

— Շա՛տ լաւ, ըստ, ա՛լ չեմ ստիպեր քեզ, կարի՛ճ, բայց, ըսէ ինծի, մարաջախտը ի՞նչպէս էր, արատ՛ւմ թէ զուարթ, երբ քեզի կը յանձնէր այս գրքոյկը:

— Տիկի՛ն, թոթովեց, ըսե՛մ շիտակը, շատ արատւմ ու մտածկոտ եղեցաւ ինծի:

— Ձիմի՛ կոմսուհին ալ տեսար, չէ՞:

— Մարաջախտին հետ էր, պատասխանեց բանբերը, շատ յուզուած կը թուէր, մերթ ընդ մերթ աչքերը կը սրբէր, յաճախակի վրանը կը մտնէր ու դուրս կ'ելլէր...

— Բան մը չիմացա՞ր թագաւորին համար, ի՞նչ կը պատմէին:

— Կ'ողաչեմ, Տիկի՛ն, սկսաւ աղերսել բանբերը, շատ մի՛ հարցափորձէք զիս այս մասին, բան մը չեմ գիտեր:

— Ձը լսեցի՞ր բան մը, ի՞նչ կը խօսէին, դարձեալ հարցուց թագուհին:

— Կը պաղատարիմ, ո՛վ բարի դշխոյ, բացազանչեց բանբերը, այդ մասին արգիլուած եմ խօսելու. կը խնդրեմ միայն, շուտով ճամբեցէ՛ք զիս: Ձեր կողմէն անդորրագիր մը պէտք է տանիմ մարաջախտին, աւանդը նոյնութեամբ և անվթար ձեզի յանձնած ըլլալս հաստատող, արդէն շատ ուշացած եմ, բանակազայրին մէջ ո՛վ գիտէ ի՞նչ չարագուշակ մեկնութիւններ կուտան այս պահուս, իմ յապաղմանս համար:

— Մի՛ աճապարեր, կարի՛ճ, տնտարակոյս պիտի տամ քեզի անդորրագիր մը, ըսաւ թագուհին փառաքուշ շնչոով մը, բայց ինծի չըսիր թէ ի՞նչպէս էր թագաւորին վէրքը:

Բանբերը գլուխը ծռած, ա՛լ չէր խօսեր, ճշմարիտ սփինքս մը:

Սակայն թագուհին տակուհին չէր յուսահատած, կը խորհէր ո՛ր և է կերպով խլիլ բանբերին գաղտնիքը. ուստի, կնոջակոսն գորովի ամենափափուկ ու փորձիչ շնչոով մը.

— Սիրո՛ւն կարիճս, ըսաւ, ինծի նայէ՛, Հայոց թագուհին է որ քեզի կը խօսի, քանի որ երդուած ես, ըսէ՛ միայն, ո՞ղջ է թագաւորը:

— . . .

— Ինչո՞ւ լուռ թիւն կը պահես, ինչո՞ւ կը խոչտանդես զիս, անգո՛ւթ մարդ, յանդիմանեց թագուհին:

— Դեռ ողջ էր, պատասխանեց վերջապէս թոթովելով:

— Յեռո՛յ . . . :

— Բայց . . . շարունակեց ակամայ , յուսահա-  
տական կը գտնէին .

— Ի՞նչը . . . :

— Վիճակը :

— Ինչպէս :

— . . .

Դարձեալ լռութիւն :

Եւ կարելի չեղաւ բառ մը խիլ անոր բերնէն :  
Բանքերին լեզուին տակ թերեւս պահուած էր  
գաղտնիքներուն ամենէն գարնուրելին , ո՛վ գիտէ ,  
սակայն , սփինքսի լռութիւն մը պատուիրուած էր  
անոր :

Թագուհին գայրացած՝ ոտքի ելաւ , սենեկա-  
պետը կանչեց և աղաբարեց նոյն գիշերը պալա-  
տին մէջ վար դնել այդ խորհրդաւոր մարդուկը ,  
որ յանդգնութիւնը կ'ունենար անդրդուելի մտալու  
իր յամառութեան մէջ և արձամարհելու Հայոց  
Դշխոյին . . . աղաչանքը :



Ե.

Մ Ո Ի Բ Ա Յ Ի Կ Ճ Գ Ն Ա Ի Ո Ր Ը

Առանց կարենայ թափանցելու բանքերի գաղտ-  
նիքին , թագուհին անդորրագիր մը տուած էր ա-  
նոր ու հետեւեալ առտուն ճամբու դրած էր զա-  
նի , մասնաւոր գիր մըն ալ ուղղելով մարաջախտ  
Սոհիրէի , թախանձագին պաղատելով իրեն շուտով  
ստոյգ լուր մը հաղորդելով իր սիրական էրկան՝  
Լեւոն թագաւորին առողջական վիճակին վրայ :

Իսկ Տ . Մեսրոպ Կաթողիկոս նոյն օրերուն  
մէջ մեկնած էր Տարսննի պալատէն , Մարուն Դըշ-  
խոյին ստորագրել տալէ յետոյ կարգ մը կարեւոր  
խնդրագրեր , Սիկիլիոյ թագաւորին ու Հռոմի Ս .  
Պապին ուղղեալ : Նոյնպէս Եւրոպա մեկնած էր  
այդ թուղթերը ասնող հայ պատուիրակութիւնը :

Մարուն Դշխոյին պալատին մէջ խորհրդաւոր  
չչուկներ չըջան կ'ընէին այդ օրէն ի վեր : Արքու-  
նիքի սուգը կէս մը վերցած էր , ու պալատական-  
ները խնդուներու իրարու կ'աւետէին Հայոց Տիկ-  
նոջ մտալու ա մտնութիւնը՝ եւրոպական ար-  
քունիքներէն իշխանի մը հետ : Մայրաքաղաքին  
վրայէն կարծես թէ՛ նոր յոյսերու զովարար գեփիւռ  
մը փչել սկսած էր :

Լեւոնի անյայտացումը գաղտնիք մը չէր , ամէն  
տեղ , հրապարակները , շուկան , տուները , նոյն-  
իսկ արքայական պալատի կամարներուն տակ ,

արձակ համարձակ խօսակցութիւններ տեղի կ'ու-  
նենային, որոնց առանցքը կը կազմէր թագաւորին  
վերջնական անհետացումը, նոյնիսկ պնդողներ ալ  
կային անոր ստոյգ մահուան վրայ: Վերջերը նոր  
լուր մըն ալ հանած էին, իրր թէ Լեւոն իր ստա-  
ցած վերքէն մեռած և արդէն վաղուց թաղուած  
էր բերդի մը մէջ, որուն անունը չէին կրնար  
տալ...:

Ու հիմա բոլոր յոյսերը կառչած կը յառէին  
հայ պատուիրակութեան, որուն Եւրոպայէն վե-  
րադարձը պիտի վճռէր Կիլիկիոյ ճակատագիրը:

Սակայն, սիրելի թագաւորին մահուան կըս-  
կիծը դեռ չը մեղմացած, Տ. Մեսրոպ Կաթողիկո-  
սին յանկարծական մահը կուզայ խոր սուգի մէջ  
թաղել բովանդակ Կիլիկիան:

Խեղճ հայրապետ, իր յղացած, իր իսկ ծրա-  
գրած ու կարգած պատուիրակութեան պսակումը  
չտեսած, աչքերը բաց կ'իջնէր գերեզման...:

Հայրապետական Ս. Աթոռը կարելի չէր եր-  
կար ատեն թափուր թողուլ, անհրաժեշտ էր ան-  
յապաղ կարգել յաջորդ մը, քոնէ հսկելու պետի  
մը պաշտպանութենէն ալ չզրկելու համար տարա-  
բաղդ ազգը, որ արդէն անմիտիթար էր ու տա-  
կաւին կ'սպբար իր արքային կորուստը:

Ուստի, Կիլիկիոյ բոլոր զիճակաւոր եպիսկո-  
պոսները, արքեպիսկոպոսները, վանականներն ու  
բարձրաստիճան եկեղեցականները, բերգատէրերը,  
իշխաններն ու յայտնի ցեղապետները՝ կը հրաւուր-  
ւին Սիս, ուր տեղի պիտի ունենար նոր Կաթո-  
ղիկոսին ընտրութիւնը:

Շնորհալիի գահին վրայ կը բարձրանայ Սսեցի  
Կոստանդին Ե.ը, որուն օծումը կատարուեցաւ  
Մայր Տաճարին մէջ:

Ս. Սօֆիա տաճարը կը ցնծար այն օրը: Կի-  
լիկիոյ զանազան զաւառներէն հոն եկած էր անա-  
գին բազմութիւն մը, որուն մէջ աչքի կը զարնէին  
տիտղոսաւոր ու պաշտօնական բարձր անձնաւորու-  
թիւններ:

Դուրսը, Մայրավանքի պարիսպին տակ, ա-  
խառներուն մէջ կապուած, կը խրինջային ձիերը:  
Ամբողջ քաղաքը կ'այեծփէր, այնքան խուռն էր  
երկսեռ բազմութիւնը հիւրերուն, որոնց շատերը  
հեռաւոր տեղերէ եկած էին ներկայ ըլլալու Ս.  
Հայրապետի օծման հանդիսաւոր արարողութեան:

Նորընտիր Կաթողիկոսը, տասներկու հան-  
գիսադիր արքեպիսկոպոսներէ շրջապատուած, ա-  
ւագ խորանին առջեւ գլխաբաց ու ծնրադիր, Ս.  
Օծումը կ'ընդունէր սրբազան ձեռքերէ, մինչդեռ,  
խորանէն ու դասէն՝ սարկաւազներ, դպիրներ ու  
երգեցիկ մանուկներու երամ մը, կարգով կ'երգէին  
աւուր պատչածի տաղերն ու շարականները, Մայր  
Տաճարին գմբէթը թնդացնելով իրենց դաշնակաւոր  
եղանակներով և ա'լ աւելի հմայիչ ու երկնային  
ընծայելով օրուան մեծ հանդէսը:

Տաճարին մէջ ասեղ ձգելու տեղ չկար, ինչ-  
պէս կը գրէ այն շրջանի ժամանակակից պատմիչ  
մը: Երկու Դասերն ալ գրաւուած էին զանազան  
զաւառներու իշխաններէն ու դղեակներու պետե-  
րէն: Լատին թէ Հայ, օտար թէ ընդի, բոլոր ազ-  
նուականները, բոլոր ասպետները, աւատապետներ

ու պառուհներ, պայլիններ, կոմսեր ու կոմսուհիներ, Միջերկրականի մերձակայ թէ հեռաւոր կըղզիներէն, Կիպրոսէն ու Ջնոզոսէն, Տաճարականներ, Ասպնջականներ, Ս. Յովհաննու Կարգի ասպետներ, Ս. Երկրի պահապաններ, Երուսաղէմի Հայոց Պատիարքին Պատուիրակութիւնը, Բարձր Հայքի մեծ ամնուտէիր իշխանները, Հայաստանի մենաստաններուն մեծաւորները, ամէն դասակարգէ ժողովուրդ խոնուած էին հոն, Դասը, Ատենը, Աւանգատունը, Գաւիթը, բոլոր խորշերն ու բոյոր անկիւնները, կամարներու տակ ու պառուհաններուն մէջ, այնպէս որ այն հոյակապ տաճարին երկնահանգոյն գմբէթին տակ եռացող մարդկային այն մըջմնողը՝ այն պահուն կը նմանէր մշտամուռնչ ծովի մը, որ իր կատաղի փրփուրները կը ժայթքէ եզերքի ցամաքի երեսին :

Վերջապէս Օծման հանդէսը կ'աւարտի խանդավառ ցնծութեան մը մէջ և երկեսն ամբողջն հեռո՛հեռ կըսկսի պարպուիլ տաճարը :

Եկեղեցական մեծ թափօրը կ'առաջանար, որուն գլուխ կը գանուէր Օծեալ Հայրապետը, «Ամպոլվանի»ով մը պաշտպանուած, «Կեանց փայտ»ի կրտորիկ մը պարփակող Ս. Խաչը ձեռքերուն մէջ բարձրացուցած, աջ ու ձախ ճօճելով գայն և իր թարմ, անդրանիկ օրհնութիւնը սփռելով ջերմեռանդ հաւատացեալներուն վրայ :

Մայր Տաճարի Մեծ Դուռը հասած էր թափօրը, պահ մը կանգ առաւ հոն :

Դուռին աջ կողմը, կարգով շարուած մուրացիկներու խումբի մը գլուխը կը կենար պատկա-

ռազէմ ու խորհրդաւոր կերպարանքով, ցնցոտինքու մէջ փաթթուած մարդ մը, պնակ մը ձեռքը, ողորմութիւն մը հայցէր, մրմնջելով անդադար .

— Յիշեցէ՛ք Լեւոն արքան, յիշեցէ՛ք Լեւոն արքան, ձգնաւորին պնակը մի՛ անտես առնէք . . . :

Թափօրը նորէն կը շարժի Մեծ Դուռին առջև, ամբօրը հեռո՛հեռէ դուրս կ'ելլէ, խորհրդաւոր մուրացիկանին պնակը չուտով կը լեցուի Լեւոն թագաւորին դրամներովը, և սակայն, Մեծ Դուռին աջ կողմէն կը լսուի նոյն աղերսաւոր մրմունջը . —

— Յիշեցէ՛ք Լեւոն արքան, յիշեցէ՛ք Լեւոն արքան ձգնաւորին պնակը մի՛ անտես առնէք . . . :

Թափօրը կ'անցնի Մեծ Դուռէն, Հայրապետին շքախումբն ալ կ'անցնի, և կը հասնի Հայոց Տիրինը . որ նորրնաիր Հայրապետին Օծման հանդէսին ներկայ էր նոյն օրը, և իր պալատականներով կը հետեւէր «Ամպ Հովանի»ին :

Հոն, Մեծ Դուռին առջև կանգ կ'առնէ յանկարծ, երբ սկանջին կը զարնէ մուրացիկան ձըգնաւորին ծանօթ յանկերգը . —

— Յիշեցէ՛ք Լեւոն արքան . . . :

Մարուն Դիխոյլին ուշադրութիւնը կը գրաւէ այդ խորհրդաւոր մարդը, որ հակառակ աղտոտ գրգռեակներուն, որոնք հագլւ թէ կը ծածկէին իր մերկութիւնը, և հակառակ իր մուրացիկանի կերպարանքին հասարակ մահկանացուի մը չէր նրմաներ, ազնուական հով մը կար վրան :

Հայոց թագուհին վայրկենապէս դիտեց այս ամէնը, և նոյն պահուն անբացատրելի յուզումէ

մը չարչարուած, անկարող գտնուեցաւ ինքզինքը դսպելու, և պահ մը մոռնալով զինքը չըջապատող երկսեռ բազմութիւնը:

— Բարի՛ մարդ. ըսաւ գորովոս զէմքով մը, ըսէ՛ ինձի, ո՛վ ես դուն:

Խորհրդաւոր ժպիտով մը պատասխանեց մուրացիկը.

— Հայոց Տիկին, անցի՛ր գնա՛, մի՛ հարցընէր...:

Թագուհին զարմացած ա՛յսքան յանդուգն վարմունքի մը վրայ, մարդու մը կողմէն, որ ողորմութիւն կը մուրար, ա՛լ աւելի կը հաստատուէր իր համոզման մէջ ու կը խորհէր թէ՛ այդ ցնցոտիներուն տակ վեհ՛, ազնուական հոգի մը կ'ապրէր. ուստի.

— Բայց ինչո՞ւ չես ըսեր, ազնի՛ւ մարդ, կրկնեց իր հարցումը, կը փափաքիմ գիտնալ թէ՛ ո՛վ ես, թէ՛ ուրկէ՛ կուգաս:

Մուրացիկանին պայծառ զէմքը դժաման արտայայտութիւն մը առաւ յանկարծ:

— Հայոց Տիկին, ըսաւ սպառնալից, անցի՛ր կ'ըսեմ, մի՛ քրքրեր անթեղուած կայծերս:

Թագուհին զգաց թէ՛ անպատեհ էր աւելի առաջ տանիլ հարցապնդումը, թէ՛եւ այդ զարմանալի մարդուն ինքնութիւնը հասկնալու անձուկէն կը տանջուէր: Պնակին մէջ բաւական կարեւոր գումար մը նետեց, անցու:

Իսկ մուրացիկանը Մեծ Դուռին աջ կողմի անկիւնը անցած, անշարժ, կը յեղյեղէր ու կը մրմնջեր նս յն յանկերքը:

— Յիշեցէք Լեւոն արքան, յիշեցէք Լեւոն արքան, ձգնաւորին պնակը մի՛ անտես առնէք:

Հանդիսականները վեհարան առաջնորդուեցան: Նոր Օծեալը բազմեցաւ հայրապետական գահին վրայ. ունելալով իր աջ կողմը Հայոց Տիկինը, Մարիամ Թագուհին, ծիրանեփայլ, ոսկեճամուկ, ակնատիզ զգեստներով ճշմարիտ զիցուհի մը:

Հանդէսը վերջացած. ընդունելութիւնն ալ վերջացած, բազմութիւնն ալ տակաւ կը մեկնէր վեհարանէն, ուր միայն Թագուհին և միւս երեւելի իշխանները կը մնային տակաւին:

Տաճարին դուռին առջև սպասող մուրացիկաներու կարաւանն ալ հեռացած էր, բացի Սուրբացիկ ձգնաւորէն, որ դեռ կը սպասէր հոն, ցուրաքարերուն վրայ:

Նոր Օծեալը. Թագուհին, մէկ քանի իշխաններ ու մէկ քանի բարձրաստիճան եկեղեցականներ միայն մնացած, տաք խօսակցութեան մը բռնուած էին, օրուան կարեւոր ու կենսական խնդրին՝ Եւրոպա ղրկուած հայ պատուիրակութեան վրայ:

— Նոր լուր մը կա՞յ, հարցուց ներկաներէն արքեպիսկոպոս մը, ուղղելով խօսքը Մարուն Իշխոյին:

— Եւրոպա մեկնած պատուիրակութեան կողմէն մինչեւ ցարդ երկու նամակ հասած է, պատասխանեց Թագուհին, մէկը՝ Սիկիլոյ Թագաւորէ մեր խնամի Փիլիպպուէն. միւսը՝ Ս. Պապէն, երկուքն ալ յուսադրական:

— Ինչպէս, հարցուցին ներկաները հետաքրքիր շարժումով մը:

— Կը յուսադրեն մեզ, շարունակեց թագուհին, մտաալուտ օգնութեան մը մասին, եւրոպական նոր խաչակրութեան մը կազմութեան համար աչքը քած էին, բաւական յոյս կը ներշնչեն:

Ներկաներուն ղէմքերը պայծառացան:

Խօսակցութիւնը կ'ոգեւորուէր հետզհետէ, երբ ներս մտաւ նոր հիւր մը:

— Մուրացիկ ձգնաւորը, մի' մըթաց թագուհին, կասկածոտ նայուածք մը սեւեռելով անոր վրայ:

Եւ իրօք, տն էր, Մուրացիկ ձգնաւորը, դրամներով լեցուն պնակը բռնած, կ'առաջանար դէպի Ս. Կաթողիկոսը:

Մօտեցաւ, գետին ծռեցաւ, Ս. աջը համբուրեց եւ ձեռքի պնակը պարպելով օտջեւի սեղանին վրայ:

— Աստուածարեալ Ս. Հայրապետ, բաւ տիրական շեշտով մը, յիշեցէք Կեոն արքան՝ ձեր անդրանիկ, սուրբ եւ անմահ պատրագի մէջ եւ այս դրամը բաշխեցէ՛ք Սոսյ ազգքափներուն:

Եւ դարձեալ համբուրելով Հայրապետին Ս. աջը, եւ խոնարհելով ու ետ ետ քաշուելով, հեռացաւ բոլոր ներկաներ թողով արմանքի զարմանքի մէջ:



Զ.

Բ Ա Ն Բ Ե Ր Ո Ի Ճ Գ Ն Ա Ի Ո Ր

Կ'երթար անի, առանց կանգ առնելու, կ'երթար հալածական, արագ քայլերով, առանց ետին դառնալու:

Սիս քաղաքէն քանի մը հարիւր քայլ հեռացած էր արգէն ու Սոսյ բերդին ստորոտը քերելով կ'անցնէր փախստականի մը տազնապով:

Ո՛վ էր այդ ուղեւորը:

Ո՛չ շունչ կ'առնէր, ո՛չ հանգիստ:

Կը քայլեր, շարունակ կը քայլեր, կը վազէր գրեթէ:

Մըրիկի մը նման կը սահէր կ'անցնէր անի: Քանի մը վայրկեան ետքը, մութ կէտ մը միայն կ'երեւար հեռաւոր, սպիտակ ճամբուն վրայ:

Երկինքը կ'որոտար, արեւը դողահար կը թագչէր մռայլ ու թանձր ամպերու տակ, վերէն կատաղի տեղատարափ մը, շղթայազերծ տարերքներու մոլեգին մարտնչումը, վարէն ամայի ձորերուն ծոցէն ժայթքող հեղեղներ: Մշուշէ քող մը ձգուած ամէն կողմ: Ու այս ամէնուն մէջէն, ստուերի մը պէս կը վազէր փախստական ճամբորդը:

Կ'աճապարէր, մինչեւ իրիկուն պէտք էր հասնէր իր տեղը:

Բայց ո՛վ էր, ուր կ'երթար:

Երկու ժամ առաջ մեկնած էր Ստոյ կաթուղիկոսարանէն, նորընտիր Հայրապետին օժման հանդէսը տեսնելէ, մայր-տաճարի մեծ դուռին աջակողմը ժամերով պնակ մը բռնելէ, կարեւոր գումար մը հաւաքելէ, պնակը կաթողիկոսին առջեւ տեղանին վրայ պարպելէ և իսկոյն անյայտանալէ յետոյ:

Մուրացիկ ձգնաւորը . . . :

Ո՛ւր կ'երթար սակայն:

Ո՛չ ոք գիտէր, անի խորհրդաւոր մարդ մըն էր, կ'ըսէին ու կը պատմէին թէ՛ միեւնոյն օրը, օրուան միեւնոյն ժամուն, մէկէ աւելի տեղեր երեւցած էր, Կիլիկիոյ գիւղերը կը թափառէր, ցուպը ձեռքը, ցնցոտիներովը կը մուրար, և սակայն, իր հաւաքած բոլոր դրամները դարձեալ կը բաշխէր:

Գիւղացիներուն համար անձանօթ մը չէր, ամենքը գիտէին, կը ճանչնային անի, Մուրացիկ ձգնաւորը թագաւորին անյայտանալէն ի վեր երեւան ելած . . . :

Շատ մը բաներ կը պատմէին անոր մասին:

Պառաւններուն ձմեռնային գիշերներու հրաշապատում հեքեաթներուն նիւթ կը հայթայթէր անի, մատաղատի թոռնիկներուն քունը փախցնող այն Մուրացիկ ձգնաւորը:

Գիւղէ գիւղ, խրճիթէ խրճիթ կը պտտէր, կը մտնէր կ'ելլէր ու պարզմիտ գեղջուկները կ'ողբուրէր, իրենց կորսուած թագաւորին մօտադուտ երեւումը կ'աւետէր անոնց ու կը խրախուսէր զանոնք զէնք առնելու օտար թշնամիներուն դէմ, որոնք կ'ասպատակէին երկիրը:

Թշնամիներէ պաշարուած գիւղերու նախախնամութիւնը, փահապանը, փրկիչը նկատուած էր անի, ա՛յնքան անձնուէր էր ու անվեհեր, իր կեանքը, իր մորթը վաանգող, մահը ծաղրող, անբաղդատի կորովով հերոս մը, հակառակ յիսունէ աւելի ձմեռներուն, որոնք կը ծանրանային անոր ուսերուն վրայ:

Ու հիմա կ'երթար, կը հեռանար Լեւոնի մայրաքաղաքէն, դէպի միգապատ արեւմուտքը, դէպի Տաւրոսի ամպածրար լեռները, ուր կը պատմուէր թէ ապաստանած էր Հայոց թագաւորը, Կիլիկիոյ վերաւոր Առիւծը, Լուսինեան Լեւոն Ե. . . :

Սակայն ո՛ւր կ'երթար, ո՛չ ոք գիտէր:

Ո՛ւրկէ եկած էր, ո՛չ ոք գիտէր:

Գաղանիք մըն էր անի, սոսկալի գաղանիք մը, Կիլիկիոյ թափառական Ոգին էր, կ'ըսէին ոմանք:

Արդէն ժամերով ճամբայ կարած, քուքին ու ձիւնին մէջէն, յոգնարեկ, անօթի, այլեւս անկարող՝ առաջանալու, կը սողոսկէր անատոի մը մէջ, հոն գիշերելու, հինաւուրց կազնիի մը խոռոչին մէջ, որ արդէն քանիցս իրեն իբր թաքըստոց ծառայած էր:

Իրիկուան ցրտասարսուռ հով մը կ'ոտնոր՝ անտառին հսկայ ծառերուն մէջէն և դեռ նոր դադրած անձրեւի մնացորդ. կաթիլներ, տերեւագուրկ ծառերէն վար կաթիլթեղով, մերթ վայրագ, մերթ գողարիկ ու փափուկ երածշտութիւն մը կը կազմէին:

Մութը կ'իջնէր կամայ կամայ երկինքէն, օրկէտ մպերու հրոսակներ կը վախչէին սուրարով,

և որ, ամբողջ ցորեկը տեղացած անձրերէն ետքը, նոր լուացուած ու սրբուած կապոյտ սրահի մը պէս կը ծփար:

Ճգնաւորը ցուպը դրաւ իր վաղեմի կաղնիին խոռոչը, կոնակը տուաւ բունին, յիչ մը կեցաւ ոտքի վրայ, յետոյ նստաւ թաց գետինը, լաւ մը կռթնած իր ծառի հաստարմատ բունին:

Քողցը, յոգնութիւնը, ցուրտը, մէկը միւսէն աւելի կը տանջէր հէք ճգնաւորը, որ սակայն քաջավարժ էր զրկանքի, մանկութենէն ինքզինք մարզած էր նեղութեան, ստուապանքի և արկածներու դպրոցին մէջ:

Քանի մը վայրկեան հանգիստ ընելէ յետոյ՝ քիչ մը թեթեւցած զգաց ինքզինք, բայց քաղցէն ու ցուրտէն միշտ կը տառապէր, ուստի, դարձեալ ոտքի ելաւ, թաց գետինին վրայ սկսաւ քայլել, չոր փայտեր ու խոիւներ հաւաքելով կրակ մը շինելու համար:

Չոր փայտի խորձերէն անաղին գէզ մը ձեւացուց, ծոցէն հանեց աբեթը, կայծքարով բռնկեցուց ու խոիւներուն դպցուց:

Վայրկենապէս մուխը բարձրացաւ, քիչ յետոյ բոցը, խարոյկը պատրաստ էր:

Ճգնաւորը կը դողար, մատները կէս մը սուռած, ոտքերը ջուրի մէջ, ամբողջ անդամները գրեթէ ընդարմացած, զգայազիրկ վիճակի մէջ:

Կրակին քովը նստած, կամաց կամաց կը տաքնար:

Ծառին խոռոչը բաւական ընդարձակ էր, կը խորհէր անոր մէջը պառկել ու զիչերը հոն անցընել:

Երբ մարմինը վերստացաւ իր բնական տաքութիւնը, սկսաւ ներսիդին զգալ քաղցի գալարումները:

Ամբողջ օրը քալած էր անօթի ծարաւ, ու հիմա կը զգար կազդուրուելու պէտքը:

Խոռոչին բերանը, խարոյկին դիմացը նստած, բացաւ մուրացկանին տալրակը, մէջէն հանեց քիչ մը չոր միրգ, օթեկ հաց, պանիր, այս ամէնը շարեց փոսցի մը վրայ ու սկսաւ ճաշկել:

Անտառը կ'ոռնար, գիշերային կատաղի քամիի մը հարուածներուն տակ, և մերթ ընդ մերթ, հեռաւոր ձորերէն ու բլուրներէն կը հասնէր որսի ելած գազաններու խուլ մունչիւններուն արձագանգը:

Յանկարծ ծառերուն մէջէն շշուկ մը զարկաւ ականջին, ճգնաւորը ճաշը կէս թողուց ու տեղէն վեր ցատկեց:

Շշուկը մօտեցաւ, որոշակի կը լսուէր, մութին մէջէն մարդկային ստուերի մը գծուիլը նըշմարեց աստղերու ցուրտ ճառագայթներուն տակ:

Ինքզինք ամփոփեց ճգնաւորը, պատրաստուեցաւ դիմաւորել անձանօթը, որ արագ քայլերով կ'առաջանար դէպի խարոյկին կողմը:

Իր արկածալից թափառումներուն մէջ, ճըգնաւորը յաճախ վարժուած էր այս կարգի անակընկալներու:

Առանց այլայլումի, անվրդով ու խորխա, կը սպասէր:

Անձանօթ ստուերը վերջապէս երեւցաւ, ելաւ կանգ առաւ բոցավառ խարոյկին եզերքը:

Վերջին Բերդը

Բուրդէ վերարկուի մը մէջ փաթթուած, երեսը ծածկած էր, միայն երկու աչքերը կը շողային խարոյկի պէս :

Վերարկուն վրայէն նետեց, երեսները բացառու յարգալիբ շարժումով մը բարեւելով :

— Ողջո՞յն կիլիկիոյ Առիւծին, մրմնջեց :

Վայրկենապէս ճանչցաւ դէմքէն ու ընտանի ձայնէն :

Անձանօթ մը չէր նորեկը :

— Օ՛, բացազանչեց ձգնաւորը, բարբ՛ եկար, մօտեցի՛ր նայիմ, հաւատարիմ զինակիր, պատմէ՛ նայիմ ի՛նչ ըրիր... :

— Ներեցէ՛ք, Տէ՛ր Արքայ, ատարկեց հիւրը, գիշեր ցերեկ, անկոխ, ամայի վայրերէ, հարիւրաւոր մզմունք կարեկէ կուզամ, բերանս փշրանք մը չեմ դրած, եթէ հաճիք, նախ քիչ մը բան ուտեմ, ուժերս հաւաքեմ, յետոյ, շատ պատմելիքներ ունիմ :

— Շա՛տ լաւ, յարեց ձգնաւորը, եկ՛ւր ուրեմն, խոռոչը մտի՛ր, ճաշդ պատրաստ է :

Եւ կարօտի ջերմ համրոյր մը դրոշմեց անոր ճակատին :

Դէմ դէմի նստան, խոռոչին մէջ. փառաւոր ընթրիքով մը կշտացուցին իրենց փորը :

Խարոյկը շուրջանակի անոյշ ու կենսատու ջերմութիւն մը կը սփռէր :

Դիշերը կ'առաջանար, քամին կը մոյեգնէր տերեւազուրկ ծառերու վրայ, մինչ մեր երկու թափառական ուղեւորները կը սկսէին իրարու պատմել իրենց օղիսականը :

Հա՛րկ է արդեօք ըսել թէ այս երկու խորհրդաւոր անձերէն մէկը նոյնինքն Լեւոն Ե.ն էր, անյայտացած թագաւորը, իսկ միւսը՝ Տարսոն զըրկուած բաները, որ Մարուն Դշխոյին տարած յանձնած էր իր փրօջ՝ Լեւոն արքային աւաղը, ձեռագիր փոքրիկ Աւետարանը, և որ՝ հիմա իրն հեար կը բերէր Հայոց Տիկնոջ անդորբազիրը, ինչպէս նաև Առհիէր մարտախախտի ուղղեալ մտերմական նամակը :

— Թագուհին ի՛նչպէս է, հարցուց թագաւորը տենդապին :

— Մի՛ հարցնէք. Տէ՛ր Արքայ. եթէ տեսնէք, չպիտի կրնաք ճանչնալ թագուհին, ա՛յնքան նիհարցած ու մեկամաղձօտ, սուեր հագած, ամբողջ արքունիքը սո՛ւզ է մտեր, և... :

— Մի՛ մոռնար ամենափոքրիկ պարագաները՝ ընդմիջեց թագաւորը, մանրամասնօրէն պատմէ՛ ամէն բան :

— Պիտի պատմն՛մ, Տէ՛ր Արքայ, շարունակեց բաները, բայց շուարած կեցած եմ, ս՛ւրկէ սկսիմ, ի՛նչպէս նկարագրեմ :

— Երկա՛յն է գիշերը, յարեց թագաւորը, սիրելի՛ զինակիր, խարոյկը կը վառի, խոռոչնիս ապահով, ս՛՛ջ օք պիտի լսէ մեր խօսակցութիւնը, անտառին ծառերէն դատ, որոնք լուս վկաներ են : Սկիզբէն պատմէ՛, ե՞րբ հասար Տարսոն. ի՛նչպէս մտար պալատէն ներս, ի՛նչ տեսար, ի՛նչ կ'ընէին :

— Վերջալոյսին մտայ մայրաքաղաքը, շարունակեց բաները, սպասեցի մթնելուն, մինչեւ որ շուկային խանութները գոցուեցան գիւղերէն :

վերադարձողներուն վերջին խումբն ալ մտաւ քաղաք: Յետոյ, երբ ստուերները տակաւ թանձրացան ու բնակարաններուն լոյսերը վառուեցան, ղզուշաւոր քայլերով ուղղուեցայ դէպի պալատին թաղը, առանց նշմարուելու, հասայ արտաքին մեծ դուռին առջեւ, ուր թիկնապահներ ման կուգային:

— Յետո՛յ, ընդմիջեց թագաւորը, սնհամբեր շարժուձևով մը, ի՞նչպէս կրցար ներս մանել:

— Հայոց Տիկինը կ'ուզեմ տեսնել, ըսի, շարունակեց բանբերը, թիկնապահները հասկնալ ուղեցին ինքնութիւնս, երկու բառով բացատրեցի պաշտօնիս բնութիւնը, և յաջողեցայ ներս մանել: Քանի մը վայրկեան միայն սպասեցի մարմարէ սիւնազարդ գաւիթը, յետոյ, սենեկապետին հետ վերելայ սանդուղներէն ու Մարուն Դշխոյին քով առաջնորդուեցայ:

Ճգնաւորին արքայական դէմքը տակաւ կը պայծառանար, աչքերուն մէջ կարօտի բոց մը կը սկսէր փայլատակիլ:

— Սուանձի՞ն էր թագուհին, հարցուց բանբերին:

— Բոլորովին առանձին, պատասխանեց այս վերջինը, յայտնեցի այցելութեանս նպատակը, ծոցէս հանեցի աւանդը, իրեն յանձնեցի, առաւ, գլուխը, համբուրեց ու բացաւ զրքոյկը, խկոյն ճանչցաւ ձեր ձեռագիրը:

— Յետո՛յ...

— Անմիջապէս, Տէ՛ր Արքայ, շարունակեց բանբերը, ձեր առողջութիւնը հարցուց:

— Ի՞նչ ըսիր:

Ինչ որ պատուիրած էիք, պատասխանեց բանբերը, Սոհիէր Մարաջախաին հրամանը կէտ առ կէտ գործադրեցի. թագուհին թախանձեց, ստիպեց, չառ պնդեց բերնէս զաղամիք մը կորզել, բայց ես անպրդուելի մնացի, երդումս յիշեցուցի իրեն. մէկ խօսքով, առանց բառ մը չնչելու ձեր թագստոցին կամ ուրիշ պարագաներու մասին, յաջողեցայ իր ստորագրութիւնը կրող անդորրագիր մը ստանալ իրմէ:

— Ո՛ր է, հարցուց տենդագին, ո՞ւր է նայիմ: Բանբերը ծոցէն հանեց զայն ու ներկայեց թագաւորին:

Լեւոն կարօտագին աչքերը յառեց գիրերուն, որոնց վրայ իր պաշտելի Մարունի փափուկ մատներուն ստուերները կ'երազէր նշմարել: Սրտի անկեղծ գոհունակութեամբ մը.

— Շարունակէ՛, ըսաւ, յետոյ ի՞նչ խօսեցաւ թագուհին:

— Ինչպէ՛ս ըսի, յարեց բանբերը, ա՛յնքան ստիպեց, ա՛յնքան թախանձեց, որ պահ մը փորձուեցայ մտնալ երդումս, յայտնել իրեն ամէն բան, պարզել ճշմարտութիւնը, գոնէ այդ կերպով քիչ մը մեղմելու համար անոր վիշտը:

— Զիս ո՞ղջ կը կարծէ թէ մեռած, հարցուց Լեւոն:

— Չուզեր հաւատալ, պատասխանեց բանբերը, ասորածուած զրոյցներուն:

— Ի՞նչ զրոյցներ, ընդմիջեց Լեւոն:

— Զեր մահուան մասին չարագուշակ զրոյցներ, շարունակեց բանբերը, զանազան ենթադրու-

թիւններ. ոմանք կ'ըսէին թէ վերջին ճակատա-  
մարտին մէջ մահացու վէրք մը ստացած էք ու...

— Մեռած, չէ՞, լրացուց Լեւոն, չէ՞ որ վի-  
րաւորուեցայ:

— Այո՛, յարեց բանբերը, բայց ես միայն  
պատմեցի ձեր զարմանուիլը վրանի՞մը մէջ, եւ ձեզ  
երբէք տեսած չեղայ, վերջապէս, զիչերը պալատը  
ստիպուեցայ պառկիլ, հետեւեալ առտուն դարձ-  
եալ կանչուեցայ. միեւնոյն թախանձանքները, մի-  
եւնոյն ստիպումները, գոնէ կարենալ տեղեկանալու  
ձեր թագատոյցին. բայց իմ կողմէս միշտ նոյն յա-  
մտք ընդգիծութեան հանդիպելով, հէք թագու-  
հին ա՛լ չպնդեց, այդ անդորրազիրը յանձնեց ին-  
ծի, նաև Մարաջախտին ուզղեալ նամակ մը:

— Ի՞նչ նամակ, ընդմիջելով հարցուց Լեւոն,  
ո՞ւր է այդ նամակը:

— Քովս է, պատասխանեց բանբերը, անտա-  
րակոյս ձեր առողջութեան մասին լուրեր խնդրած  
է Մարաջախտին, եթէ կուզէք...

— Այո՛, յարեց Լեւոնը, աո՛ւր նայիմե  
Բանբերը ծոցէն հանեց նամակը, և թագա-  
ւորին յանձնեց զայն այ:

Լեւոն բացաւ զայն ու լափեց:  
Թագուհին, ինչպէս կը գուշակէր բանբերը,  
Սոհիէր Մարաջախտէն ստոյգ լուր մը կը խնդրէր  
Լեւոնի առողջութեան վրայ, հակիրճօրէն կը պատ-  
մէր Կիլիկիոյ արհաւիրքը, թագաւորին անյայտաց-  
ման սեւ օրէն ի վեր իրարու յաջորդած ցաւալի  
դէպքերը, Եգիպտոսի Սուլթանին զրկած զօրա-  
գունդերուն գործած աւերումները, Լատին ու Հայ

ժխտանքներուն միջեւ գոյութիւն ունեցող անհաշտ  
ատելութիւնը, իրարու դէմ լարուած տխուր դա-  
ւադրութիւնները, կաթողիկոսին աւ ըստը կղերա-  
կաններուն հետեւած քաղաքականութիւնը, ծանօթ  
հոյ պատգամաւորութեան առաքման ծրագիրը,  
եւ այլն, եւ այլն, եւ այլն:

Ընթերցումէն ետքը, նոր թափով մը վերըս-  
կաւ.

— Յետոյ ի՞նչ ըրիր, հարցուց:

— Ի՞նչ կրնայի ընել, պատասխանեց բանբերը,  
աղաչեցի, պաղատեցայ գեանամած, մինչեւ որ  
Պշխոյին սիրտը չարժեցի:

— Ի՞նչպէս...

— Անմիջապէս հրամայեց, շարունակեց բան-  
բերը, ճամբու դնել զիս, ու պալատական սպայի  
մը պատուիրեց ընկերանալ ինծի մինչեւ մայրա-  
քաղաքին վերջին բնակարանը: Մնացեալը բան մը  
չարժեր, տաժա՛րտ ճամբորդութիւն մը, օրերով,  
գիշերներով թափառումներ, անմարդաձայն վայրե-  
րու մէջ, վայրի գաղաններէ յարձակում կրելու ըս-  
տոյզ վախեր, թշնամի հրոսակներու ձեռք իջնալու  
վտանգներ, ամայի գիւղերու եղերական տեսա-  
րաններ, մինչեւ որ յաջողեցայ հասնիլ այս կող-  
մերը, և վերջապէս մտայ այս օրհնեալ անտառը,  
Տէ՛ր Արքայ:

Հոս կը վերջանար յանդուգն բանբերին ողի-  
սականը:

Խարոյկը կը ցածնար, կայծերը կը մոխրա-  
նային, մինչ անտառին ծառերը կը կոծէին խա-  
ւարին մէջ:

Յուրոր սաստիկ, խոռոչին մէջ կարելի չէր պառկիլ ու քունը տանիլ առանց կրակի, նորոգել պէտք էր խարոյկը :

Քանքերը շուտով հաւաքեց փայտի կտորուանք ու չորցած ճիւղեր, խոռոչին առջեւ նոր դէզ մը բարձրացուց, մարելու մօտ խարոյկին վրայ :

Բոցերը ճարճատիլ սկսան ու լուսուտրեցին խաւարամած անտառը :

Ճգնաւոր ու բանքեր, երկուքն ալ յոգնաբեկ, խարոյկին դիմացը, խոռոչին մէջ, գիրկ գիրկի պառկեցան :

Սակայն բարերար քունը կ'ուշտնար, տակաւին արթուն էին երկուքն ալ, հակառակ իրենց յոգնութեան :

Վերջապէս, խարոյկին անոյշ ու թմրեցուցիչ տաքութեան տակ, անոնց ջիղերը թուլցան ու կոպերը ծանրացան : Ո՛չ մէկ շշուկ, ո՛չ մէկ շարժում, երկուքին ալ քունը տարած էր :



է.

Պ Ա Տ Ո Ի Ի Ր Ա Կ Ո Ի Թ Վ Ի Ե Ը

Յունվարի ցուրտ հով մը կը փչէր, շառագոյնե-  
տակերու մէջէն կը ծագէր տմոյն արեւ մը :

Տարեհատնի նաւակայքին մէջ անսովոր շար-  
ժում մը, ոգեւորութիւն մը :

Հեռուէն, մշուհներուն մէջէն հազիւ նշմար-  
ւած, դէպի քաղաքը կ'առաջանար առաքատ-  
պարզած նաւ մը : Քիչ քիչ աւելի տեսանելի կ'ըլ-  
լար ու նաւամատոյցի ամբոխին հետաքրքրութիւնը  
կ'աւելնար :

Ի՛նչ նաւ էր, մ'երկէ կուգար արդեօք :

Միեւնոյն հարցումը՝ բոլոր բերաններէն :

Վերջապէս նաւամատոյցը մտաւ :

Ամբողջ գիշերը փոթորկի բռնուած, Աղբիւ-  
կանի լեռնագէզ ալիքները ճեղքելէն ու մոլեգին  
մրրիկի մը դէմ մաքառելէն կուգար ան, անծանօթ  
նաւը, որուն կայմին վրայ կը ծածանէր հայկական  
Կիլիկիոյ դրօշակը :

Հոգն, նաւակայքը խոնուած երկսեռ բազմու-  
թեան հետաքրքիր աչքերը յառած էին այն նա-  
ւուն, որուն մէջէն դուրս կ'ելլէին նախ պատկա-  
ռելի եկեղեցական մը և յետոյ ազնուական դէմքով  
ասպետ մը, և մէկ քանի հետեւորդներ :

Մարուն Դչխոյի պատուիրակութիւնը կ'ելլէր  
ցամաք, ուղղուելու համար դէպի Փիլիպպոս Գ.  
մեծ կոմսին ապարանքը :

Շշուկը շուտով տարածուեցաւ, Տարեհատնի

արքունիքէն անմիջապէս ծովեզերքը թափեցան պալատականները, հետեւակ թէ ճիւղոր:

Պատուիրակութեան նախագահը, Ստոյ Տէր Յովհաննէս արքեպիսկոպոսը, իր թարգմանին՝ ասպետորդի Մանուէլ իշխանին հետ, մոծաշուք թափորով մը մեծ կոմսին պալատը կ'առաջնորդուէր:

Փիլիպպոս Գ. հրամայեց Արեւելքի այս արգոյ հիւրերը բնակեցնել իր պալատին մէկ յարկահարածինը, հոն պահ մը հանգստանալու և յետոյ ներկայանալու իրեն:

Նոյն օրը, իրիկուան դէմ, Տարենտոնի մեծ կոմսը կ'ընդունէր իր ներկայութեան Հայկական պատուիրակութիւնը:

Կիլիկիոյ արքունի քարտուղար արքեպիսկոպոսը, իր թարգմանին միջոցաւ նախ իր շնորհակալութիւնները յայտնեց նորին արքայական սեծութեան, իրենց հանդէպ ցոյց տրուած բարձր մարդասիրութեան համար, միեւնոյն ժամանակ ներկայելով անոր՝ Մարուն Դշխոյին թուղթը:

Տարենտոնի մեծ կոմսը, թուղթը կարդալէ առաջ, սիրալիր շարժուածեալով մը.

— Սրբազան հայր, ըսաւ Ստոյ արքեպիսկոպոսին, ինչպէս է թագունին, իմ քրոջս ազնււազարմ աղջիկը:

— Ո՞ղջ է, Տէր Արքայ, պատասխանեց պատուիրակութեան նախագահը, դողդոջուն ձայնով մը:

— Իսկ իմ գերագնիւ փեսաս, հարցոց մեծ կոմսը, ինչպէս է Նորին Արքայական Բարձրութիւն Հայոց թագաւորը:

— Տէ՛ր արքայ, պատասխանեց արքեպիսկոպոսը՝ Հայոց Տիկինը զրօժ է ամէն բան Ձեր Մեծութեան ուղղեալ թուղթին մէջ:

— Բայց ինչո՞ւ չէք պատասխաներ, դարձեալ հարցոց մեծ կոմսը, ինչպէս է Լեւոն թագաւորը:

— Ներեցէ՛ք, տէ՛ր արքայ, յարեց արքեպիսկոպոսը, Մարուն Դշխոյի թուղթին մէջ իշուած է...:

— Ի՞նչը...:

— Թագաւորին պարագան, պատասխանեց արքեպիսկոպոսը:

— Ինչ պարագայ, հարցոց մեծ կոմսը կասկածոս զէմքով մը, ինչ եղած է:

Քարտուղար արքեպիսկոպոսին զէմքը ցաւազին արտայայտութիւն մը կ'առնէր, շուարածի զէմք մը, չէր գիտեր ինչ պատասխանել, չէր համարձակեր յայտնել տխուր իրողութիւնը:

Փիլիպպոս Գ. անհամբեր շարժուածով մը պատուիրակութեան մատուցած թուղթը դարձնելով երկու ձեռքերուն մէջ և թափանցող նայուածք մը սեւեռելով.

— Սրբազան հայր, ըսաւ, կը ինդրեմ որ փարտտէք կասկածներս, ինչո՞ւ կը վարանիք հարցումիս պատասխանելու:

Արքեպիսկոպոսը մեծ ճիգով մը.

— Տէ՛ր արքայ, ըսաւ, Ձեր Մեծութեան կը մաղթեմ երկար կեանք և անխառն երջանկութիւն, Կիլիկիան սուգի մէջ է:

— Ինչո՞ւ, հարցոց կոմսը:

— Ո՞չ եւս է իր տէրը, շարունակեց արքե-

պիսկոպոսը, Մարուն Դշխոյի սուգը կը բերենք հոս, այս պահուս այրի է անի, սգաւոր իր անգութ կորուստը կ'ողբայ Տարսննի պալատին մէջ:

— Աւանդ, հեծեց Տարննտնի վհնայեալը, կ'ըր, ինչպէս պատահեցաւ...:

— Կ'ազաչի՛մ. Տէ՛ր արքայ, յարեց արքեպիսկոպոսը, հաճեցէ՛ք անգամ մը կարդալ Ձեր քրոջ դոտեր ազերսագի՛րը...:

Փիլիպպոս Գ. թուղթը բացաւ և սկսաւ կարդալ:

Քանի՛ աւաջ կը տանէր ընթերցումը, ա՛յնքան լուրջ ու տրտում արտայայտութիւն մը կը ստանար կոմսին դէմքը: Երբ աւարտեց ընթերցումը, դառնալով պատուիրակութեան նախագահին,

— Սրբազան Հայր, ըսաւ, անկեղծօրէն կը ցաւակցիմ ձեր ազնիւ ազգին այս մեծ կորուստին համար և սրտանց կը մասնակցիմ անոր սուգին:

— Ենտրհակա՛յ ենք ազգովին, մեծասիրտ արքայ, յարեց պատուիրակութեան նախագահը, մանաւանդ անխախտ է մեր հաւատքը ձեր պաշտպանութեան վրայ, հէք թագուհին քանիցս կրկնեց. երբ հրածեշտ կ'առնէինք իրմէ, վհնաշուք մօրեղբայրս, ըսաւ, անտարակոյս պիտի մխիթարէ իր քրոջ դուստրը, իր թանկագին օգնութիւնը չը պիտի զլանայ մեր դժբաղդ երկրին. որ, վայրագ թշնամիներէ պաշարուած, օգնութիւն, օգնութիւն, կ'աղաղակէ լալագին:

— Վստահ եղէ՛ք, Սրբազան Հայր, քաջաբերեց մեծասիրտ իշխանը, Եւրոպա պիտի փութայ օգնութեան, ինչպէս որ...:

— Կիլիկիա. ընդմիջեց արքեպիսկոպոսը, չը թերացաւ երբէք իր քրիստոնէական պարտականութեան մէջ, բոլոր խաչակրութեանց ալ բերելով իր ա՛յնքան գործօն մասնակցութիւնը, չէ՞:

— Անտարակոյս, հաստատեց մեծ իշխանը, Եւրոպա պիտի շարժի՛, պիտի շարժի՛...:

Պատուիրակութեան նախագահը յանկարծ ոտքի ելաւ ու երկու թեւերը տարածելով.

— Ո՛վ Բարձրեալ Տէր, բացազանչեց յուզեալ ձայնով մը, Դո՛ւն միշտ հզօր, միշտ անարկու, յաւիտեան երջանիկ պահէ՛ Քրիստոնեայ Եւրոպան...:

Փիլիպպոս Գ. ալ աւելի զգածուած, պատասխանեց.

— Սրբազան Հայր, այժմէ՛ն կ'ապահովեմ ձեզ, Մարուն թագուհին երբէք չպիտի զղջայ հայկական պատուիրակութիւն մը զրկելով հոս: Դուք իմ պատուական հիւրերս էք, և ես պիտի ջանամ խիստ արդիւնաւոր ընծայելու ձեր առաքելութիւնը:

Հայոց արքունի քարտուղար արքեպիսկոպոսին աչքերը խնդացին, չէր կրնար իր ներքին զգացումները թարգմանող բառ մը գտնել, այնքան յուզուած էր և ազդուած՝ վհնանձն իշխանին հանդիսաւոր յայտարարութենէն:

Տեսակցութիւնը ժամերով տեսեց:

Յետոյ, Փիլիպպոս Գ. իրեն սեղանակից ըրաւ Հայկական պատուիրակութիւնը, որուն ի պատիւնոյն զիշերը պալատին մէջ նուագահանդէս մըն ալ արուեցաւ:

Այսպէս, ժամանակ մը Տարննտնի արքունիքը

մնալէ յետոյ, կարեւոր ու զօրաւոր յանձնարարականներով՝ Վենետիկի, Ճէնովայի, Հռոմի, Նաբոլիի և ուրիշ երկիրներու մեծ զուգրսերուն, մասնաւորապէս Աւինիոն նստող Գրիգոր ԺԱ. պապին ուղղեալ, մեկնեցաւ պատուիրակութիւնը ։

Հռոմ, Նաբոլի, Վենետիկ հանդիպելէ, Փիլիպպոս Գ. ի յանձնարարականները մատուցանելէ յետոյ, պատուիրակութիւնը կ'անցնի Աւինիոն, ուր կը յաջողի պապին կողմէն ունկնդրութեան ընդունուիլ ։

Գրիգոր ԺԱ. պապը մեծապէս կը շահագրգռուէր Արեւելքի քրիստոնէից գործերով, ինքզինք աւելի սիրելի ընծայելու համար անոնց, սրոնց մեծ մասը դեռ կապուած կը մնար ու կը նազանդէր իր հակառակորդին, որ Հռոմ կը նստէր ։

Աւելորդ է յիշեցնել թէ այդ չըջանում երկու հակաթու պապեր կային Յւրոպա ։ Առաջինը Հռոմ կը նստէր Վատիկանի պալատին մէջ, իրեն հլու հըպատակներ ունենալով միջին ու հիւսիսային Յւրոպայի կաթոլիկ ժողովուրդները, իսկ երկրորդը Ֆրանսայի Աւինիոն քաղաքը քաշուած էր, Գերմանիոյ կայսեր բանակներէն հալածական և կը հովուէր Ֆրանսայի, Սպանիոյ և միւս լատին յեղերու հաւատարիմ ժողովուրդները ։

Հայկական պատուիրակութեան նախագահը իր թարգմանին հետ ունկնդրութեան ընդունուելով պապէն, Մարուն Դշխոյին ու մօրեղբօրը Փիլիպպոս Գ. ի թուղթերը կը յանձնէ անոր ։

Գրիգոր ԺԱ. պապը վերահասու կ'ըլլայ Կիլիկիոյ վերջին անցքերուն և կը փափաքի լրա-

ցուցիչ մանրամասնութիւններ ստանալ Սոսյ արքեպիսկոպոսէն ։

— Ուրեմն, հիմա մեր սիրելի Կիլիկիան անտէրօննչ մնաց, հարցուց պապը ։

— Այո՛, Սրբազան Քահանայապետ, Մարուն թագուհին այրի մնաց, բարբարոսները պաշարեցին ամէն կողմերը, մեր տարարախա զաւակները կ'ենթարկուին անյուր խժոժանքներու, ո՛չ եկեղեցի մնաց, ո՛չ մենաստան, իշխանները գերի վարեցին, քահանաները ջարդեցին, բովանդակ երկիրը մասնուած է հուրի սուրի . . . ։

— Հերի՛ք պատմես, հերի՛ք, ընդմիջեց պապը, սրբերով արցունքները, սրոնք իր սպիտակ երեսը կ'սղօղէին, թշուա՛ն Կիլիկիա, նահատակ հայ աղբ . . . ։

Քարտուղար արքեպիսկոպոսը, իր սրտակեղեք նկարագրութիւններով, խորունկ ապաւորութիւն մը գործեց Պապին վրայ ։

— Սրբազան Եղբայր, ըստ Պապը, ի՞նչ կրնամ ընել, ըսէ՛ք կ'աղաչեմ, ի՞նչ է դարմանը, յայտնեցէ՛ք ինձի, պատրաստ եմ ընելու ամէն ինչ որ կարելի է ։

— Դարմանը, կրկնեց արքեպիսկոպոսը, մէ՛կ դարման գիտեմ միայն, մէ՛կ դարման, ուրիշ միջոց չկայ մեր տարաբաղդ տէրութիւնը վերականգնելու ։ Բայց եթէ . . .

— Ի՞նչ, ի՞նչ միջոց, ընդմիջեց Պապը, ըսէ՛ք նայիմ, ի՞նչ միջոց գիտէ՛ք ։

— Նոր թագաւոր մը պէտք է. նոր, հզօր, իմաստուն, առաքինի թագաւոր մը, շարունակեց

արքեպիսկոպոսը, Եւրոպայի հղօբագոյն արքու-  
նիքներուն մէջէն իշխան մը, որ պսակուի մեր  
Մարուն Դշխոյին հետ:

— Ստկան, ընդմիջեց Պապը, ստուգա՞՞ծ էք  
Լեւոն թագաւորին մահը, լաւ ստուգա՞՞ծ էք, ինքը  
Մարուն թագուհին ի՞նչ կը խորհի. տրամադրու-  
թիւն ցոյց առած է կ'ըսէք, ինչպէս որ յիշուած է  
թուղթին մէջ, բայց, կրնա՞ք վստահօրէն յայտա-  
բարել թէ Լեւոն թագաւորը մեռած է:

— Սրբազան Քանանայապետ, յարեց քար-  
տուղար արքեպիսկոպոսը, Կիլիկիոյ բոլոր անկիւն-  
ները տեղ մը չ'մնաց. ուր խուզարկութիւններ կա-  
տարուած չըլլային, ո՛չ մէկ հեաք, ո՛չ սէկնչմար,  
ո՛չ մէկ ձայն, բացարձակ լուսթիւն կը սիրէ, ա-  
ռաջին ամիսները կը կարծէինք թէ թագաւորը  
դիտամամբ ինքզինքը կը պահէր, և թէ ի վերջոյ  
երեւան պիտի ելլէր, բայց սխալած էինք, ահա՛  
տարին անցաւ, և տակաւին մէջտեղը չկայ:

— Սրբազան Եղբայր, դարձեալ հարցուց Պա-  
պը, գիտե՞ք, ինչորբ քաւական փափուկ է, կեն-  
սական է, թեթեւօրէն կարելի չէ՛ վերաբերուիլ,  
լրջօրէն քննելո՞ւ է, պրպտելու է. վերջնական  
համոզու՞մ մը գոյացնելու է թագաւորին մահուան  
մասին, և այնուհետեւ ձեռնարկելու է երկրորդ  
պսակի մը. չէ՞:

— Բայց, Սրբազան քանանայապետ, կը պըն-  
դէր պատուիրակութեան նախագահը, բոլոր կարելի  
միջոցները սպառած են և բոլոր խուզարկութիւն-  
ներն ալ ի դերեւ ելած, թագաւորը մեռա՞՞ծ է, ա-  
սիկա տարակոյս չի վերցնեք. Կիլիկիոյ Կաթողի-

կոսէն սկսեալ մինչեւ յետին անհատը, ամէնքն ալ  
սուզի մէջ են, իրենց թագաւորին մահուան հա-  
մար, և կը փափաքին նոր թագաւոր մը տեսնել  
Կիլիկիոյ զահին վրայ, թագաւոր մը, որ պսակուի  
ազգին պաշտեցեալ Մարուն Դշխոյին հետ և մեր  
հայրենի երկրին սահմաններէն վանէ արտաքին  
թշնամիներուն բանակները:

— Ուրեմն, յարեց Պապը համոզուած չեչտով  
մը, Լեւոն թագաւորը մեռած է կ'ըսէք, և Հայոց  
այրի թագուհին պսակելու է վերստին Եւրոպայի  
արքայազուն իշխաններէն մէկուն հետ, որպէս զի  
վերականգնի Կիլիկիա, չէ՛:

— Այո՛, այո, կրկնեց արքեպիսկոպոսը, ան-  
հրամե՛շտ է ասիկա. ուրիշ միջոց մը չկա՛յ, փըր-  
կութեան միակ ճամբան ա՛յս է:

Գրիգոր ԺԱ. Պապը, կրկին ու կրկին կար-  
դաց թէ՛ Մարուն Դշխոյին և թէ՛ Փիլիպպոս Գ.ի  
թուղթերը, երկարօրէն կարծիքի փոխանակութիւն-  
ներ ունեցաւ Հայկական պատուիրակութեան նա-  
խագահին հետ, խորհեցաւ, որոճաց, օրերով, շա-  
բաթներով ծեծեց խնդիրը, մինչեւ որ ի վերջոյ ինքն  
ալ համոզուեցաւ թէ՛ միակ լուրջ և գործնական  
միջոցը՝ պսակել էր այրի թագուհին հզօր իշխանի  
մը հետ և հուշակել զանի թագաւոր Կիլիկիոյ:

Ուստի, մասնաւոր թուղթ մը գրեց Փիլիպպոս  
Գ.ի, ուրիշ մըն ալ Մարուն Դշխոյին, այս վեր-  
ջինը խրախուսելու մեծամեծ խոստումներով:

Ահաւասիկ պատճէնը, Քանանայապետական  
թուղթին, ուղղեալ Մարուն Դշխոյին մօրեղբօր՝  
Փիլիպպոս Գ.ի, Կ. Պոլսոյ տրտղոսաւոր ինքնակալ  
կոչուած Տարենտոնի մեծ կոմսին:

«Թուղթ Գրիգորի ԺԱ. խառ Փիլիպպոս Գ.

«Սիրելի որդւոյ ի Քրիստոս Փիլիպպոսի Կ. Պոլսոյ մեծափառ ինքնակալին :

«Բարեսէր յօժարութեամբ ստացանք Ձեր Բարրապատիւ Տէրութեան նամակները, որոնց մէջ որդիբարար մեզ կ'աղաչէիք որ՝ առաքելական հոգածութեան արժանի համարէինք՝ քրիստոնեայ հաւատացեալներու ձեռքով ընդ փոյթ օգնութեան հասնելու ի Քրիստոս սիրեցեալ մեր դստեր Մարիամին, Փոքր Հայոց թագուհիին, քու հոյակապ քրոջդ աղջկանն ու անոր թագաւորութեան, մինչ ան մեծ տառապանքի ու վստանքի՝ մէջ կը գտնուի բարբարոսներու բուռն թշնամութեանց երեսէն :

«Արդ, անձամբ նաեւ ունկնդրութիւն շնորհեցինք, ըստ պատշաճի միայն մտիկ ըրինք մեր պատուական եղբոր՝ Սոսյ Յովհաննէս արքեպիսկոպոսին՝ վերոյիշեալ թագուհիի պատուիրակին և ներկայ թուղթս բերողին խնդրանքը, միջնորդութեամբ մեր սիրեցեալ զաւկին Հայկազն Մանուէլի՝ իր թարգմանին՝ որ Յանուաի զինւոր Լեւոնեան Յովհաննէսին որդին է : Արդ, ի խորոց սրտի սաստիկ ցաւ կզգանք, տեսնելով որ ամբողջ քրիստոնեայ ազգեր ու ցեղեր, մանաւանդ այն երկիրները որոնք ամենակարեւոր պարագաներու մէջ սովոր էին օգնութեան փութարու անդրժովեայ հաւատացեալներուն, շրջապատուած պաշարուած են պատերազմներու փոթորիկներէ, ու մեզի բնաւ առիթ մը չընծայուիր փութով և արագօրէն կարենալ օգնելու վերոյիշեալ թագուհիին ու անոր թագաւորութեան, ինչպէս որ հաբկը կը պահան-

ջէ : Սակայն և այնպէս, այս գործին համար մեր ազաչանքը ներկայացուցինք մեր սիրելի որդիներուն՝ Կիպրոսի թագաւորութեան վարիչ Անտիոքի ազնուատոնմ իշխանին, ինչպէս Վենեաներուն ու Յանուացիներու Դոմբերուն, միևնոյն ժամանակ երուսաղէմի շիւրանոցին Մագիսարոսին ու Ժողովին : Իսկ երբ Ձեր մեծափառ Տէրութիւնն ու վերեւ յիշուածները կամ ուրիշները յիշեալ թագաւորութեան ի նպաստ կարիւր պատրաստութիւն մը կազմակերպել ուզեն, այդպիսի պարագաներու մէջ սովոր եզած ներսդրութիւնը մենք պատրաստ ենք յօժարակամ շնորհելու : Հարկ չկար մեր կողմէն աղաչել կամ յորդորելու Ձեր Բարձրապատիւ Տէրութիւնը, նոյն օրինակ օգնութիւն մը հայթայթելու համար, որովհետեւ մենք արդէն գիտենք թէ՛ դուք ումէնքէն աւելի յօժարամիտ էք ասոր, Ձեր կարողութեան համեմատ, սակայն պատշաճ պիտի ըլլար որ՝ այնքան բազմաթիւ ու հեռուոր ժողովուրդներու նկատմամբ այսպիսի մեծ գործ մը օգտակարապէս յստաջ տանելու համար, այս բանին յարմար մէկ քանի եռանդուն և ինքնայօժար հոգաբարձուներ գտնուէին, որոնց մասին Ձեր Վեհափառ Տէրութիւնը անօրինէ պարտու պատշաճը : Միանգամայն պէտք է զրդել նաեւ, աղաչել և համոզել այնպիսի օգնութեան մը համար մեր ի Քրիստոս սիրեցեալ որդին Հունգարիոյ Լուդովիկոս անուանի թագաւորը, Ձեր և վերոյիշեալ թագուհիին աղագականը, որուն Տէր Աստուած մեծ զօրութիւն պարգեւած է թէ՛ ծովու, թէ՛ ցամաքի վրայ : Բայց որովհետեւ նոյն Սրբե-

պիսկոպոսը մեզի յայտարարեց՝ ի մէջ այլոց և նոյն իկ բաւական հաւանական կը թուի, թէ մեր ըստելիքը բաւական օգտակար պիտի ըլլայ վերոյիշեալ թագուհիին, ինչպէս նաեւ իր հպատակներու պատուին ու ազատութեանը, եթէ նոյնինքն թագուհին Արեւմուտքէն առնէ իրեն ամուսին մը, քաջազարմ, արիասիրտ, մեծագէն և զօրաւոր անձ մը, որ ատակ ալ ըլլայ վերստին ձեռք բերելու, պաշտպանելու և կառավարելու իր թագաւորութիւնը, որուն իսկապէս շատ օգտակար ըլլալուն համազուած ենք, եթէ այդպիսի անձ մը կարելի ըլլայ գտնել: Արդ, մեր միտքին մէջ յիշեցնելով զանազան մեծամեծ ու յարմարագոյն անձնաւորութիւններ, մեզի կը ներկայանայ մեր սիրելի որդին ազնուազարմ Ռթոն Պրունսլիքի Դուքսը, Սաքսոնիոյ Ռթոններուն կայսերական ցեղէն, սիրեցեալ որդի, ազնուատոհմ Յովհաննէս Մօնֆէրրաթօ Սարքիզին ազգականը, որուն պատերազմներուն արիաբար մասնակցած է և դեռ կը մասնակցի. նոյնպէս ազգական է Կիպրոսի արքայական տոհմին, այդ Ռթոնին եղբայրը՝ Կիպրոսի բարեյիշատակ Պետրոս թագաւորին մայրը առած ըլլալով իրեն ամուսին: Ուստի այս արքայազուններուն և իր իսկ եղբոր կողմէն ազգականութեան պատճառաւ ինք օգտակար նպաստներ կրնայ ձեռք բերել: Եւ իրօք, այս Ռթոնը շատ խոհեմ, մեծափառ, միանգամայն առաքինի անձի մը համբաւը կը վայելէ: Եւ թէպէտ ինք անձամբ մեծ ուժ մը չունի, սակայն իր խոհականութեամբ ու հոգատարութեամբ կրնայ — միայն թէ հետամուտ ըլ-

լալ ուզէ այս գործին — այլ և այլ ազգերէ օգնութիւններ գտնել, ժողուել: Այս մասին վերջերս թուղթ մըն ալ գրկել տուինք իրեն, և յիշեալ արքայութեան պատուին առաւ նոյն իսկ անոր մօտ երթալ, կամքն ու հաւանութիւնը շօշափելու: Ինք, մի առ մի քննելով անոր յօժարութիւնն ու զանազան հանգամանքները, պիտի կրնայ ձեզի տեղեկագրել, իսկ Դուք կրնաք սոյն խնդրոյն վրայ խորհիլ և անձամբ կամ միջնորդի մը ձեռքով յիշեալ թագուհիին քովի տիկնոջ յայտնել ձեր փրկաւէտ խորհուրդը:

Տուեալ յ'Աւինտոն, փեղրուարի Կաղանդաց օրն, յԲ. ամի:»

Հայկական պատուիրակութիւնը, Գրիգոր ԺԱ. Պապին այս և ուրիշ թուղթերով, և Քանաայապետական քաջալերիչ յորդորներով զօրացած, Աւինտոնէն կը մեկնի, Եւրոպայի միւս արքունիքները դեզերելու, Մարուն Դչխոյին յարմարագոյն և արժանաւորագոյն թագապսակ ընկերը գտնել յաջողելու յոյսով:

Քարտուղար արքեպիսկոպոսը, ի բնէ լուստես ու բարեմոյն եկեղեցական մը, կը հրճուէր ու կը խայտար, Աւինտոնի Պապին ազդու հրամանները պարունակող քանաայապետական թուղթերը պինդ մը ծոցը պահելով:

— Մանուէլ որդե՛ակ, կ'ըսէր ճամբան իր թարգմանին, ինչ կը խորհիս դուն այս մասին:

— Ս. Պապին հրամանները, կը յարէր սպետորդին, Եւրոպայի արքունիքներուն մէջ իբրեւ աստուածային պատգամ կ'ընդունուին:

— Ուրեմն, Մանուէ՛լ որդեակս, կը կրկնէր զուարթ շեշտով մը, պիտի շուտով պսակուին մեր ջանքերը :

— Մե՛ծ յաջողութեամբ, կ'ըսէր հաւատարիմ թարգմանը :

— Բայց գիտե՛ս, կը յարէր արքեպիսկոպոսը, Տարենտոնի Մեծ Կոմսին յանձնարարականը հրա՛շք գործեց, հրա՛շք :

— Ի՛նչ կ'ըսէք, Սրբազա՛ն, կը հատտաակր թարգմանը, Կ. Պոլսոյ տիտղոսաւոր ինքնակալը գիտէ՛ք որքան ազդեցիկ է, մանաւանդ Արեւելքի գործերուն մէջ :

— Ի՛նչ մեծ բազդ է, սիրելի՛ս, կ'ըսէր արքեպիսկոպոսը, ի՛նչ մեծ բազդ է մեզի համար ունենալ այդպիսի հզօր ազգական մը :

— Սրբազա՛ն, կ'ըսէր թարգմանը ժպտելով, արդէն ինչո՞ւ կը սիրենք Մարուն թագուհին :

Եւ այսպէս, ուրախ զուարթ կը շարունակէին իրենց ճամբան դէպի Տարենտոնի արքունիքը, ուր հասնելէ առաջ, կը խորճէին հանդիպիլ մէկ քանի կարեւոր կեդրոններ, Կիլիկիոյ համար նոր խաչակրութիւն մը կազմակերպել տալու ցնորական յոյսերով օրօրուելով . . .

Հէ՛ք պատուիրակութիւն, որո՛ւն յանձուած էր մահամերձ ազգի մը ճակատագիրը . . .



Ը.

Վ Ե Ր Ա Դ Ա Ր Ձ Է Ն Վ Ե Ր Ջ

Պատուիրակութիւնը վերադարձած էր Եւրոպայէն, Աւինեոնի Պապէն, Տարենտոնի Վեհապետէն, Վենետիկի, Ճէնովայի, Նաբօլիի մեծ դուքսերէն, ինչպէս նաև Գերմանիոյ, Հունգարիոյ և ուրիշ քրիստոնեայ երկիրնիրու արքունիքներէն՝ յուսադրական ու քաջայերիչ թուղթերու ծրարով մը, զոր նոյն պատուիրակութեան նախագահը յանձնած էր Մարուն Դ խոյնի :

Այդ պաշտօնական թուղթերուն մէջ առաջին և կարեւորագոյն տեղը կը բռնէր Պապին քահանայապետական թուղթը, Հայոց Տիկնաջ ուղղեալ և Տարենտոնի Փիլիպպոս Գ. Մեծ Կոմսին զրկուած պատասխանագրին պարունակութիւնը հաստատող :

Գրիգոր ԺԱ. Պապը կ'աւետէր Մարուն Դը խոյնի թէ՛ քրիստոնեայ Եւրոպան խորապէս յուզուած՝ Կիլիկիոյ հայկական թագաւորութեան կրած քաղաքական ճախողումներէն ու նոյն երկրի բովանդակ բնակչութեան ենթարկուած անհարին աղէտներէն, պիտի թօթուէր իր անտարբերութիւնը, պիտի շուտով հասնէր օգնութեան, Կիլիկիոյէն վտարելու համար արտաքին թշնամիներուն արիւնարրու բանակները, ևն :

Տարսոնի պալատը ցնծութեան մէջ էր : Մայրաքաղաքը խանդավառ ցոյցերով կը առնէր Հայկական պատուիրակութեան Եւրոպայէն

վերադարձը, և Երկսեւ բազմութիւնը խմբովին կը վազէր դէպի պալատին մօտակայ պողոտաները, և արքայական պալատի շուրջը համախմբուած, խընդութեան զաղազակներով կ'ողջունէր Հայոց Տիկինը, գոյնզգոյն դրօշակներ ծածանեցնելով օդին մէջ:

Այս ամէնը կը կատարուէր Կիլիկիոյ մայրաքաղաքին մէջ, որովհետեւ դանաղան քաղաքներէ հոն կը հասնէին հեազհեաէ երկրին աւագանին. բերդատէր իշխաններ, աւատապետներ, ազնուական միկ պառններ ու պայլիներ, իրենց գլուխ ունենալով Սոյ Աթոռին գահակալը՝ Տ. Կոստանդին Ե. Կաթողիկոսը:

Մարուն Դշխոյի պալատին մէջ արտասովոր ժողով մը կը գումարուէր նոյն իրիկունը, լսելու համար Եւրոպայէն նոր վերադարձած պատուիրակութեան նախագահ Տ. Յովհաննէս քարտուղար արքեպիսկոպոսը:

Մինչ դուրսը խուռներամ ժողովուրդը խրախճանքներ կը սարքէր, մայրաքաղաքը լուսավառութիւններու մէջ կը շողար և բոլոր սունեւորէն և զրօսարաններէն կը լսուէր նուագարաններու գուարթ արձագանգը. Մարուն Դշխոյի պալատին ծոցը Կիլիկիոյ Ազգ. Ընդհ. ժողովը կը գումարուէր Սոյ Ս. Հայրապետին նախագահութեան տակ:

Տ. Կոստանդին Ե. շրջապատուած եկեղեցական և աշխարհական ընտրեալ ժողովականներէ, ունենալով իր աջ կողմը՝ Հայոց Տիկինը, տէրուհական ազօթքով բացաւ արաատովոր նիստը:

մաղթելով խաղաղութիւն և ազատութիւն բազմաչար Կիլիկիոյ:

Յետոյ, ուղղելով խօսքը ներկաներուն.

— Սրբազան եղբարք, սիրեցեալ որդեակք. իմ հարազատք, իշխանք և տանուտեարք երկրին թորոսի և Լեւոնի, կուգամ ձեզի աւետել բերկրառիթ վերադարձը պատուիրակութեան, որ ինչպէս կը յիշէք անշուշտ, մեր երջանկայիշատակ նախորդին Տ. Մեսրոպ Ս. Հայրապետին և ձեր համահաճ հաւանութեամբ, մեր Մարուն Դշխոյին կողմէն զրկուած էր Եւրոպա: Ահա՛ պատուիրակութեան նախագահը, մեր ի Քրիստոս սիրեցեալ եղբայր Տ. Յովհաննէս արքեպիսկոպոսը. կ'ուզէ՞ք լսել զինքը:

— Անշուշտ, անշուշտ, բարձրացան աղաղակներ ամէն կողմէ, ակնդէտ կը սպասէինք արդէն մեր քարտուղար Սրբազանին վերադարձին:

Ս. Կաթողիկոսին ազգանշանին վրայ, ոտքի ելաւ պատուիրակութեան նախագահը:

— Սրբազան Հայրապետ, Վեհափայլ Դշխոյ՛դ Հայոց, և դուք, ազնուազարմ իշխանք Կիլիկիոյ, ըսու հանդիսաւոր շնչով մը, ահա՛ ճիշտ երկու օր է որ մեր գերընտիր թարգման՝ սպետորդի Մանուէլ իշխանին և մեր միւս հետէւորդներուն հետ վերադարձած ենք Եւրոպայէն:

— Բարերարն Աստուած թող օրհնէ ձեր երջանկաբեր վերադարձը, ընդմիջեց Կաթողիկոսը:

— Ինչպէս յայտնի է ձեր սիրելութեանց, շարունակեց պատուիրակութեան նախագահը, Հայոց Տիկնոջ պատգամներով ու պատուական ժո-

դովիդ հրահանգներով մեկնեցանք մայրաքաղաքէս :  
 Բաւական նեղութիւններ, ալեկոծութեան ու նա-  
 ւարկութեան յարակից վտանգներ կրելէ յետոյ,  
 Արարչին ողորմութեամբ կլանք ցամաք, Տարեկ-  
 տոնի վեհապետ Փիլիպպոս Գ. ի ներկայացանք,  
 Նորին արքայական Բարձրութեան մատուցէնք մեր  
 Դշխոյն թուղթը :

— Ի՞նչպիսի ընդունելութիւն եղաւ, հարցուց  
 ներկաներէն Վահկա՞ ըբերին իշխանը, Մարուն  
 Դշխոյն ջերմեռանդ երկրպագուներէն մէկը :

— Փառաւոր, փառաւոր, կրկնեց արքեպիս-  
 կոպոսը գոհունակութեան անկեղծ շեշտով մը,  
 հաւատացէ՛ք, սիրելիներ, արքայավայել ընդու-  
 նելութիւն մըն էր. հազիւ թէ ոտքերնիս ցամաք  
 դրինք, պալատականներէ շրջապատուեցանք շու-  
 սով, կառքերու մէջ դրուեցանք ու տարուեցանք  
 արքունիքը, զանց կ'ընեմ նկարագրելու մեր հոն  
 գտած արտակարգ մեծարանքները :

— Յետոյ, հարցուցին մէկ քանի ներկաներ,  
 անձկոտ ու անդազին դէմքով մը :

— Մեծ Կոմսը, շարունակեց արքեպիսկոպոսը,  
 աւելորդ է յիշեցնել ձեզ, մեր սիրեցեալ Դշխոյն  
 մօրեղբայրն է, բնականաբար շատ յուզուեցաւ,  
 նոյն իսկ լացաւ. երբ աչքէ անցուց մեր մատու-  
 ցած դշխոյական թուղթը :

— Ի՞նչ ըսաւ, Արքազան Հայր, ընդմիջեց  
 թագուհին փափկօրէն, ի՞նչ ըսաւ Նորին Բար-  
 ձրութիւն մօրեղբայրս :

— Ի՞նչ պիտի ըսէր, Հայոց Տիկի՛ն, յարեց  
 արքեպիսկոպոսը, խանդաղատանքով մը, կրկին

ու կրկին հարցուց ձեր առողջական վիճակը, խո-  
 րապէս զգածուեցաւ երբ մենէ իմացաւ մեծ զրժ-  
 քաղութիւնը, Արքային կորուստը պիտի ըսէի,  
 լացաւ աղու մը պէս ու լացուց իր շրջապատը :

Ժողովականները, Կաթողիկոսէն սկսեալ, պահ  
 մը սահմեկած, թախծոտ ակնարկներ փոխանակելէ  
 վերջ, սրահին մէջ երկիւղած լուռիւն մը տիրեց,  
 մինչ թագուհին մետաքսէ թաշկինակով մը կը սըր-  
 բէր արցունքները, որոնք կաթիլ կաթիլ կը ծո-  
 բէին իր արամանոյ աչքերէն վար :

— Սակայն, շարունակեց արքեպիսկոպոսը,  
 երկար, շատ երկար և միանգամայն տաղտկաբեր  
 պիսի ըլլար հոս պատմել բոլոր անցքերը, բոլոր  
 խօսքերը, որոնք տեղի ունեցան հոն, Տարեկտոնի  
 արքունիքը, մեր ու մեծափառ կոմսին միջեւ :

— Այո՛, այո՛, սիրեցեալ եղբայր, յարեց Կա-  
 թողիկոսը, ջանացէ՛ք համառօտ ըլլալ, մանրամաս-  
 նութիւններ մի՛ պատմէք, ձեր առաաքելութեան  
 արդիւնքը մեզ կը շահագրգռէ, այնպէս չէ՛ . . . :

— Այո՛, այնպէս է, այնպէս, կրկնեցին ձայ-  
 ներ ամէն կողմէ :

— Արդէն քիչ յետոյ պիտի տեղեկանաք Մեծ  
 Կոմսին առ մեր թագուհին ուղղած նամակին պա-  
 րունակութեան, ուստի, վերադառնալով մեր նիւ-  
 թին, արդարացի հպարտութեամբ մը կը յիշեմ թէ՛  
 Տարեկտոնի արքունիքին մէջ մեծամեծ պատիւնե-  
 րու արժանացանք, յետոյ Մեծ Կոմսին կողմէն ջեր-  
 մագին յանձնարարութեամբ մը դիմեցինք Աւինետն,  
 Գրիգոր ԺԱ. Պապին որ մեր խնդրանքը հայրական  
 գորովանքով մը լսելէ յետոյ, քաջալերեց մեզ և

իր մասնաւոր յանձնարարութիւններով ու քահանայապետական թուղթերովը զրկեց մեզ ուրիշ արքունիքներ, միեւնոյն ժամանակ պատասխանազիր մը յանձնելով մեզի, Տարենտոնի Փիլիպպոս Գ. Վեհապետին մատուցանելու և անոր գործնական աջակցութիւնն ու պաշտպանութիւնը խնդրելու մտօք, ձեզի ամենուզ ծանօթ խնդրին առթիւ։

— Ո՞ր խնդրին, հարցուցին ներկաներէն մէկ քանիները։

— Հայոց Տիկնոջ ամուսնութեան խնդիրը, պատասխանեց արքեպիսկոպոսը, միթէ ասիկա չէ՞ր մեր առաքելութեան առանցքը․․․

Մարուն թագուհին կը շիկիէր և չէր համարձակեր գլուխը վեր առնել։

— Շա՛տ լաւ, ընդմիջեց յանկարծ Կաթողիկոսը. Սրբազան եղբայր, շարունակեցէ՛ք. յետոյ ի՞նչ եղաւ։

— Յետոյ, պատասխանեց արքեպիսկոպոսը, Պապին յանձնարարութեան թուղթերովը, կարգով այցելեցինք Եւրոպայի կարեւոր արքունիքները, բացի Ֆրանսայէն ու Անգլիայէն, որոնք, աւա՛ղ, յանարգանս քրիստոնէութեան, եղբայրասպան, երկարատեւ ու անվերջանալի պատերազմի մը բռնուած, զիրար կը ջարդեն ու զիրար կը կործանեն, ամօթ իրենց․․․

— Միւս եւրոպական արքունիքներէն ի՞նչ լուր, հարցուց Կաթողիկոսը տենդոտ ու անհամբեր շարժուձեւով մը։

— Ճի՛շտ ատիկա պիտի պատմէի, յարեց արքեպիսկոպոսը, Աւիննոնէն վերադարձանք Տարեն-

տոն։ Փիլիպպոս Գ.ի յանձնեցինք Պապին յորդորական թուղթը։ Ազնուասիրտ ու վեհանձն կոմսը մեզ այս անգամ գրկարաց ընդունեց, Պրուենսիլիքի Ոթոն դուքսին ուղղեալ կարեւոր նամակ մը յանձնեց մեզի և պատուիրեց երթալ անոր հետ անձամբ բանակցել։

— Ի՞նչ մասին, հարցուց Կաթողիկոսը։

— Պապը, շարունակեց պատուիրակութեան նախագահը, իմ անձնական թերադրանքիս վրայ, հաճեցաւ շնորհել իր հաւանութիւնը, յարմարագոյն և խիտ օգտակար գտաւ իմ տուջարկած ծրագիրս, մեր Դչխոյին ամուսնութեան մասին ըսել կ'ուզեմ, և նոյնը յանձնարարեց Փիլիպպոս Գ.ի ալ, ասոր մասնաւոր ազգեցութիւնն ու աջակցութիւնը խնդրելով՝ յաջողեցնելու համար մեր Դըչխոյին ամուսնութիւնը․․․

— Որի՞ հետ, դարձեալ ընդմիջուեցաւ արքեպիսկոպոսը. սրահի ծալրէն բարձրացած ձայներով։

— Պրուենսիլիքի Ոթոն դուքսին հետ, պատասխանեց քարտուղար արքեպիսկոպոսը, Գերմանիոյ Սաքսոնեան Արքայական Տան շառաւիղներէն, քաջակազմ, հանձարեղ, առաքինի և հզօր, մէկ խօսքով, տիպար վեհապետի մը յատուկ ամէն բարեմասնութիւններով օժտուած գեղեցիկ իշխան մը, ինչպէս որ տեսանք մեր սեփական աչքերով, անմասն, անզուգական. հոյակապ դէմք մը․․․

Բոլոր ներկաներուն աչքերը յառեցան Մարուն Դչխոյին, որ գլխահակ, բարեպաշտ լուծթիւն մը վը պահէր։

— Վերջապէ՛ս, հարցուց անձկանօք Կաթողի-

կոսը, ի՞նչ է Պրունավիքի դուքսին տրամադրութիւնը:

— Այդ մասին գրուած է արդէն . . . :

— Որք՞ գրուած է, դարձեալ ընդմիջեց Կաթողիկոսը:

— Մեր Դչխոյին, պատասխանեց արքեպիսկոպոսը:

— Որո՞ւ կողմէն, հարցուց Կաթողիկոսը, Ոթոն դուքսին թէ . . .

— Տարեւտոնի մեծ կոմսին՝ Փիլիպպոս Գ. ի կողմէն, պատասխանեց Տ. Յովհաննէս արքեպիսկոպոսը, եթէ յարմար տեսնէք, թո՛ղ կարգացուի այլ նամակը:

— Պիտի կարգացուի՞, պիտի կարգացուի՞, կրկնեց Կաթողիկոսը, բայց նախ աւարտեցէ՛ք ձեր պատմութիւնը, Սրբազան՝ եզրայր:

Յետոյ, դառնալով ներկաներուն.

— Դուք ի՞նչ կը խորհիք այս մասին, ըսաւ, լաւագոյն չէ՞ք գտներ նախ լսել ամբողջ պատմութիւնը:

— Այո՛, այո՛, կրկնեցին ներկաները, նա մակներուն ընթերցումը առ այժմ թող յետաձգուի:

Եւ պատուիրակութեան նախագահը շարունակեց.

— Ուրախ եմ որ ձեռնունայն ու սրաաբեկ չենք վերագառնար, արդարեւ երկիրը մահուան ճգնաժամի մէջ, կը մաքառի անհաւատար, վայրագ ուժերու դէմ, սակայն մօտ է փրկութիւնը: Արեւմուտքէ՛ն պիտի ծագի այս անդամ Հայոց Արեւը:

— Օրհնեալ ըլլայ Արեւմուտքը, բացազանչեց Կաթողիկոսը, յաւիտեան ապրի քրիստոնեայ եւրոպան:

— Կեցցէ՛ Տարեւտոնի Մեծ կոմսը, գոչեց Մանուէլ իշխան, քարտուղար, արքեպիսկոպոսին թարգմանը, որ չէր դադրեր ներբողներ հիւսելէ Մարուն Դրչխոյի մօրեղբօրը վրայ:

Եւ բոլոր ներկաները կրկնեցին միեւնոյն մաղթանքները:

Յնծութիւնը կը ճառագայթէր բոլոր աչքերուն մէջ. դէմքերը կը ծիծաղէին, սիրտերը կը սարսոռային հայրենիքին փրկութեան մօտալուս յոյսերով:

Կոստանդին **Մ. Գ** Կաթողիկոսը կը խօստար, իշխանները չէին հրնար ծածկել իրենց անկեղծ գոհունակութիւնը, պատուիրակութեան ձեռք բերած յաջող արդիւնքի մասին:

— Ո՛րեղի՛ Սրբազան՝ եզրայր, ըսաւ Կաթողիկոսը, շատ գոհ ենք ձեր տեղեկատուութենէն, սակայն, կարծեմ թէ մոռցաք յիշելու կէտ մը, որ մեզի համար կարեւորութենէ զուրկ չէ՛:

— Ո՛ր կէտը, Սրբազան՝ Հայրապետ, հարցուց քարտուղար արքեպիսկոպոսը:

— Կ՛ուզէինք գիտնալ թէ ի՞նչ տրամադրութեան մէջ գտաք, պատասխանեց Կաթողիկոսը, Պրունավիքի Մեծ Դուքսը . . . :

— Իրա՞ճենք ունիք, Սրբազան՝ Հայրապետ, իրա՞ճենք ունիք, կրկնեց պատուիրակութեան նախագահը, կարեւորը մոռցայ, ամենէ՛ն կարեւորը . . . :

Բոլոր ներկաները տենդոտ անհամբերութեամբ մը կը հետեւէին արքեպիսկոպոսին վերջին բառերուն :

— Պատեցէ՛ք ուրեմն , յարեց Կաթողիկոսը , Սրբազան եղբայր :

— Պրունսվիքի Մեծ Դուքսը , շարունակեց արքեպիսկոպոսը , հոչակապ անձնաւորութիւն մըն է , հաւասարեցէ՛ք , ամբողջ Եւրոպայի արքունիքներուն մէջ , կ'ըսէին , չկայ հաւասարող մը անոր արիութեան , գեղեցկութեան և ազնուականութեան :

— Աւինեոնի Պապէն , ընդմիջեց Կաթողիկոսը , անշուշտ մասնաւոր գիր ունէիք , չէ՞ :

— Ջերմօրէն յանձնարարուած էինք , շարունակեց արքեպիսկոպոսը , ո՛չ միայն Աւինեոնի Սըրբազան Պապէն , այլ նաև Տարենտոնի մեծ կոմսէն :

— Յետո՛յ , հարցուց Կաթողիկոսը :

— Գացինք , շարունակեց պատգամաւորութեան նախագահը , ներկայացանք մեծ դուքսին : Չեմ կրնար հոս պատմել , ո՛չ ալ նկարագրել արտակարգ մեծարանքները , որոնք անչքան ազնււօրէն շուաղուեցան մեզի , այլ անզուգական իշխանին կողմէն : Պէտք է խոստովանիմ , Պապին յանձնարարականէն աւելի օգտակար եղաւ մեր առաքելութեան համար Փիլիպպոս Գ. ինքնազիր նամակը , որուն ազդեցութիւնը շատ մեծ եղաւ :

— Ի՞նչպէս , ի՞նչպէս , կրկնեցին ներկաները :

— Փիլիպպոս Գ. այլ նամակով , շարունակեց պատուիրակութեան նախագահը , մեր զօրազգ Կիլիկիոյ վիճակը պատկերացնելէ յետոյ , մեր առա-

քելութեան նպատակին վերահասու կ'ընէր մեծ դուքսը , և մեր սիրելի թագաւորին անյայտացումը , արտաքին թշնամիներուն ասպատակութիւնները , վերջապէս Կիլիկիոյ վերջին անցքերը պատմելով , այդ ամէնուն միակ դարման ցոյց կուտար նոր պատուաստում մը . . .

— Այսի՛նքն , ընդմիջեց անհամբեր Կաթողիկոսը :

— Եւրոպական արքունիքներէն հզօր իշխանի մը հեա՛ մեր Մարուն Դշխոյին ամուսնութիւնը , շարունակեց արքեպիսկոպոսը , և պատկեալ իշխանին՝ Կիլիկիոյ թագաւոր անուանումը :

— Շա՛տ լաւ . հարցուց ընդմիջելով Կաթողիկոսը , Պրունսվիքի Մեծ Դուքսին պատասխանը կրնաք յայտնել հոս , ի՞նչ ըսաւ :

— Սրբազան՝ Հայրապետ , պատասխանեց Պատուիրակութեան նախագահը , ինչպէս որ քիչ առաջ յիշեցի , Փիլիպպոս Գ. ի այդ նամակէն շատ ազդուած թուեցաւ Մեծ Դուքսը , մէկէ աւելի անգամներ քաղեց , որոճաց , յետոյ , բաւական յուրջ զէմքով մը , զանազան հարցումներ ուղղեց ինծի , մեր երկրի բնական տեսարաններուն , բնակիչներուն , քաղաքներուն , շէնքերուն և մանաւանդ առեւտրական մեծ կեդրոններուն նկատմամբ :

— Մարուն Դշխոյի մասին , հարցուց Կաթողիկոսը , բան մը չը խօսեցա՞ւ :

— Ի՞նչպէս չը խօսեցաւ , պատասխանեց արքեպիսկոպոսը , քանի՛ քանի՛ անգամներ հարցուց Հայոց Տիկնոջ ատոյղութիւնը , և ես , Մեծ Դուքսին խօսքերէն սո՛ համոզումը գոյացուցի թէ՛ չը

պիտի կրնայ մերժել Փիլիպպոս Գ. ի առաջարկը, վստահ եմ, պիտի սիրով ընդունի մեր Դշխոյին ձեռքը:

— Սակայն, դարձեալ հարցուց Կաթողիկոսը, սրբազան եղբայր, չըսի՞ք մեզի թէ ի՞նչ եղաւ Մեծ Դուքսին վերջնական յայտարարութիւնը:

— Ո՛ր և է յայտարարութիւն մը չեղաւ մեզի Մեծ Դուքսին կողմէն, պատասխանեց պատուիրակութեան նախագահը, բայց, բոլոր երևոյթները կը հաստատեն թէ շուտով պիտի պսակուի մեր ազգին բաղձանքը:

— Ի՞նչպէս, հարցուցին ներկաներէն ոմանք:

— Պրունսվիքի Օթոն Մեծ Դուքսը պիտի պսակուի մեր Դշխոյին հետ, Եւրոպայի վեհապետները, ինչպէս նաև Ս. Պապը, ուրախութեամբ պիտի ողջունեն Կիլիկիոյ նորապսակ թագաւորը, որ կոչուած է փրկելու մեր ժողովուրդը:

— Այդ մասին ի՞նչ նշաններ ունիք, սրբազան եղբայր, հարցուց Կաթողիկոսը, ինք անձամբ ի՞նչ խօսեցաւ ձեզի, ամուսնութեան մասին ի՞նչ ըսաւ, ա՛յդ է կարեւոր:

Մինչ Կաթողիկոսի հարցման առջև կը վարանէր արքեպիսկոպոսը պատասխանելու, մէջտեղ նետուեցաւ պատուիրակութեան թարգմանը Մանուէլ իշխան, և խանդավառ շարժումով մը.

— Սրբազան Հայրապետ, ըսաւ, այս ամուսնութեան գործը կատարուած իրողութիւն մը կրնաք նկատել, որովհետեւ Մեծ Դուքսը մեծ համակրանքով մը կ'արտասանէր մեծ Դշխոյին անունը, և մանաւանդ, Փիլիպպոս Գ. մեծ կոմսին հանդէպ խիստ յարգալիբ լեզու մը կը գործածէր:

— Բայց, սիրելի՛ զաւակս, յարեց Կաթողիկոսը, մինչև ցարդ պատմուածներէն կարելի չէ հետեւցնել թէ այդ ամուսնութիւնը պիտի յաջողի, այդ մասին ի՞նչ հաւաստիքներ ունիք:

— Սրբազան Հայրապետ, պատասխանեց Արքեպիսկոպոսը, ուրիշ ի՞նչ հաւաստիք կ'ուզէք, մեզի յոնձնեց ինքնագիր պատասխանը, Փիլիպպոս Գ. ի ուղղեալ, և մեր մեկնումի բոպէին, մինչև վերջը խրախուսեց մեզ:

— Ատոնք հաւաստիքներ չեն կրնար համարելի, առարկեց Կաթողիկոսը. ուրիշ ի՞նչ գիտէք:

— Ներեցէ՛ք, ներեցէ՛ք, կրկնեց Մանուէլ իշխան, մոռցած էի կէս մը,

— Ի՞նչ կէս... հարցուցին ներկաները:

— Պրունսվիքի Մեծ Դուքսի պալատին մէջ, շարունակեց ասպետը ին, սենեկապաններն ու թիկնապանները կը պատմէին թէ՛ Օթոն Մեծ Դուքսին սիրտը ծախուած էր արդէն:

— Ի՞նչպէս, ի՞նչ կ'ըսէ Մանուէլ իշխանը, Սրբազան եղբայր, հարցուց Կաթողիկոսը յուզուած դէմքով մը, դուք ալ այդ կէտը չէի՞ք գիտեր,

— Դիտէի՛, պատասխանեց արքեպիսկոպոսը, բայց ի՞նչպէս կ'ուզէիք որ կարեւորութիւն տայի պալատականներու մտերմական խօսակցութիւններուն:

Յանկարծ ախրութիւն մը աիրեց սրահին մէջ. դէմքերուն վրայ յուսահատութիւն մը, բոլոր աչքերը կարծես կուլային: Մանուէլ իշխանին յայտնութիւնը խիստ յռելի ապաւորութիւն մը յառաջ բերաւ, այնպէս որ պատուիրակութեան նախա-

գահին անքան հանդիսաւոր ու խանդավառ  
յայտարարութիւնները վայրկեանապէս ցնդեցան  
օդին մէջ :

— Պրունսլիքի Դուքսին սիրտը ծախուած է  
արդէն, կը մոլտային ներկաները :

Իսկ Մարուն Դշխոյի դէմքը դալիսար, զո՛ւր  
կը ջանար զսպիկ իր ներքին թախիծը :

Այս ցաւազին ու տարտամ վիճակը տեւեց  
քանի մը րոպէ :

Կաթողիկոսը խզեց վերջապէս այս պաղ լը-  
ռութիւնը, և ուղղելով խօսքը Մանուէլ իշխա-  
նին :

— Որդեակ սիրելի, ըսաւ, պալատականները  
չէին պատմեր թէ որո՛ւ ծախուած է Մեծ Դուքսին  
սիրտը :

— Կը պատմէին, պատասխանեց Արքեպիս-  
կոպոսին թարգմանը, այո՛, դեռ կը յիշեմ, Նա-  
բօլի թագուհին կը սիրէ կ'ըսէին :

— Սրբազան եղբայր, յարեց Կաթողիկոսը  
կշտամբոտ շեշտով մը, դժգոհ նայուածք մը շան-  
թելով Արքեպիսկոպոսին, դուք այս բաները չը  
պատմեցիք :

— Սրբազան Հայրապետ, պարանպ խօսքեր,  
պալատականներու բարբոնջանքներ են ատոնք,  
Օթոն Մեծ Դուքսը բան մը չըսաւ ինծի այդ մա-  
սին, ընդհակառակն, երկիցս, երկիցս և քանիցս  
հարցուց Մարուն Դշխոյին առողջութիւնը : Աւե-  
լին կայ, երբ իր քովէն բաժնուեցանք ու վերա-  
դարձանք Տարեհատոն, Փիլիպպոս Գ.ի արքունիքը,  
երբ Մեծ Կոմսին յանձնեցինք Պրունսլիքի Մեծ

Դուքսին ինքնագիր նամակը, հաւատացէ՛ք, սաս-  
տիկ Նրճուեցաւ Փիլիպպոս Գ. :

— Մօրեղբայրս, յանկարծ միջամտեց Մարուն  
Դշխոյ, իր նամակին մէջ ո՛ւր է ակնարկութիւն  
մը չէ՛ ըրած, ծայրէ ծայր կարդացի նամակը :  
Մեծ յոյսերու խոստումներով կ'սգեւորէ զիս ու  
կը մխիթարէ, սակայն ես տակաւին չպիտի կրնամ  
հաշտուիլ այն վիճակին հետ, որ կը պատրաստուի  
ինծի համար. ձայն մը, ներքին ձայն մը կ'ազ-  
դարարէ ինծի զգոյշ վարուիլ, մի՛ մեղադրէք զիս,  
կ'ազաչեմ, մի՛ մեղադրէք, դեռ չեմ ուզեր, չեմ  
կրնար հաւատալ դժբաղդութեանս, ինծի կը թուի  
թէ՛ այս անորոշ ու տարտամ կացութեան վախ-  
ճանը շուտով պիտի հասնի, և թէ մօտ է ար-  
շալոյսը . . . :

— Պարզ խօսեցէ՛ք. ընդմիջեց Կաթողիկոսը,  
քիչ մը պարզ խօսեցէք, Դշխոյ :

— Պարզ կը խօսիմ, շարունակեց թագուհին,  
մօրեղբօրս նամակը կարդացիք, Սրբազան Հայրա-  
պետ, կ'ազաչեմ, ըսէ՛ք, ի՞նչ հակեցաք . . . :

Կաթողիկոսը կարդացած էր արդարեւ այն  
նամակը, և ինքն ալ յուսախօս եղած էր : Միակ  
յոյսը դրած էր պատգամաւորութեան նախագահին  
տեղեկատուութեան վրայ, որ, աւազ, այնքան  
դիւթիչ յառաջարանով մը սկսած, այս ախուր  
վերջարանը կ'ունենար :

Պահ մը գլուխը հակած, շուտաւ մնացած էր .  
չէր գիտեր ի՞նչ պատասխանել, բայց միւս կողմէ,  
կը խորհէր թէ իր ամերափոքրիկ մէկ շարժումը  
կ'ազդէր ժողովականներուն, ուստի առանց ասոնց  
յայտնի ընելու իր հոգեկան տագնապը .

— Դշխո՛յ, ըսաւ անայլայլ դէմքով մը, ձեր մօրեղբայրը պաշտելի անձնաւորութիւն մըն է. օրհնեա՛լ ըլլայ իր թագաւորութիւնը, ևս շատ լան հասկցայ իր նամակի պարունակութենէն, շա՛տ գեղեցիկ խօսեցաք, երբ ըսիք թէ մա՛տ է արշալոյսը, այո՛, մօտ է, շուտով պիտի ծագի արշալոյսը, Արեւմուտքը կարմրի՛լ սկսած է արդէն, չէ՞ք տեսներ :

— Սրբազան Հայրապետ, յարեց Մարուն Դշխոյ, արշալոյսը պիտի ծագի Արեւելքէն, ո՛չ թէ Արեւմուտքէն, ինչպէս դուք կը կարծէք. ահա՛, պարզ կը խօսիմ, լսեցէք դուք ալ, երկրիս իշխաններ, զիս օտար իշխանի մը հետ պսակելու խորհուրդներ ըրիք, բայց լաւ գիտցէք որ իմ տէրս ո՛ղջ է, ո՛ղջ. թերեւս այսօր իսկ յանկարծ երեւան ելլէ, այն ատեն ո՞ւր կը մնան այս... ծրագիրները :

Ներկաները լուռ, անթարթ աչքերովը, բարւած ուշադրութեամբ մտիկ կ'ընէին, մինչ Հայոց Տիկինը, ներշնչուած շեշտերով կը շարունակէր.

— Սրբազան Հայրապետ և Լեւոնի Երկրին հաւատարիմ իշխաններ, լսեցէ՛ք կ'ըսեմ, ահա հրապարակաւ կը խօսիմ, ձեր թագաւորը չէ մեռած, ո՛ղջ է :

— Ի՞նչպէս կրնաք հաստատել, կրկնեցին ձայներ զանազան օթոռներէ :

— Ներքին ձայն մը կը վկայէ, պատասխանեց թագուհին, ձայն մը, որ երբէք չի խաբեր, Լեւոն ողջ է և շուտով պիտի գայ վերջ մը դնել այս կացութեան, որ աւելի դառն է քան մահը :

— Հայո՛ց Տիկին, յարեց Կաթողիկոսը, կ'աղաչեմ, եթէ նոր լուր մը կայ, մի՛ պահէք, ըսէ՛ք համարձակ :

— Լուր մը, յարեց թագուհին, ի՞նչ լուր, կ'ուզէք, ահա կը կրկնեմ. Կիլիկիոյ չընիկ տէրը պիտի գայ և պիտի փրկէ մեզ այս անել կացութենէն :

— Ուրեմն, ընդմիջեց Կաթողիկոսը, Հայոց Տիկին, ինչո՞ք ծառայած պիտի ըլլայ մեր Եւրոպա դրկած պատուիրակութիւնը, ի՞նչ արդիւնք ունեցած պիտի ըլլան մեր դիմումները՝ Ս. Պապին ու Եւրոպական զանազան արքունիքներուն, և յետոյ, ամէնէն աւելի, ի՞նչ պիտի պատասխանէք ձեր մօրեղբոր՝ Տարենտոնի առաքինի և քաջարի վեհապետին, ի՞նչ կ'ըսեմ, Կ. Պոլսոյ տիտղոսաւոր ինքնակալին, որ այնքան շահագրգռուած է մեր երկրին այժմու վիճակովը :

— Կ'աղաչեմ, Սրբազան Հայրապետ, շա՛տ կ'աղաչեմ, կը կրկնէր յամառօրէն թագուհին. մօրեղբայրս, իրաւ է, խրախուսիչ յորդորներ ուղղած է ինձի, բայց գործնական, շօշափելի արդիւնք մը չեմ գտներ իր պատասխանագրին մէջ. նոյնը կարելի է ըսել Ս. Պապին թուղթին համար. հետեւաբար, պէտք է խոստովանիմ, ևս շատ յուսատես եմ Եւրոպայի մասին, երբէք չեմ յուսար թէ մեզի համար նոր խաչակրութեան մը ձեռնարկեն :

— Սակայն խոստացան, յանկարծ բացազանչեց պատուիրակութեան նախագահը :

— Որո՞նք, որո՞նք խոստացան, հարցուց թագուհին :

— Ամէ՛նքն ալ, ամէ՛նքն ալ, պատասխանեց արքեպիսկոպոսը, թէ՛ ձեր վեհաշուք մօրեղբայրք եւ թէ՛ Պրունավիքի Մեծ-Դուքսը :

— Մի՛ հաւատաք, մի՛ հաւատաք, յարեց թագուհին, Եւրոպան այսօր եղբայրասպան պատեւրազմներու մէջ կը գտնուի, այնպէս որ, հակառակ իր փափաքին, չպիտի կրնայ մեզի օգնութեան հասնիլ :

Մարուն Դշխոյին այս վերջին յայտարարութիւնները բողոքովին ընկճեցին ժողովականները :

Ո՛չ Կաթողիկոսը, ո՛չ իշխանները, ո՛չ պատւիրակութիւնը, ո՛չ ոք գիտէր ախուր իրականութիւնը, որ միայն Մարուն Դշխոյին ծանօթ էր :

Պատուիրակութեան բերած սրշտօնական թուղթերէն զատ, թագուհին գաղտնի սուրհանդակի մը ձեռքով, ուրիշ նամակ մըն ալ ստացած էր, որուն մէջ մանրամասնօրէն նկարագրուած էին Պրունավիքի Դուքսին սիրային արկածները Նաբօլիի թագուհիին հետ, որուն հրեշտակային գեղեցկութիւնը շատ մը բանաստեղծներու երգերուն նիւթը կը կազմէր. հետեւաբար Հայոց Տիկինը չափազանց միամիտ պէտք էր ըլլար հաւատալու համար թէ Ոթոն Դուքսին հետ ծրագրուած իր ամուսնութիւնը պիտի իրագործուէր, այն Դուքսին հետ, որուն սիրտը ծախուած էր Եւրոպայի, չըսելու համար աշխարհի գեղեցկագոյն կնոջ, Նաբօլիի Դշխոյին :

Հայոց թագուհին ուրիշ կուտան մըն ալ ու-

նէր, որուն կրթնած էր, ժողովին մէջ ա՛յնքան վճռական դիրք մը բռնելով :

Ի՞նչ էր այդ կուտանը . . . :

Պատուիրակութեան վերադարձէն մէկ շաբաթ առաջ, խորհրդաւոր մարդ մը կը ներկայանայ Մարուն Դշխոյին : Այդ մարդը Կոստիկոսի բերդին պահպաններէն, Լեւոն Ե.ի հաւատարիմ զինուոր մըն էր, որ եկած էր Տարսոն, Հայոց սգաւոր Դշխոյին աւետելու համար թէ Լեւոն Ե. ողջ էր եւ թէ՛ կը պատրաստուէր յանկարծ ասպարէզ իջնել, ելն :

Ահա՛ թէ ինչու ա՛յնքան հրամայական շեշտերով կը խօսէր թագուհին ու կ'արհամարհէր Եւրոպայի երեւակայական օգնութիւնը :

Կիլիկիոյ ամպամած հորիզոնը տակաւ կը պարզուէր, նոր շունչ մը կ'անցնէր երկրին վրայէն եւ ժողովուրդին սիրտը կը բարախէր սպասողական դիրքի մը մէջ :

Տարսոնի արքունիքը գումարուած խառն ժողովը, պատուիրակութեան տեղեկատուութիւնը լրսելէ յետոյ, առանց կարենալ որոշում մը տալու, ձեռնունայն կը ցրուի :



Թ.

Շ Ա . Հ Ե Կ Ա Ն Վ Ա Ի Ե Ր Ա Թ Ո Ի Ղ Թ Մ Ը

Հայոց Տիկնոջ ամուսնութեան ծրագիրը հեռու էր իրագործուելէ, և սակայն Տարսոնի արքունիքին մէջ տենդոտ պատրաստութիւններ կ'ըլլային, Պրունսովիքի Մեծ Դուքսին մօտ նոր պատգամաւորութիւն մը ղրկելու համար:

Իսկ Պրունսովիքի Դուքսին շուրջ հակասական լուրեր կը հասնէին Եւրոպայէն:

Սուրհանդակ սուրհանդակի վրայ, Մարուն թագուհին յաճախակի նամակներ կը ստանար իր մօրեղբայր Փիլիպպոս Գ.էն, Աւինեոնի Գրիգոր ԺԱ. Պապէն, Վենետիկի, Գենուազի, Հռոմի և ուրիշ կարեւոր կեդրոններու վեհապետներէն. որոնք, առանց բացառութեան, կը սրտապնդէին թագուհին և իրենց հզօր պաշտպանութիւնը կը խոստանային:

Երկունքի մէջ էր ամբողջ երկիրը:

Շէն չէն քաղաքներ ու զիւղեր յաջորդակար կը քանդուէին, Կիլիկիա կը պարպուէր օրէ օր իր բարեկեցիկ բնակչութիւններէն, որոնք, հուրին ու սուրին առջեւէն փախստական, կ'ապաստանէին մերձաւոր արտասահմանի ծովեղերեայ կեդրոնները:

Մարուն թագուհին, իր հոգատարութեան յանձնուած այս դժբաղդ երկրին ամայացումը քանի կը տեսնէր, ա՛յնքան աւելի կը զգար իր կոր-

սրւած թագաւորին՝ սիրական Լեւոնի ներկայութեան պէտքը:

Ո՛չ գիշերը քուն ունէր, ո՛չ ցերեկը հանգիստ: Մէ՛կ ժամ իսկ դադար չէր առնէր, կը գործէր, շարունակ կը գործէր, կարենալ գանելու համար անոր հետքը, և վանելով իր մտքէն կրկնամուսնութեան ամէն զաղափար, մէկէ աւելի դեսպաններ կը ղրկէր եւրոպական աղղեցիկ արքունիքները որոնց քով կը կրկնէր ու կ'երեքնէր իր օգնութեան կոչը, քրիստոնեայ Փոքր Հայաստանը փրկելու, բարբարոսներու արշաւանքէն:

Պատմութիւնը շատ մը դէպքեր կը յիշէ Հայոց Տիկնոջ դեսպաններուն նկատմամբ, մանաւանդ վաւերաթուղթեր, որոնք մեծ շահեկանութիւն ունին վէպիս համար:

Այդ կարգի վաւերաթուղթերուն մէջ անկարելի է զանց ընել Վենետիկի Մեծ Դուքսին պաշտօնական պատասխանազիրը, որուն ձեռագիրը կը գտնուի տակաւին Վենետիկի զիւանատունին ԼԳ. գրքին մէջ. թղթ. 37 ինչպէս յիշած է յարգելի Պ. Կ. Յ. Բասմաջեան. «Լեւոն Ե. Լուսինեան, Պ. Կ. Յ. Բասմաջեան. «Լեւոն Ե. Լուսինեան, Վերջին թագաւոր Հայոց» իր հոյակապ երկին մէջ, և կը կրէ հետեւեալ ծանօթութիւնը. — «Հայոց բագուհւոյ դեսպաններուն տրուած պատասխանն եւ իր յանձնարարուիլը դաւենակցաց նաւատուրմին նաւապետին, Սարակիճոուաց, եւլն»:

Վենետիկի Դուքսը՝ Մարուն Դշխոյի դեսպաններուն կը խոստանար այդ թուղթով իր գործօնաջակցութիւնը, «Հայկական Խնդիր»ը մօցնելու

իր և Գեներալի Դուքսին և Եզրպատսի Սուլթանին միջև ևնքուելիք դաշնագրին մէջ

Ահաւաստիկ այդ թուղթին պատճէնը, հայերէնի թարգմանուած վեր. Մխիթարեան Մկրտիչ վ. Պատուրեանի կողմէն:

« Պատասխան վեցեակիի Պուսին առ դեսպանս Հայոց:

« Ի վաղուց հեռէ և յընթացս ժամանակաց յատուկ խնամք ունեցանց իւր (այսինքն Հայոց) թագաւորութեան պահպանութեան, ուստի, նեղութեանց և վտանգներու համար, որոց ենթարկուած է այդ թագաւորութիւնը Սարակինոսաց հայաձանքներուն և պատերազմներուն պատճառաւ, մեծապէս կը ցաւինք, և այն բաներուն մէջ, յորս կրնանք՝ միշտ պատրաստ եղանք և ենք մեր օգնութիւնը մատուցանելու:

« Ուրախ ենք, ինչպէս գիտեն, դաշնագրութեան համար զորս բրինք չքեղաքուչ եղբոր Դուքսին և Եանուայի (1) Հասարակութեան հետ, և այդ երկու կողմն ալ համաձայնեցան որ բաւական թիւով լաւ հանդերձաւորուած նաւեր ղրկեն երբ Սուլթանն Բարեկրնի (Եզրպատս) չուզէ խաղաղութիւն կամ ինչ է դաշնակցաց պատուոյն կը վերաբերի, գործին ի վնաս Սուլթանին ինքնին և անոր օգնողաց: Յիրաւի այդ միութիւնը որպէս յայտ է, մեծ և նշանաւոր նպաստ մը պիտի ըլլայ թագաւորութեան Հայոց և ամենայն քրիստոնէից կողմացն արեւելից:

(1) Եանուա կը կոչուէր ձեռնովա Միջին Դարու մեջ:

« Դարձեալ գիտնալով որ վերոյիշեալ մեր շքեղաշուք Եղբոր Դուքսին և Եանուայի Հասարակութեան արամադրութիւնն և կամքը մերինին հետ դէպի մէկ վախճան կը զուգընթանայ, պատրաստ ենք յանձնարարելու մեր նամակով մեր միացեալ դաշնակցաց նաւերու նաւապետին, որ ի պարագային երբ մէկ կողմանէ մեր և դաշնակցաց՝ միւս կողմանէ Սուլթանին միջև խաղաղութիւն ըլլայ, այն ատեն ըստ կարի այնպէս մը ընեն որ՝ յիշեալ թագաւորութիւնը Հայոց և իր ժողովուրդը այդ խաղաղութեան (պաշանց) մէջ ըլլան և մտնեն ի բարին և ի հանգստութիւն և ի պահպանութիւն յիշեալ թագաւորութեան:

« Ուստի՝ վասն զի դեսպաններն ինքնին կ'ըսեն որ Պապը իրենց խաչ ընծայեց(1) — երբ ընդհանուր խաչակրութիւն կարելի ըլլայ — որ ներքնապէս անկարելի է Արեւմուտքի մէջ ափրող պատերազմներու պատճառաւ. կ'ըսուի ինքնին դեսպաններուն որ՝, երբ յիշեալ խաչակրութիւնը կատարուի, կ'ընենք ինչ որ ըստ Աստուծոյն և ըստ մեր պատուոյն է: Եւ վասն զի Մեծապատիւ Դուքսըն Եանուայի Հասարակութեան մեզի հանգստութեամբ զրեց ըսելով թէ՛ զո՞ն պիտի ըլլայ, եթէ մենք հաճինք որ ըստ կատարելոյն Հայոց թագաւորութիւնը խաղաղութեան (դաշանց) մէջ մտցուի, կը պատասխանուի անոր իւր հոգատարութեան համար շնորհակալ ըլլալով. նմանապէս մեզի ալ հա-

(1) Խաչը սալը՝ խաչակրութեան յորդորել կամ հրաւիրել էր: (Ման. թարգմ.)

ճոյ է որ յիշեալ թագաւորութիւնդ մտցուի, եթէ կարելի է: »

Այս և ասոր նման յուսադրական ու քաջայեւրական թուղթեր կ'ըստանար. ինչպէս ըսինք, Մաջուն թագուհին, սակայն երկու սուրի միջեւ կը գտնուէր. մէկ կողմէ Պրունավիքի Դուքսին հետ ամուսնութեան հեռանկարին և այդ ամուսնութեան չնորհիւ իր թագաւորութեան վերականգնումին. միւս կողմէ անյայտացած, բայց վայրկեանէ վայրկեան երեւան գալու յոյժ ներշնչող իր սիրական Լեւոնին պարագային որոնք իր փափուկ հոգին կը չարչարէին:

Դուքսին հետ նոր ամուսնութիւն մը կնքել, ատոր չէր ուզեր հաւատալ ա'յն օրէն ի վեր, երբ, Տարսնի Արքունիքի Ազգ. Ընդհ. Ժողովին մէջ լսած էր Մանուէլ Ասպետորդի իշխանին զգայացունց յայտարարութիւնները, յիշեալ Մեծ Դուքսին ու Նաբօլիի Դշխոյին սրբային յարաբերութեանց մասին:

Հայոց Տիկինը հասարակ կին մը չէր, նոյնքան մտացի էր, որքան կորովի. զիտէր թէ ինչ արժէք ունի ասպետի մը, աւատապետի մը, դուքսի մը, կոմսի մը, մարքիզի մը. մէկ խօսքով աշխուսպետութեան աշխարհին պատկանող ս' և է ախողոսաւորի մը սիրտը, այդ մտի պարկը...: Գիտէր նոյնպէս թէ շատ անգամ դառն, անգութ և աղետալի յուսախափութեամբ մը կը վերջանան հաշիւներով կնքուած ամուսնութիւնները, և այս ամէնը գիտնալով, դժուար թէ կարենար համակերպել քաղաքական պահանջումներու:

Եւ յետոյ, կ'ըսէր թագուհին ինքնիրեն, եթէ

յանկարձ երեւան ելնէր իր անյայտացած տէրը, այն ատեն ո'ւր կը մնար ծրագրուած ու ա'յնքան դրուատուած ամուսնութիւնը...:

Յաճախ, մանաւանդ կէս գիշերներէ ետք, կ'առանձնանար, կը քաշուէր իր ապարանքի զանխուլ մէկ խորշը, իր դժբաղդութիւնը կ'ողբար ու կը հեծեծէր...: Ո՛չ, ո՛չ, կ'ըսէր միշտ, ես ո՛րքան ինկած, ո՛րքան փճացած մը պիտի ըլլայի, եթէ երբէք ընդունած ըլլայի այս դաւաճանութիւնը: Ի՞նչ, զրժե՛մ, ուրան՛մ ուխտս, ուրան՛մ հարաւզատ, օրինաւոր տէրս, որուն հաւատարմութիւն ուխտած եմ մինչեւ ցմահ...:

Եւ անոր անուոր աչքեկէն մարդրտի պէս արցունքի կաթիլներ կը հոսէին այտերն ի վար:

Պահ մը պատգամաւորութեան վերադարձին, նոր սիրոյ մը ծլիլը զգացած էր իր թախճոտ սրտին մէջ, կարծած, նոյնիսկ հաւատացած էր թէ Պրունս-վիքի զեղեցիկ դուքսին հօգ Թեւերուն մէջ շուտով պիտի մոռնար դժբաղդութիւնը, կը յուսար թէ եւրոպական այդ ազդեցիկ արքունիքին շուքին տակ նոր կեանք մը պիտի ստեղծուէր իրեն համար, ու վերակենդանութիւն մը՝ մահամերձ Կիլիկիոյ համար, որ ամէն կողմէ պաշարուած էր թշնամի բանակներէ և հրոսակներէ...:

Սակայն, ափսո՛ս, բոլոր այդ յոյսերը վայրկենապէս ցնդեցան, երբ պատուիրակութեան թարգման ասպետորդի Մանուէլ իշխանը՝ Տարսնի արքունիքը գումարուած Ընդհ. Ժողովին ներկայութեանը պարզեց սոսկալի գաղտնիքը:

Պրունավիքի Դուքսին սիրտը ծախուած էր

արդէն, անի ուրիշ մը կը սիրէր, ու կը սիրուէր ուրիշէ մը, և այդ ուրիշը, ինչպէս կը խօսուէր, շատ աւելի բարեբախտ էր քան Կիլիկիոյ հէք թագուհին և թերեւս աւելի՛ շնորհալի ու գեղասնի քան Հայոց Տիկինը, ուրիշ հզօր երկրի մը տիրուհին էր, Նաբօլիի թագուհին, որուն հետ ամուսնութիւն մը պիտի կնքէր Մարուն Դշխոյի խոստացուած դուքսը:

Եւ ասիկա անհիմն տարածայնութիւն մը չէր, ընդհակառակը, հեռզհեռէ իրականութիւն կը զբառնէր:

Նոյն շարժումն մէջ, Մարուն թագուհին սուրհանդակ մը կ'ընդունէր Տարէնտոնէն, իր մօրեղբօր՝ Փիլիպպոս Գ.ի կողմէն, որ իր քրոջ ազնկան կ'իմացնէր Խնուր լուրը Պրունսվիքի Օթոն Դուքսին ամուսնութիւնը՝ Նաբօլիի թագուհիին հետ, որուն վաղուց սիրահարած էր դուքսը, կը զրէր մեծ կոմսը:

Այս ցնցող լուրը նախ արքունիքին մէջ լրուած, յետոյ ամբողջ Կիլիկիոյ մէջ տարածուած, աննկարագրելի ախրութիւն մը, յուսահատութիւն մը պատեց բոլոր սիրահերը:

Կաթողիկոս, իշխաններ, ժողովուրդ, առհասարակ սրտաբեկ եղան, կստարուած իրողութեան մը հանդեպ գտնելով իրենք զիրենք. Մարուն Դըշխոյին դժբաղդութիւնը կուլային, միեւնոյն ժամանակ կ'ողբային Կիլիկիոյ դժխեմ ճակատագիրը:

Չարմանալի հակասութիւն, մինչ բովանդակ ազգը սուգի մէջ թաղուած, արիւն արցունք կուլար երկիրը, սաղին Մարուն թագուհին սովորա-

կանէն աւելի զուարթ կ'երեւար: Հայոց Տիկինը յաւատէս էր միշտ, մանաւանդ Կոռիկոսի բերդին պահապանին բերած լուրին վրայ՝ աւելի և աւելի կը սկսէր հաւատալ թէ՛ իր սիրական Լեւոն Ե. ը Կիլիկիոյ բնիկ տէրը պիտի յանկարծ երեւան գար ու յեղաշրջէր ամէն բան, իր տարիներու սուզը փոխելով անխառն ուրախութեան:

Պահապանը դեռ կը սպասէր. վար դրուած էր Տարսոնի պալատին մէջ: Թագուհին տակաւին չէր քաղած բոլոր տեղեկութիւնները՝ Լեւոն Ե.ի թագստոցին ու մօտալուտ վերադարձին նկատմամբ, ուստի, կը խորհէր խիստ հարցաքննութեան մը ենթարկել պահապանը, թանկարժէք գաղտնիքներ կորզելու համար անոր բերնէն:

Արքունիքին մէջ անհամբերութիւն մը կը տիրէր, երկա՛ր, շատ երկա՛ր տեւեց այս բացակայութիւնը, կը գանգատէին իրարու, ե՛րբ մեր գիրկը պիտի վերադառնար մեր սիրեցեալ թագաւորը...



Ժ.

Ա. Ր. Ք. Ա. Յ. Ա. Ս. Պ. Ա. Ն. ?

Լեւոն Յ. ինչո՞ւ անյայտացած էր յանկարծ, ինչո՞ւ ամիսներով դեգերած թափառական, Կիլիկիոյ գիւղերուն մէջ, ինչո՞ւ յետոյ ապաստանած էր անմատչելի լեռներու և անտառներու մէջ. ո՞ւր կը գտնուէր այն պահուն, երբ Կաթողիկոսը, եպիսկոպոսներով, քահանաներով ու բնիկ իշխաններով կը ջանար Մարուն թագուհին կրկին ամուսնացնել եւրոպական արքունիքի մեծ իշխանի մը հետ, ահա՛ այս ամէնը տակաւ կը պարզուէր, որովհետեւ Կոռիկոս բերդին պահապանը մէկ քանի օր վար դրուած էր Տարսոսի պալատին մէջ և ամէն գաղտնիք խոստովանած էր Հայոց Տիկնոջ :

Ու հիմա թագուհին հաստատապէս գիտէր, համոզուած էր թէ իր կորսուած սիրականը վերստին պիտի գայ ձեռք առնէ իշխանութեան ղեկը, և պիտի վանէ արտաքին թշնամիները, որոնք ամենուրէք սարսափ ու մահ սփռած էին :

Սակայն դէպքերը դարձեալ պիտի բերէին ուրիշ աւելի մեծ բարդութիւններ :

Ի՞նչպէս

Պատմենք հակիրճօրէն,

Լեւոն Յ. քանի մը դաւաճան իշխաններու — որոնց մէջ կային իր երախտաւորեալներէն ալ — ստոր դաւերէն զգուած ու մայրաքաղաքին դռները հասած ահարկու թշնամի գունդերէն պա-

շարուած, ինքնապաշտպանութեան քանի մը ձախորդ փորձերէ ետք, վճռած էր անյայտանալ, ինքզինքը պահել ժամանակ մը, սուանց սակայն վայրկեան մը օտար կամ անտեղեակ մնալու բոլոր իրադարձութիւններուն: Զանազան կերպարանքով, զանազան տարազներով կ'երեւնար, առանց երբէք մասնուելու: Այսպէս, սկիզբները Կիլիկիոյ լեռնոտ մասերուն մէջ քննական պայտյաներ ըրած էր արեղայի սքեմին տակ. գիւղական մատուռներու, երբեմն ալ գիւղաքաղաքներու եկեղեցիներուն մէջ քահանաներուն դասը կը կենար ու կը մասնակցէր ժամերգութիւններուն: Յետոյ կրօնաւորի ոքեմը վրայէն նետելով, եղած էր ճշմարիտ մուրացկան մը, դռնէ դուռ կը պտտէր ու կը մուրար երգելով :

Կիլիկիոյ գրեթէ բոլոր մասերուն մէջ ծանօթ էր անի, ձգնաւորը, մուրացկան ձգնաւորը :

Նւ այդ մուրացկան ձգնաւորը չէ՞ր որ, Կոստանդին Կաթողիկոսին օժման օրը, Սոսոյ Ս. Սօֆիա մայր տաճարին դուռը, պնակ մը բռնած, կը մերմնջէր շարունակ. —

« Յիւսեցի՛ք Լեւոն Արեւան, յիւսեցի՛ք Լեւոն Արեւան, ձգնաւորին պնակը մի՛ անցես առնե՛ք : »

Դարձեալ այդ ձգնաւորը չէ՞ր որ անտառի մը խորը, գիշերուան սոսկումին ու խաւարին մէջ, հանդիպեցաւ բանբերին, որ Մարուն Դշխոյին քովէն կը վերադառնար, Տարսոսի պալատէն, ուր զրկուած էր Լեւոն Յ. ի կողմէն . . . :

Բայց անտառին հանդիպումէն ետք, թանձր քօղ մը ձգուեցաւ դարձեալ, և ո՛չ ոք գիտեր թէ

ո՛ւր էր, ի՞նչ կ'ընէ, ե՛րբ երեւան պիտի ելլէր փախստական ու թափառական թագաւորը :

Ահա՛ այս գաղտնիքը պարզուեցաւ Կոռիկոսի բերդին պահապանին հետեւեալ յայտարարութիւններէն :

— Ծերո՛ւկ, կ'ըսէր Մարուն թագուհին իրեն սովոր քաղցր ձայնով ու հեղ ղէմքովը, պատմէ՛ նայիմ ի՞նչ գիտես թագաւորին մասին :

— Հայոց Տիկին, կը պատասխանէր պահապանը դողդոջ ձայնով մը, Արքան ծնօտէն վէրք ստացած, հալածական, հաղիւ կրցած էր ինքզինքը նեռել . . .

— Ո՛ւր, ընդմիջեց թագուհին ղողահար :

— Մեր բերդը, շարունակեց միամիտ պահապանը, առանց նշմարելու իր խօսակցին յուզումը :

— Ո՞ր բերդը, դարձեալ հարցուց թագուհին մեքենայօրէն :

— Կոռիկոսի բերդը, Հայոց Տիկին, պատասխանեց ծերուկը, միշտ անայլայլ, միշտ հանդարտ :

— Յետո՞յ, հարցուց թագուհին, շարունակէ՛ պատմութիւնդ :

— Հայոց Տիկին, կ'աղաչե՛մ, դիտել տուաւ ծերուկ պահապանը, չառ մի՛ ընդմիջէ՛ք, ազատ թողէ՛ք զիս որ պատմեմ զխացածներս :

— Իայց մի՛ մոռնար մանրամասնութիւնները : շեշտեց թագուհին :

— Յետոյ, շարունակեց ծերուկը նոյն պաղարիւնով ու նոյն հանդարտութեամբ, դարմանումը բաւական երկար տեւեց, բերդին մարդիկը

մէկ քանի օր մեծ վրդով ու մտահոգութեան մէջ ապրեցան Արքայի կեանքին մասին :

— Ո՛վ կը դարմանէր, դարձեալ ընդմիջեց անհամբեր թագուհին :

— Սոհիէր մարաջախտը, Յիմի կոմսուհին, պատասխանեց ծերուկը, կ'ըսէին թէ Արքային քովէն վայրկեան մը չէին հեռանար, հերթով կը կը հսկէին անոր սնարին վրայ :

— Վիրարո՞յժը . . . դարձեալ ընդմիջեց թագուհին :

— Մէկէ տելի էին, Հայոց Տիկին, շարունակեց ծերուկը, երեք վիրարոյժներ կը դարմանէին Հայոց Արքային վէրքը :

— Վերջապէ՞ս . . .

— Վերջապէս վէրքը բուժուեցաւ և Արքան կատարելապէս առողջութիւնը գտաւ, սակայն . . .

— Ի՞նչ . . .

— Դժխե՛մ, անգո՛ւթ բաղդը կը հալածէր մեր Արքան, շարունակեց ծերուկը :

— Ի՞նչպէս, ի՞նչպէս, հարցուց թագուհին տենդագին :

— Արքայամայրը կը յիշէք անշուշ պատասխանեց ծերուկը :

— Այո՛, Սուլտանը, յարեց Մարուն թագուհին :

— Սուլտանը, այո՛, Մայր-Թագուհին, կրկնեց ծերուկը :

— Ի՞նչ եղաւ Մայր-Թագուհին . . .

— Ի՞նչ պիտի ըլլայ, փախա՛ւ պատասխանեց ծերուկը :

— Մինակը...

— Միասին.

— Որո՞ւ հետ.

— Արքային հետ, շարունակեց ծերուկը, գիշերով ձկնորսի նաւակ մը նետուեցան ու ինքզինքնին նետեցին...

— Ո՛ւր...

— Կիպրո՞ս, Կիպրո՞ս, Հայոց Տի՛կին, պատասխանեց ծերուկը, վրէժինդիր զայրոյթի շարժուածեւով մը, թողուցին հեռացան:

Ու հեծկտաց:

Երկու խոշոր կաթիլներ երեւցան բերդի մարդուն ոսկրուս այտերուն վրայ:

— Յետոյ բան մը չիմացա՞ր, հարցուց թագուհին հետաքրքիր շեշտով մը, թագաւորին ու Կոսեկոսի բերդին միջեւ հաղորդակցութիւնը դադարած էր միթէ:

— Ընդհակառակը, յարեց պահապանը ժպտուն ու խաղաղ դէմքով մը, գրեթէ ամէն օր լուր կ'առնէինք:

— Պատմէ՛ ուրեմն, պատմէ՛, սիրելի՛ ծերուկ, փաղաքից թագուհին:

— Կ'աղաչե՛մ, կը պաղատի՛մ, Սեծափառ Տիկին, ըսաւ պահապանը յանկարծ այլափոխուած ու լուրջ դէմքով մը, Դուք Ազգի մը թագուհին էք, մայրը. պէտք է պահէք ձեր պաղարիւնը, պէտք է արհամարհէք ո՛ր ու է դժբաղդութիւն, եթէ պատահած ալ ըլլայ:

— Ի՞նչ ըսել կ'ուզես, ծերո՛ւկ, գոչեց թագուհին զայրագին, ի՞նչ, ի՞նչ, դժբաղդութիւն մը

պատահած է, շուտ ըսէ՛, պատմէ՛, մի՛ պահեր ինէ ծերո՛ւկ.

— Հայո՛ց Տիկին, յարեց դողդոջալով ծերունին, դժբաղդութիւն մըն է, այո՛, պատահած է, բայց...

— Ի՞նչ, ընդմիջեց թագուհին.

— Ո՛չ անդարձանելի, շարունակեց գուժկանը, պատճառը մահ մը չէ՛, Արքան ո՛ղջ է, բայց,

— Բա՞յց...

— Ներեցէ՛ք, Տիկին, ինչո՞ւ այդպէս կը արժագունիք, ինչո՞ւ կը դողաք:

— Պատմէ՛, ծերո՛ւկ, հրամայեց թագուհին յուզուած դէմքով մը, պատմէ՛, ի՞նչ եղաւ, ի՞նչ պատահեցաւ թագաւորին:

— Արքան, Հայո՛ց Տիկին, շարունակեց ծերուկը, այս պահուս... բան... տար... կը... ւած է...:

— Բանտարկուած, բացազանչեց թագուհին խելայեղօրէն, ինքզինքը վար նետելով գահէն, ի՞նչ կ'ըսես ծերուկ, բանտարկուած է, ո՛ւր, ի՞նչպէս, ինչո՞ւ, ե՞րբ, որո՞ւ կողմէ...:

Բերդին պահապանը կը զիտէր Մարուն Դըշխոյին գաղարունները, և զո՛ւր կը ջանար թեթեւցընել հարուածը, զոր ահամայ տուած կ'ըլլար հէք կնոջ, առանց այլեւայլի ու վերապահումի յայտնելով արտուր իրողութիւնը, Արքային բանտարկուած թիւնը: Խղճի խայթ մը կը զգար քանի՛ կը տեսներ իր խօսակցին անցուցած նոպաները, ուստի մեղմացնելով իր ձայնը, և քիչ մըն ալ զուարթութիւն կեզմելով:

— Հայոց Տիկին, ըսաւ ժպտելով, ինչո՞ւ այսպէս կը վրդովիք, առանց պատմութեանս վերջը լսելու: Ինչո՞ւ չէք թողուր որ աւարտեմ, հաւատացէ՛ք, քիչ մըն ալ համբերեցէ՛ք: Ընցէ՛ք առանց ընդմիջումներու մտիկ ըրէ՛ք, ի վերջոյ պիտի ուրախանաք, շատ պիտի ուրախանաք, Արքան ո՞ղջ է, թէեւ ատեն մը բանտարկուած մնաց, բայց յետոյ...:

— Նախ պատմէ՛, ծերո՞ւկ, վերստին ընդմիջեց թագուհին, տենդոտ ու անձկուտ շարժուծեւով մը, ըսէ ինծի նախ, ինչո՞ւ բանտարկեցին, ո՞ւր բանտարկեցին:

— Տիկին, յարեց ծերուկը, ճիշտ այդ պարագաները պիտի պատմեմ, ուստի ուշի ուշով մտիկ ըրէ՛ք:

— Լա՛ւ, լա՛ւ, շուտ պատմէ՛, կրկնեց թագուհին հրամայական, քիչ մըն ալ սպառնական շեշտով մը:

— Ես շատ հակիրճ պիտի պատմեմ, շարունակեց ծերուկ պահուպանը, հարեւանցի կերպով պիտի յիշեմ ձեզի արդէն ծանօթ դէպքերը, օրինակի համար, Սիսէն, թէ Ս. Կաթողիկոսին և թէ՛ իշխաններուն կողմէն Կիպրոս զրկուած գաղտնի պատգամաւորութիւնը, Կիպրոսի Պետրոս թագաւորէն խնդրելու համար որ արտօնէ մեր Լեւոն Արքային վերադառնալու իր գահը, չպիտի յիշեմ ու չպիտի պատմեմ երկրորդ պատգամաւորութեան գործերը, թէ ինչպէս դարձեալ մերինները դիմեցին Կիպրոսի Պետրոս թագաւորին և թէ այս վերջինը մերծեց Հայոց առաջարկը, առարկելով թէ՛

ինք պէտք ունէր Լեւոն Ե.ի ներկայութեան ու գործոն ճակցութեան, այն օրերը պատերազմի բռնուած ըլլալով ձենովացիներուն հետ, նոյնպէս զանց պիտի ընեմ յեղեղու Լեւոն Ե.ի պարագան:

— Ո՞ր պարագան, ընդմիջեց թագուհին, ես գիտե՞մ այդ պարագան:

— Անտարակո՛յս, Հայոց Տիկին, պատասխանեց ծերուկը համոզուած շեշտով մը, կարելի՞ է որ չգիտնաք այսքան կարեւոր պարագայ մը:

— Ո՞րը, ո՞ր պարագան, դարձեալ հարցուց թագուհին:

— Գուք, Հայոց Տիկին, թագապահ չը կարողը եցա՞ք:(1)

— Այո՛, յետո՞յ...:

— Ձեզի հետ ինամակալ և կառավարիչ նշանակուած չէի՞ն, շարունակեց ծերուկը, Ֆիմի Կոմսուհին Արքային հորեղբօրը Պիմոնդի՝ անհարազատ որդին Բարթողիմէն ու Պ. Թորոսի որդին Պ. Վասիլը...:

— Այո՛, այո՛, կրկնեց թագուհին, այդ խընդիրը նոր չէ սակայն, ծերո՞ւկ, դուք նոր բաներ պիտի պատմէիք, մոռցնե՛լ կ'ուզես Արքային բանտարկութիւնը:

— Հո՞ղ պիտի դամ, ճի՛շտ այդ կէտին պիտի յանդիմ, պատասխանեց ծերուկը, կը յիշէք անշուշտ, Մեծ Տիկին, Կիպրոսի թագաւորը քովը պահեց մեր Արքան, և...:

(1) « Եւ միաբան հանութեամբ թագապահ կարգեցաւ Մարիամ, մինչեւ հասեալ գայցե Լեւոն բնիկ տեղն իւրեանց: » (Տարգիլ)

— Ինչպէս յիշեմ, ինչպէս, կրկնեց թագուհին կշտամբոս շեշտով, ես կրնայի՞ գիտնալ թէ վերեւ յիշած անուանումներդ Արքային կողմէն եղած ըլլային, ես մինչեւ ցարդ կը կարծէի թէ Ս. Կաթողիկոսի ու իշխաններուն կողմէն եղած կարգադրութիւն մըն էր, ինչպէս՝ խմս, ես թագապահ կարգուեցայ իրենց կամքով ու հաճութեամբ մինչեւ որ երկրին բնիկ տէրը վերադառնայ:

— Թող այնպէս ըլլայ, յարեց ծերուկը, բայց ես կը կարծէի թէ դուք պետք է սեղեակ ըլլայիք ինչպէս որ սեղեակ են Ֆիմի կոմսուհին և միւսները:

— Շարունակէ՛ ծերուկ, հրամանեց թագուհին:

— Հայոց տիկին, շարունակեց ծերուկը, կը յիշէ՞ք Կիպրոս գացած երկրորդ պատգամաւորութիւնը, գիտէ՞ք ինչ վտանգաւոր եղաւ այդ ճամբորդութիւնը, Կոստիկոսի բերդը մնացին մէկ երկու օր, երբ կը վերադառնային, թուրքի տարազով էին, անձանաչ ըլլալու աստիճան ծագուած, արդէն ճամբաները գոցուած էին ու բոլոր երկիրը պաշարուած՝ Պայտեմուրի զօրքերէն, չէ՛:

— Կը յիշե՛մ, կը յիշե՛մ, կրկնեց թագուհին, խորասուզուած, խօսկուն, երազուն, այո՛, լաւ կը յիշեմ, բարի՛ ծեր, ուրեմն Լեւոն թագաւորին քովէն կը վերադառնային անոնք. հիմա՛ հասկցայ գաղտնիքը:

— Գաղտնիք մը չէր, Տիկին մեր բերդին բոլոր մարդիկը գիտեն ասիկայ, կ'երեւայ թէ Ձենէ գաղտնի պահուած է...:

— Ծերուկ գոչեց թագուհին սպառնալից դէմքով մը, դուն դարձեալ կը մոռցնես, ո՛ր մնաց բանաբարկութիւնը չը պատմե՛ս:

— Հո՛ղ հասայ, Հայոց Տիկին, յարեց ծերուկը, պատմե՛մ, պատմե՛մ որ հանդարտի ձեր միտքը:

— Այդ կէտը պատմէ՛, այդ կէտը, շեշտեց թագուհին:

— Արքան, շարունակեց Կոստիկոսի ծերուկ պահպանը, Կիպրոսի Պետրոս թագաւորէն արտօնութիւն ստացած էր վերջապէս վերադառնալու Կիլիկիա, և կը պատրաստուէր մեկնիլ, երբ յանկարծ ինքզինքը...:

— Է՛, յետո՛յ...:

— Պաշարուած դտաւ...:

— Որմէ՞, որոնցմէ՞, հարցուց թագուհին դարեալ ընդմիջելով:

— Ճենովացիներէն, շարունակեց ծերուկը, որոնք բռնեցին, ձերբակալեցին մեր Արքան, իբրեւ...:

— Ի՞նչ,...

— Մարդասպան, պատասխանեց ծերուկը:

— Ինչպէս, որո՞ւ մարդասպանը, հարցուց թագուհին տենդագին:

— Ներեցէ՛ք, Տիկին, մտիկ ըրէ՛ք ու թողէ՛ք որ կարգով պատմեմ:

— Պատմէ՛, պատմէ՛...:

— Ձերբակալեցին Արքան, շարունակից ծերուկը, ինչպէս որ կը պատմէին Կիպրոսին Կոստիկոս եկած սկանաւոր վկաներ, և առաջնորդեցին

ուղղակի Ֆամակուսդայի դղեակը, ուր բանտարկեցին զանի:

— Բայց ինչո՞ւ, իրրեւ ի՞նչ:

— Իրրեւ մարդասպան, շարունակեց ծերուկը, ձէնովացիները, որոնք Կիպրոսցիներուն վերայ լարձակած էին, բանտարկեցին:

— Բայց ինչո՞ւ...

— Մեր Լեւոն Արքան, յարեց պահապանը, կ'ամբաստանէին իրրեւ արքայասպան...

— Աստուած իմ, Աստուած իմ, բացազանչեց թագուհին լալաղին ու ծունկերը ծեծելով յուսահատորէն, այս ի՞նչ ա՛նուի. այս ի՞նչ զարհուրելի ու քսամենի յայտնութիւն է, Արքան արքայասպան, ո՞ր արքային, ըսէ՛, ծերո՞ւկ, ո՞ր արքային արիւնը մտած է արդեօք:

— Հայոց Տիկի՛ն, կ'աղաչեմ, կը պաղատէր ծերուկը, այսքան յուզուելու պատճառ մը չկա՛յ: ձէնովացիները, ինչպէս յիշեցի քիչ առաջ, Կիպրոս արչաւած էին, Պետրոս Ա. թագաւորին վրէժը լուծելու համար, որովհետեւ անիկա քանի մը վատ դաւադիրներու զո՛հ եղած էր անցած տարւան (1373) Հոկտեմբերի 13ին, և այս սպաննութեան գործին մասնակից կասկածուած էր մեր Լեւոն Արքան...

— Ուրկէ՞ ուր, ընդմիջեց թագուհին, Կիպրոսի թագաւորին սպաննութեան մէջ ի՞նչպէս կըլլայ որ մեղսակից կը համարուի, այդ մասին ի՞նչ իմացար, մի՛ ծածկեր, շիտակը պատմէ:

— Հայոց Տիկի՛ն, պատասխանեց ծերուկը, ասան մը Ֆամակուսդայի դղեակը բանտարգել մը-

նալէ յետոյ, դատարան կը հանուի, դատավարութիւնը տեղի կ'ունենայ և ի վերջոյ կը հաստատուի մեր Արքային անմեղութիւնը, բայց...

— Ի՞նչ, ընդմիջեց թագուհին, երբ անմեղութիւնը կը հաստատուի:

— Սպասեցէ՛ք, Տիկի՛ն, կ'աղաչեմ, պիտի պատմեմ, դիտել տուաւ ծերունին, անմեղութիւնը հաստատուելէ անմիջապէս յետոյ կ'արձակուի բանտէն, բայց ի՞նչ ոգուտ...

— Ի՞նչպէս:

— Թէեւ կ'արձակուի բանտէն, շարունակեց պահապանը, բայց ընչաքաղց ձէնովացիները, լրրտեսներու միջոցաւ իմացած ըլլալով թէ մեր Արքան Նիկոսիոյ մէջ քանի մը կալուածներ ունէր, Լուսինեան տունէն իրեն ինկած ժառանգութենէն, նոյնպէս թանկարժէք կարասիներ...

— Է՛, յետո՛յ, հարցուց թագուհին:

— Կիպրոսի հետ կնքուած ձէնովա-Կիպրական դաշնագրին մէջ, շարունակեց ծերուկը, պատերազմական սուզանք մը կը նշանակեն, որուն մէկ մասը վճարելու կը պարտաւորեն մեր Արքան, իրրեւ փրկանք:

— Ի՞նչ կը վճարէ, հարցուց թագուհին:

— Ի՞նչ պիտի վճարէր, յարեց ծերունին, ինչպէս ըսի, Նիկոսիոյ մէջի կալուածներն ու աւոր կահկարասիները, ամէնքը աճուրդի կը հանէ, և այդ կերպով կը յաջողի վճարել պատերազմական տուգանքէն իրեն ինկած բաժինը, Յճ հազար Կիպրական բիզանդ(1):

(1) Կիպրական արծաթ դրամ մը, որ կ'արժէ 4,80 Գրան:

— Բանաէն արձակուելէն յետո՛յ, հարցուց թագուհին, անդոտ անհամբերութեամբ մը, ըստ պատելով պահապանին յայտնութիւններուն վախճանին :

— Հայոց Տիկի՛ն, պտտասխանեց ծերուկը, լուրջ գէմքով մը, հիմա պիտի խնդրեմ որ աւելի ուշադրութիւն դարձնէք պատմելիքներուս, որովհետեւ շատ կարեւոր են, և մտնուանդ ձեզի համար չափազանց շահագրգիռ... :

Մարուն թագուհին աւելի ամփոփեց ինքզինք և, առանց զգալի ընելու իր ներքին հոգեկան տագնապը սկսաւ անտարբերութիւն կեղծել, պահապանէն կարենալ կորզելու համար ամէն գաղտնիք :

— Դարձեալ կը կրկնեմ, շարունակեց պահապանը, Հայոց Տիկի՛ն, խօսք տուէ՛ք ինձի, բընաւ չը յուզուելու, ո՛չ արամուծենէ, ո՛չ ալ ուրախութենէ... :

— Ի՞նչ ըսել կ'ուզես, ծերուկ, բարկացաւ և կշտամբեց թագուհին, ինչո՞ւ այդ յառաջարանը, պատմէ՛ նայինք, ի՞նչ նոր գաղտնիք է :

— Գողտնիք մը չէ՛, Տիկի՛ն, ըսաւ պահապանը ժպտելով, ու խորհրդաւոր նայուածք մը շեշտելով Մարուն Դշխային, որ նոյն պահուն անբացատրելի հոգեկան խռովանքի մը մէջ կը գըտնուէր, այսօր աշխարհ արարատ իմացած է :

— Ի՞նչը, ի՞նչ իմացած է, հարցուց թագուհին :

— Օրուան մեծ դէպքը, պտտասխանեց ծերուկը միշտ ժպտուն ու զուարթ, չէ՛ք գիտեր :

Հայոց Տիկի՛ն. գոնէ դուք պէտք էր որ գիտնայիք :

— Պատմէ՛, լմնց՛ւր, դիտել տուաւ թագուհին :

— Արքան այս պահուս կը գտնուի... :

— Ո՛ւր, ո՛ւր, ընդմիջեց Դշխոն անձկոտ շարժուձեւով մը, ըսէ՛ ինձի, բարի ծէր, ո՛ւր կը գըտնուի այս պահուս :

— Այս պահուս, շարունակեց ծերունին, մեր Արքան կը գտնուի Կոռիկոսի բերդը... :

— Կոռիկոսի բերդը, Կոռիկոսի բերդը, բացառանչեց թագուհին զուարթ ու խանթակաթ, բայց ի՞նչպէս կրցաւ հեռանալ Կիպրոսէն, որմէ՛ ձեռք բերաւ այդ արտօնութիւնը :

— Ճէնովացիներու ծովակալէն, պտտասխանեծ ծերունին. խնդրած էր որ Մայր-Թագուհին ալ միասին ըլլալով, գայ մեր բերդը ձմեռէ, և ծովակալը տուած էր այդ արտօնութիւնը :

— Ե՛րբ հասաւ Կոռիկոս, հարցուց թագուհին հետաքրքիր շարժուձեւով մը :

— Դեռ հազիւ երկու ամիս կայ, պտտասխանեց պահապանը, Ապրիլ երկուքին հասաւ Կոռիկոսի բերդը :

— Մինչեւ հիմայ ինչո՞ւ համար լուրը մէջտեղ չելաւ :

— Ինք՝ Արքան պտտուիրած էր բացարձակապէս գաղտնի պահել իր մուտքը մեր բերդին մէջ ըսաւ ծերուկը :

— Ինչո՞ւ... :

— Որովհետեւ, շարունակեց ծերունի պահա-

պանը, մեր բերդին հրամանատարը դաշնակից է Ե-  
գիպտոսի Սուլթանին, և...

— Դաշնակից ըլլա՞նք...

— Ամսական կարեւոր գումար մը կը ստանայ  
Սուլթանէն, իբր նուէր, որուն հաւատարիմ գոր-  
ծակալը, լրտեսը կը համարուի. բերդին մէջ ա-  
մենօրեայ խօսակցութեան նիւթը կը կազմէ այս  
պարագան:

— Ո՞ր պարագան.

— Մտերմական գաղտնի յարաբերութիւնները:

— Որո՞նց.

— Մեր հրամանատարին ու Եգիպտոսի Սուլ-  
թանին միջեւ, պատասխանեց պահապանը:

— Պարզ խօսէ՛ ձերո՛ւկ, կշտամբեց թագու-  
հին, կը տեսնեմ թէ բաներ մը կ'ուզես հասկցնել.  
բայց շատ մութ ու քողարկուած խօսքեր կ'ընես:

— Ես պարզ կը խօսիմ, Հայո՛ց Տիկին, բո-  
ղոքեց պահապանը, մեր բերդին հրամանատարը,  
վտանգաւոր լրտես մըն է ըսի, լրտես մը, և մեր  
Արքան այդ բանը լաւ գիտէ:

— Վերջապէ՛ս, ընդհատեց թագուհին անհամ-  
բեր շարժումով մը, հիմա ու՛ր է. ի՞նչպէս է Ար-  
քան, ձերո՛ւկ:

— Քիչ առաջ ըսի կարծեմ, Տիկի՛ն, հիմա  
Կոռիկոս է, շատ հանգիստ է. կը խորհի մօտ օրէն  
վերադառնալ Ձեր... գիւղը:

Մարուն Դշխոյին հոգին կը խայտար, ձերուկ  
պահապանը ա՛յնքան անկեղծ էր ու միամիտ էին  
իր ըրած յայտարարութիւնները, որ ո՛ր և է կաս-  
կած չէին ներշնչեր իրեն, ա՛յ պարզուած էր զաղա-

նիքը պարզուած էր, անյայտացած թագաւորը Կո-  
ռիկոսի բերդը կը գտնուէր ու մէկ քանի օրէն  
թերեւս պիտի միանար իրեն: Ա՛խ, կը խորհէր  
ինքնիրեն հէք թագուհին, հոտաչելով մերթ ընդ  
մերթ, ան ի՛նչ երջանիկ վայրկեան պիտի ըլլայ,  
ինչ մեծ, ի՛նչ անպատում բերկրութիւն պիտի բե-  
քէ երկրին ընդի տէրը՝ Վեհօգին Լեւոն, ինչե՛ր,  
ինչե՛ր պիտի պատմէր իր երկար պանդխտութեան  
արկածալից կեանքէն...:

— Բարի՛ ձերուկ, ըսաւ քնքոյշ ու գորովալի  
ձայնով մը, դուն երկնառաք հրեշտակի մը՝ պաշ-  
տօնը կատարեցիր, գիտե՛ս. դո՛ւն, բարի՛ մարդ,  
բարի լուրեր բերիր մեզի, սուգի մէջ ընկղմած  
պալատիս վրայ յուսատու ճառագայթ մը ծագեցաւ  
հիմա, օրհնեա՛լ ըլլատ ուրեմն ո՛վ պատուական ծե-  
րունի...:

Կոռիկոսի բերդին ձեր պահապանը բաւ մը  
չարտասանեց, ո՛չ իսկ շնորհակալութեան բառ մը,  
միայն, մինչեւ գեաին խոնարհելով, Մարուն Դըշ-  
խոյին ազդարար ակնարկին վրայ դուրս ելաւ:

Թագուհին պարգեւներով լեցուց հաւատարիմ  
պահապանը, որուն յանձնեց նաեւ նամակ մը, Լե-  
ւոն Ե.ի ուղղեալ:

Նոյն օրը Տարսոնէն մեկնեցաւ բերդին պա-  
հապանը:



ԺԱ.

Ե Ր Կ Ո Ւ Ս Ո Ւ Ր Ի Մ Է Չ

Կոսիկոսի ծերուկ պահապանը մեկնած էր արդէն Մարուն Գլխոյի ինքնագիր նամակը՝ տանելու Լեւոն Ե. Լուսինեանի, որ, ինչպէս յայտնի եղաւ յիշեալ պահապանին տեղեկատուութենէն, Կիպրոսէն յաջողած էր մեկնիլ և ապաստանիլ Կոսիկոսի բերդը:

Թագուհին, շտա գիւրհասկանալի անձուկով մը կը սպասէր իր վաղուց անյայտացած փրօջ վերադարձին, երբ յանկարծ. գուժարեր սուրհանդակներ կը հասնին Տարսոն և կ'ազդարարեն Պայդէմուրի հրոսակներուն կողմէն Տարսոնի պաշարումը:

— Ո՛վ էր Պայդէմուր:

Մահմետական յանդուգն զօրավար մըն էր անի, որ նախապէս, տարիներով պաշարած էր Սիսի մայրաքաղաքը, խալիֆային հրամանով, ու հիմա, Սիսի պաշարումը վերցուցած կուգար Տարսոնը գրաւելու և առեւանգելու Մարուն թագուհին, այս կերպով վճռական ու մահացու հարուած մը տալու համար Կիլիկիան վերջին Հարսուութեան:

— Կիլիկիոյ վերջին օրերը, կը մրմնջէին ամենուրեք ու կը պատրաստուէին ակոնատէս ըլլալու նորանոր աղէտներու և բարբարոսութեանց, որոնք վիճակուած էին այդ գեղեցիկ երկրի տարբախտ բնակիչներուն:

Մարուն թագուհին, որ անձկանօք կը պատրաստուէր ողջագուրելու վերադարձող թագաւորը, սուրհանդակներուն այս անսպասելի լուրերուն վրայ, կը շուարի կ'աճապարէ փախչիլ, Պայդէմուրի վայրագ զօրքերուն ձեռքը չիյնալու համար:

Մէկ քանի ժամուան մէջ կը պարպուի արքունիքը, յոյսը կարասիները կը փոխադրուին Ատանա և հոնկէ Սիս, ուր բնակչութիւնը հոգեմտաբար ազանով կը նկատուէր, թշնամի բանակը հետացած ըլլալով այդ սահմաններէն:

Երբ Տարսոնի բնակչութիւնը գրեթէ ամբողջովին կը հեռանայ, ամայի թողլով բնակարաններն ու շուկաները, երբ կեանքի շարժումը կը գազրի այդ երբեմնի ծաղկաւէտ ու բարգաւաճ մայրաքաղաքին մէջ, երբ ամէն մարդ ինքզինքը մահուան վերահաս վաանդէն փրկելու անխուսափելի հարկին տակ կը գտնէ ու փախուստի ճամբան կը բռնէ, հալածական, յուսահատ, երբ, վերջնապէս, թշնամին գունդերուն ազդած աճ ու տարտիք կը տարածուի շուրջանակի, երկիրը կը մասնուի ողբալի անիշխանութեան մը, որուն անմիջական հետեւանքը կ'ըլլայ թալան, կողոպուտ, արիւնտա ոճիրներ, մարդասպանութիւններ, մասնակի թէ հաւաքական, այնպէս որ Պայդէմուրի զօրքերուն առջև ճամբան հարթուած կը համարուի:

Եւ Պայդէմուր իր յաղթական մուտքը կ'ընէ Տարսոնի մէջ:

Համատարած ամայութիւն ու մեռելային լըսութիւն...:

Անմիջապէս կը տիրէ մայրաքաղաքին, մնացեալ բնակչութիւնը, ճերերէ, մանուկներէ անտէրունջ որբերէ, ախտաւորներէ, անդամաւրջմաներէ բազկացած, անխափր սուրէ կ'անցնէ, իր հարէմին վերապահելով միայն գեղանի կոյտերու և կիներու քանի մը տասնեակներ:

Իսկ Մարուն թագուհին բարերախաարար ճիշդ ժամանակին ազդարարուած, գիշեր ու ցորեկ անդուլ անդադար ճամբորդութիւն մը կատարելով, կը յաջողի վերջապէս առնել իր շունչը Սոսյ մայրաքաղաքին մէջ, ուր, ինչպէս ըսինք, համեմատաբար քիչ մը հանդարտ ու ապահով էր կայսութիւնը:

Ասդին, Կոսիկոսի բերդին մէջ, զարհուրելի ոճիրներու նախապատրաստութիւն մը կը նշմարէր. Հայոց վերջին թագաւորին՝ Լեւոն Ե. ի ղէմ ստոր դաւաղրութիւն մը կը սարքուէր:

Որո՞նց կողմէն սակայն:

Տարաբախտ Կիլիկիոյ ազգային թշնամիները մէկէ աւելի էին, թէ՛ բնիկ և թէ՛ օտար չրջանակներու մէջ, սակայն ասոնց մէջէն ամէնէն զարհուրելին ու վտանգաւորը կը համարուէր Կոսիկոսի բերդին հրամանատարը որ, ինչպէս յիշեցինք, Եգիպտոսի Սուլթանէն զրամական կարեւոր նուէրներ կը ստանար:

Այս մարդակերպը, շահամուլութենէն մղուած և մանաւանդ Լեւոն Ե. ի ղէմ բնածին առիւթիւն մը անուցանելով, անխղճութիւնը կ'ունենայ ստապափր յերկրանքներով մասնել Լեւոնը Տարսնի նոր քաղաքապետին, զգուշացնելով այս վերջինը

յեղակարծ յարձակումէ մը՝ Հայոց թագաւորին զօրքերուն կողմէն:

Սասյգ է թէ՛ Լեւոն Ե. ունէր այդպիսի զիտաւորութիւն մը, Տարսնը վերափին ձեռք ձգելու ծրագիր մը կը մշակէր այդ միջոցին Կոսիկոսի բերդին մէջ, ու այդ ծրագիրը զլուսի հանելու համար իր միակ յոյսը զրած էր Եւրոպայի ու մասնաւորապէս Կիպրոսի վրայ, որոնք պիտի կրնային օգնութիւններ զրկել իրեն, Կիւզնոսի վրայով, այն հռչակաւոր, գեափն ուր խեղդուած էր Շիկամօրուս Թրէտէրիքը...

Կոսիկոսի հրամանատարին մասնութիւնը կանգ չէր առնիր հոս: Տարսնի քաղաքապետը զրգուէլէ ետք, իր թունաւոր գանակը սրեց ու փորձեց մինկ զայն Լեւոնի սիրար... — Թէ Կիպրոսի թագաւորը և թէ՛ ձենովացիները զազանի տեղեկագրերով զայրացուց ու հանեց Հայոց հալածական արքային ղէմ, զանի ամբաստանելով իրրեւ դաւաճան և ապերախտ: Այդ ճիւղը զրած էր անոնց թէ՛ Լեւոն Ե. կը պտորաստուի յանկարծակի յորձակում գործել Կիպրոսի վրայ, արքայական թագը խլելու համար, իրրեւ Լուսինեան հարազատ ժառանգ Կիպրոսի թագաւորութեան և յետոյ ձենովացիներուն ղէմ Միջերկրականի առեւտուրը փակելու գիտաւորութիւն մըն ալ կը վերագրէր Լեւոն Ե. ի, այնպէս որ այս վերջինը կը մընոր երկու սուրի միջև:

Այս՝ երկու սուրի միջև էր Լեւոն:

Ի՞նչ ընէր, ի՞նչ կրնար ընել

Կոսիկոսի բերդին աէրը, բացարձակ հրամա-

նատարը թշնամի էր իրեն, հետեւաբար այլևս անկարելի էր, մտնաւանդ իրիտ վասնգաւոր էր հոն շարունակել իր բնակութիւնը:

Փախչէ՞ր...:

Սակայն ո՛ւր, ի՞նչպէս...:

Ահոելի վիճակ, երկու սուրի միջեւ կը տատանէր, հէ՞ք թագաւորը:

Արդ, տո՛ւն վասնդ ծագրելով, կը յամաւէր մնալ Կոսիկոսի բերդին մէջ, սակայն, քիչ յետոյ, ձէնովացիները գաղտնի գործակալներ ու ստախկաններ կը զրկեն հոն, ապերախա՞ծ թագաւորը ձերբակալելով՝ դանի չղթայակապ Կիպրոս փոխադրելու պաշտօնով:

Ճի՛շդ շարաթ մըն էր որ՝ Կոսիկոսի բերդին ձերունի պահապանը Տարսոնէն վերադարձած ու Մարուն Դշխոյի ինքնագիր նամակը յանձնած էր Լեւոն Ե.ի, երբ յանկարծ լսուեցաւ ձէնովացի գործակալներուն ժամանումը:

Կէս գիշերուան խորունկ լուսթեան ու խազազութեան մէջ, մինչ բերդին բնակիչները կը քընանային ու հերթապահներուն աղմուկը մերթ ընդ մերթ կ'արձագանգէր, մեր ձերուկ պահապանը, բերդին գաղտնի ճամբաներուն մէջէն կ'անցնէր, գողի մը պէս, ու կը յաջողէր ներս մտնել գոնակէ մը որ կ'անաջնորդէր ուղղակի Լեւոն Ե.ի ննջասենեակը:

Հայոց թագաւորին քունը նոյն գիշերը փախած էր արդէն ու անոր միտքը կը տանջուէր սե նախագգացումներէ: Մինչեւ կէս գիշեր, Սոհիէր մարաջախարը ու կինը՝ Փիմի կոմսուհին և ուրիշ

հաւատարիմ զինակիցներ, անոր սենեակը հաւաքուած, Կիլիկիա վերադառնալու մասին յարնչակցութիւններ կատարած էին:

Լեւոն հազիւ թէ աչքերը գոցած ու քունը տարած էր, երբ իր ննջարանի դուռին սեմէն ձայներ լսելով՝ ընդատ կ'արթննայ:

— Ո՞վ է ան, կը հարցնէ խուճապով մը, գիշերուան այս առաջացած պահուն, կասկածելով թէ՞ մի գուցէ դաւադրութեան մը հանդէպ կը գտնուէր:

— Ե՛ս եմ, ե՛ս, տէ՛ր արքայ, մրմնջեց դողոջուն ձայն մը, որ շատ ծանօթ էր իրեն:

— Դո՞ւն ես Մլ՛ի՛հ, յարեց Լեւոն:

— Նոյնի՛նքն, այ՛ո՛, բերդիս պահապանը, ձեր հաւատարիմ, անձնուէր ծառան, պատասխանեց ձերուկը:

Թագաւորը դուռը բացաւ անձամբ և ներս առնելով հաւատարիմ պահապանը:

— Ի՞նչ կայ, ձերո՛ւկ, այս տտեն, հարցուց զարմանքով:

— Բան չը կա՛յ, Տէ՛ր Արքայ, բան չը կա՛յ, հիմա պիտի պատմեմ:

Ու թագաւորին հրամանին վրայ, ծնրաղիբ նստաւ անոր առջեւ:

— Տէ՛ր Արքայ, ըսաւ մտահոգ դէմքով մը, գգուշաւոր ակնարկ մը պտըացնելով իր շուրջը, ժամանակը շատ ուշ է, դեռ չը լուսցած, արշայոյսէն առաջ, պէտք է թողուս այս մահաբոյր բերդերնիս...:

Լեւոն ցնցուեցաւ:

— Տէ՛ր Արքայ, շարունակեց ձերուկը նոյն թօնով, վառնդը կարծուածէն շա՛տ աւելի մեծ է, մէ՛կ վայրկեան յապաղումէ՛ տնդարմանելի աղէտներ կը ծաղին, գիտցած ըլլաք:

— Բայց ի՞նչ կայ, հարցուց վերջապէս թագաւորը, տակաւ հետաքրքրուելով ձերուկ պահապանին յայանութիւններէն, պատմէ՛ նայինք, ի՞նչ է պատահեր:

— Տէ՛ր Արքայ, շարունակեց Մլե՛հ, ես վաղուց կը գուշակէի, մեր բերդի հրամանատարին ընթացքը կասկածելի կը գտնելի, կը զգայի, հոտառութեամբ թէ քնազողով, չեմ գիտեր, կը զգայի թէ այդ հրէջը դաւեր կը նիւթէր ձեզի դէմ, ձեր կեանքին դէմ, ահա՛ զժբազդաբար իրականացան կասկածներս...:

— Ի՞նչպէս...

— Կիպրոսէն լրտեսներ հասան, շարունակեց ձերուկը, ստքէ մինչեւ գլուխ զինուած, իրարու հետ խօսակցութեան բռնուած էին. լսեցի... և,

— Ի՞նչ լսեցիր...

— Կ'ըսէին թէ, մասնաւորապէս զրկուած էին ձեզ ձերբակալելու, և

— Ինչո՞ւ, հարցուց Լեւոն տենդոս շարժուածով մը, ինչո՞ւ պիտի ձերբակալեն զիս, չը հասկըցա՞ր:

— Տէ՛ր Արքայ, շարունակեց հաւատարիմ ձերունին, իբր թէ դուք մպստամբութիւն մը կազմակերպելու համար է որ Կիլիկիայ պիտի վերագառնաք...

— Բայց որ՞ւ դէմ, ընդհատեց Լեւոն, բան մը չիմացա՞ր այդ մասին.

— Այո՛ Տէր Արքայ, իմացայ, պատասխանեց անձնուէր պահապանը, իբր թէ Կիլիկիայէն զէպի Կիպրոս արշաւանքի մը պիտի ձեռնարկէք. և

— Ո՞վ է թելադրեր այդ յիմար գողափարը, հարցուց թագաւորը:

— Մեր բերդին հրամանատարը, Տէ՛ր Արքայ, դուք չէ՞ք գիտէր ինչ վատ արարած մըն է...

Լեւոն սկսաւ մտմտալ, պահապանին յայանութիւնները շատ լուրջ էին, և յետոյ, կը խորհէր թէ՛ նոյն գիշերը պէտք է անմիջապէս փախչէր, ձէնովացի գաղանի գործակալներուն ձեռքը չմատնուելու համար. բայց ի՞նչպէս պիտի յաճողէր, ինք մինակը չէր, իրեն հետ ընտանիք մըն ալ ունէր, մայրը, փեսան, ազջիկը, և ասոնց մատողջ զաւակները... զժուար գրութեան մը մէջ կը զըտնուէր:

— Մլե՛հ, ըսաւ յանկարծ, դուն հիմա վըտամհ ես, կրնա՞ս զիս համոզել թէ այդ մարդիկը յատկապէս հոս եկած են զիս ձերբակալելու համար...

— Ի՞նչ կ'ըսէք, Տէ՛ր Արքայ, բողոքեց միամիտ ձերուկը, ես այս սարիքիս մէջ սո՛ւտ պիտի խօսիմ, ականջներովս լսեցի, ամեն պատրաստութիւն տեսած են, եթէ մինչեւ արշալոյս այս անիծեալ տեղէն չի փախչիք, պիտի ձերբակալեն ձեզ...



— Տէ՛ր Արքայ, ըսաւ յանկարծ ընդհատելով լուռթիւնը, քանի որ վճռած էք, զ'ն ուրեմն, ես կազմ ու պատրաստ եմ կեանքս զոհելու թագաւորին համար:

Լեւոն Ե. սթափեցաւ:

— Մըն, Մըն, ըսաւ հրամայական ձայնով մը, գնա՛ ուրեմն ազդարարէ՛ Մարտշախտին գիշերով պէտք է փախչինք:

— Ո՛ւր, Տէ՛ր Արքայ.

— Սարսի գետարերսո՛ւնը, պատասխանեց թաւաւորը:

Ու Կոսիկոսի բերդին պահապանը զուրս ելաւ Լեւոն Ե. ի սենեակէն:



ԺԲ.

Փ Ս. Խ Ս Տ Ս. Կ Ա. Ն Կ Ա. Ր Ա. Ի Ա. Ն Ը

Կոսիկոսի բերդին մէջ այն գիշեր՝ խորհրդաւոր շարժում մը կը նշմարուէր:

Յուլիսի մէջ էր. Կրիկիոյ ծովեզերքը մշուշապատ, տօթազին ցերեկուան մը շունչը, զով գիշերուան մէջ մրմնջող հովին հետ խառնուած, մեղմ, անոյշ ու գաղջ մթնոլորտ մը կը սանդղէր շուրջանակի:

Ծիրանի ծով մը կը ծփար անամպ երկնի մը կապուտակին տակ, ուր լուսին մը միակ պլպլուն, սպիտակ լոյսը՝ խաւարմած այդ անհուն ուկէանսին մէջ, փարօսի մը պէս կը սրսկէր իր արծաթի ճառագայթները:

Պահը խորհրդաւոր էր, լուռթեան ու խաղաղութեան վերջին պահը...

Յուլիսեան գիշերուան այս շքեզօրէն տըրտում տեսարանը կը պարզուէր Կոսիկոսի հսկայ բերդին աշտարակներուն ու ծովահայեաց պարիսպներուն վերեւ, որոնց ռաքը կուգային փշուռի, յաւիտենական խարակներու կողին Միջերկրականի կապոյտ ալիքները:

Այս պատմական բերդը որ ծովեզերքին երկայնքը կը բարձրանար, հոն չէր վերջանար: Անյիշատակ դարերէ ի վեր, յարախուով ծփանքներուն մէջ իրենց գլուխը դէպի վեր ցցած ահազին

ապառաժներու հատորներ կը ձեւացնէին կամուրջ մը, որուն ծայրը կը նստէր կղզեակ մը, կոռիկոսի ծովային բերդը, ուր ապաստանած Լեւոն Ն. թագաւորը, իր գիշերային փախուստի տենդոս պատրաստութիւնները կը տեսնէր :

Լուսնի խաղաղ ճառագայթներուն տակը նաւակներու ասորմեղ մը կը թիւփարէր արագօրէն, ուղղուելով դէպի մօտակայ ծովեզերքը, կոռիկոսի ցամաքէն հեռու :

Լեւոն Ն. ի փախստական կարուանը . . . :

Քանի մը տատնեակ զինեալ կորիճներէ բազկացած այդ խուճիկը կը հասնէր վերջապէս ամայի ծովեզերք մը, առանց հանդիպելու զինքը հետապնէող լրտեսներու և կը յաջողէր ցամաք ելլել :

Վերջին յուսանատակոսն փորձ մըն էր, հալածական արքայի մը կողմէն, որ երկար թափառումներէ վերջ, կ'երազէր վերստին ձեռք բերել իր կորսուած թագը :

Դէպի Տարենտոնի սահմանները պիտի արշաւէր, իր փոքրաթիւ բայց քաջակազմ ու խիզախ խուճիկին յանձնած՝ իր ու իրեններուն բազղը :

Սակայն, մ'եր, ո՛ր կ'երթար կարաւանը :

Տարսոն գրաւուած էր թշնամիներէն, որոնք մարախի պէս խուճած էին հոն ու մայրաքաղաքին երկսեռ բնակչութեան մեծ մասը օրէ անցուցած . . . :

Ո՛չ ոք մնացած էր հոն իր սիրելիներէն, Մարուն թագուհիէն սկսեալ, մինչև յետին պալատականը :

Թուրքմէններուն ու Գարամանի պէկերուն զօրագունդերը սարսափ սիւսած էին ամենուրեք :

Կիլիկիոյ շէն ու բաղձամարդ քաղաքները մոխրակոյտներու վերածուած, խեղկորոյս, հալածական ընտանիքներ խմբովին կը փախչէին թշնամի սուրին առջեւէն, առն տեղ թողած կը հեռանային իրենց բնակավայրէն : Գաղթականութեան ու պանդխտութեան ցուպը ձեռքերին, կորաքամակ ծերեր, թոռն իկներնուն հետ կ'երթային թագստոցներ փնտռելու, անտիկ լեռներու քարանձաւներուն ու թանձրախիտ անտառներուն խորերը :

Նւ աջնպէս երկիրը կը պարպուէր իր հարազատ դաւակներէն, որոնք կ'երթային հաստատուել Միջերկրականի կղզիներուն մէջ :

Հոռոս, Կրեաէ ու Կիպրոս կը հասնէին յաջորդարար հայկական Մարտիրոսութեան վերապրած բեկորները, որոնք վերջնականապէս կը հաստատուէին այդ օտար երկիրքին տակ :

Իսկ տարաբաղդ արքան իր մէկ երկու տասնեակ ռազմիկներով պիտի գար փրկել իր երկիրը, ստանց երբէք տեղեկացած ըլլալու հոն անցած դարձածներուն . . . :

Ամայի, անմարդոճայն, ապահով ճամբաներէ, փախստական կարուանը դէպի ներսերը կ'առաջանար անվտանգ, երբ յանկարծ ձորի մը մէջէն, խուլ հեծեմանքի մը ախուր արձագանգը լսուեցաւ :

Վայրկենապէս կանգ առաւ կարուանը :

Մայր-թագուհիին ու Ֆիմի կոմսուհիին, ինչպէս նաեւ ուրիշ դեռատի իշխանազուններ, ահ ու դո-

զի մասնուած, կը դժկամակէին, չէին համարձակեր առաջանալ նոյնիսկ մէկ քայլ:

Լեւոն Ե-ի աիրական ձայնը լսուեցաւ այս ընդհանուր լսուծապ տագնապին մէջ և կարուանը վերստին սկսաւ շարունակել իր ճամբան, մինչդեռ հեծեծանքի խուլ ձայնը կը մտննար և աւելի ուրջակի կը լսնուէր:

Սոհիէր Մարաջախտը, իր սեւ, ամեհի ձիուն վրայէն աջ ու ձախ հրամաններ կ'արձակէր կորաւանին, անվեհեր առաջանալու դէպի ձորին կողմը, ուրկէ, թանձրաստուեր մթու թեան մէջէն կը հասնէր ընդհատ հեծեծանքը:

Արշալոյսը դեռ հեռու էր ճերմկոյնէ Արեւելքի հորիզոնը, թէեւ լուսինը տակաւ կը ցածնար Արեւմուտքի բլուրներուն վրայ ու երկինքին մէջ, հոս ու հոն ցանցնուած աստղեր կը նշմարուէին:

Փախստական կարաւանը վերջապէս, կէս ժամու վայրէջ ընթացքէ մը վերջ, հասաւ խորհրդաւոր ձորին եզերքը, և հեծեծանքի խուլ արձագանքը լսուեցաւ այս անգամ աւելի յտապօրէն:

Հագիւ անցած էր քանի մը վայրկեան, երբ կարաւանը թաղաւորին ազգարարութեան վրայ, դադար առաւ:

Արդէն արեւելեան հորիզոնը կը սկսէր ճերմրկիլ, ամառնային գեղեցիկ արշալոյս մը կը խտտանար փարտակ կարաւանի մարդիկներուն գիշերային սոսկումները:

Կարաւանի զաղարին հետ դադարած է նաեւ անձանօթ ձայնը:

Մութը տակաւ կ'անյայտանար ու ձորին թուփերն ու քարերը կը տեսնուէին աղօտակի:

Արքայական վրանը լարուած էր արդէն և Լեւոն իր յոգնաբեկ ընամանքով չըջապատուած, կը պատրասուէր քիչ մը հանգիստ ընել, երբ վրանին առջեւ երեցաւ Սոհիէր Մարաջախտը, և զինուորական բարեւով մը ներս մտաւ:

— Տէ՛ր Արքայ, ըսաւ ժպտելով, երեւան ելաւ գաղանիքը:

— Ի՞նչպէս, ո՞ր գաղանիքը, հարցուց թագաւորը:

— Քիչ առաջ լսուած հեծեծանքին գաղանիքը, պատասխանեց Մարաջախտը:

Եւ սկսաւ պատմել եղկու թիւնը:

Մարուն թագուհին, Կոռիկոսի բերդին ծերուկ պահապանին մեկնումէն ետքը, մայրաքաղաքը ըստիպուած էր թողուլ ու փախչիլ, որովհետեւ, ինչպէս վերեւ յիշեցինք, թշնամի զօրագունդերէ պաշարուած, վայրկեանէ վայրկեան յարձակում կրելու վտանգի նենքեւ կը գտնուէր:

Ուստի, կանխաւ ազգարարուած, յաջողած էր անվտանգ փախչիլ դէպի Սիս, արքունիքի գանձերով ու մարդիկներով. սակայն, միեւնոյն ժամանակ, պահապանին պատմութենէն իմացած ըլլալով Լեւոն Ե-ի թաքստոցը, և վախնալով որ չըլլայ թէ աճապարէր անի Կոռիկոսի բերդէն ուղղակի Տարսոն գալ, ինչպէս որ ինք փափագ յայտնած էր այն նամակով, զոր զրկած էր ծերուկ պահապանին ձեռքով, անմիջապէս երկու սուրհանդակներ ճամբայ հանած էր զայն զիմաւորելու և

առաջնորդելու ապահով ճամբաներէ դէպի ո՛չ Տարսն — որ արդէն գրաւուած էր թշնամի զօրքերէն — այլ Սիւս, Լեւոնի մայրաքաղաքը, ուր, բարեբաղդաբար այն օրերը բաւական հանդարտութիւն կը տիրէր, պաշարուած վերցուած ըլլալով առժամայէս և ազատ երթեւեկը վերստին հաստատուած:

Արդ, Մարուն Դշխոյի այս երկու սուրհանդակներն էին որ հեռուէն, մութին մէջէն որոշելով արքայական կարաւանը, ձգած էին ծանօթ եղերական ձայնը, իրենց վրայ հրաւիրելու համար անոր ուշադրութիւնը:

Եւ իրաւունք ալ ունէին: Թագաւորին հրամանին վրայ, վրանէն ներս առաջնորդուեցան երկուքն ալ ու պատմեցին ամէն բան...:

Սուրհանդակները դուրս ելլելէ յետոյ, Լեւոն իր ներկայութեան կանչելով Սոհիէրը.

— Մարաջախ, ըսաւ, վայրկեանները սուղ են, պէտք է մեկնինք այս ձորէն, թշնամին շրջականները կը սպասէ դարանակալ:

— Հրամայեցէք, Տէր Արքայ, յարեց Մարաջախտը, կարաւանը թող շարժի:

— Անտարակոյս, շեշտեց թագաւորը: Եւ փախստական կարաւանը վերստին շարժեցան:

Արդէն ծովեզերքէն քերելով հասած էին հոն: Նոյն օրը մինչեւ իրիկուն, առանց կանգ առնելու, դէպի ներսը քալեցին, յետոյ, երբ գիշերը վրայ հասաւ, հազիւ երկու ժամ հանգիստ ըրին և դարձեալ շարունակեցին ճամբան, երկու սուրհանդակներուն առաջնորդութեամբ:

Ամբողջ կարաւանը, բացի ընտանիքներէն, կը բաղկանար քսանընէնգ զինակիրներէ, ընտրուած, հաւատարիմ ու քաջարի երիտասարդներ, որոնք իրենց անձը դրած էին իրենց սիրելի թագաւորին կեանքը փրկելու համար:

Երկու գիշեր, երկու ցերեկ շարունակ քալելով, կարաւանը հասած էր Սոսյ մերձակօսները:

Ու հիմա միայն երեք փարսախի անջրպետ մը կը զատէր Սիւսը Լեւոնէն, որուն սիրտը նոյն պահուն ուժղին կը բաբախէր...:

Արդեօք ի՞նչ բաղդ կը սպասէր իրեն. արդեօք իր մայրաքաղաքին ոտքը հասած գերի՞ պիտի բռնուէր իր արիւնին ծարաւի վայրագ թշնամիներէն, թէ պիտի յաջողէր վերջապէս անվտանգ ինքզինք նետել հոն, իր ցանկալի մայրաքաղաքին գիրկը, որմէ զրկուած էր այնքան երկար ժամանակէ ի վեր:

Իսկ քնիկ իշխանները, կը խորհէր Լեւոն, արդեօք ի՞նչ ընդունելութիւն պիտի ընէին իրեն, արդեօք ծուղակ մը լարած էին, արդեօք, արդեօք...:

Եւ կը խորասուզուէր երեւակայական կասկածներու և վախերու մէջ:

Սակայն երկու սուրհանդակները, որոնք հիմա կ'առաջնորդէին կարաւանը, շատ լաւատես էին այդ մասին: Եթէ Լեւոն հաւատ ընծայէր անոնց պատմամանրուն, Սիւսի բովանդակ բնակչութիւնը, իշխաններէն մինչեւ յետին ծառան, գրկաբաց պիտի ընդունէին իրենց վերադարձող թագաւորը:

Քանի՛ մօտենային Սոսյ սահմանները, այնքան կ'աւելնար Լեւոնի յուզումը:

Հրճուանքի ու թախիժի, յոյսի ու վախի միջեւ տարուբեր, մերթ կը հառաչէր, մերթ կը խայտար: Երկու հոգի կ'ապրէր այն պահուն Լեւոն Ե. ի մէջ:

Վերջապէս, իրիկուան վերջալուսային շամանդազներուն մէջ, նշմարուեցան Օսոյ բերդին եզերքի աշտարակները...

Պաշարոզ թշնամի բանակը, ինչպէս ըսինք, բարերախտարար թողած հեռացած էր Կիլիկիոյ մայրաքաղաքին սահմաններէն, այնպէս որ, ո՛չ մէկ վառնաք կը սպառնար, ո՛չ մէկ խոչընդոտ կը խափանէր թագաւորին մուտքը:

Երբ հազիւ մէկ ժամուան ճամբայ մնացած էր կտրելու, Լեւոն Ե. վար իջաւ ձիէն:

Արքայի օրինակին հաեեւեցան շուտով հեանւորդները:

Սոհիէր Մարաջախտը թագաւորին դիմացը բարեւի կեցած, հրամանի մը կը սպասէր:

— Մարաջախտ, ըսաւ Լեւոն պետական ձայնով մը, ինձի համար սնկարելի կը թուի համբերել, պէտք է անմիջապէս իմաց տանք, չէ՞:

— Արքային է հրամանը, պատասխանեց Մարաջախտը յարգալիբ շարժուձեւով մը, ես պատրաստ եմ անմիջապէս գործադրելու:

— Ուրեմն, յարեց թագաւորը, երկու ձիաւոր թո՛ղ մեկնին Սիս, ազդարարին մեր դալուստը:

Վայրկենապէս գործադրուեցաւ արքայական հրամանը:

Մարուն Դշխոյին երկու սուրհանդակները, Լեւոն Ե. ի ինքնագիր նամակը ձեռքերնին, երկու սրարչաւ ձիերու վրայ նստած, Սիս թռան:

Մարուն թագու՛նին հոգեկան տագնապներու մէջ, նուպաներ կ'անցընէր, մինչեւ այն ատեն լուր մը չէր ստացած. սկսած էր սեւ կասկածներէ տանջուիլ, իր զրկած երկու սուրհանդակներուն նկատմամբ ու գիշերը չէր կրնար քունը տանիլ: Պալատականները զո՛ւր կը փորձէին մթիթարել հէք թագու՛նին:

Երկու ձիաւոր սուրհանդակները Սիս հասան գիշերով, ուշ ատեն, և ուղղուեցան զէպի արքունի պալատը:

Արտաքին դռնէն ներս մտան, բարձրաձայն աւետելով.

— Հայոց Տիկին, Հայոց Տիկին, Արքան կուգայ, եկա՛ւ Արքան...:

Մարուն թագու՛նին պատշապմին մէջ երեւցաւ: Շուտով լոյսերու մէջ ողողուեցաւ պալատը, ամբողջ մայրաքաղաքին մէջ տարածուեցաւ բարի լուրը:

Մունեակները սկսան փողոցներուն մէջ պառտիլ ու կանչել.

— Արթնցէ՛ք, արթնցէ՛ք, ո՛վ Սսեցիք, Լեւոն Արքան կուգայ:

Եւ մայրաքաղաքին բովանդակ բնակչութիւնը, որ խորունկ քունի մէջ ընկզմած էր, ընդոտտ կ'արթննայ:

Ամբողջ գիշերը խաղեր ու խրախճանք, պալատին մէջ՝ թէ առհասարակ բոլոր բնակարանները: Մինչև արշալոյս ոտքի վրայ էին ամէնքը, հանգիստուր և փառաւոր ընդունելութիւն մը կազմակերպելու համար իրենց սիրելի թագաւորին, որ

երկա՛ր ասին անյայտացած էր ու մեռած կը կարծուէր:

Ու այս բոլոր հանդերձանքները, խրախճանքներն ու լուսավառութիւնները՝ փախստական կարաւանին համար էին, այն կարաւանին, որ Սոոյ դուռը հասած էր ու կը բերէր Կիլիկիոյ բնիկ սէրը, Լուսինեան Լեւոն Ե. ը:

ԺԳ.

ՅՍ. ՂԹԱԿԱՆ ՄՈՒՏՔԸ

Կիլիկիա կը սարսուար ցնծութենէն, բովանդակ երկիրը կը պատրաստուէր տօնելու իր բնիկ տիրոջ՝ Լեւոն Ե. ի երջանիկ վերադարձը:

Ընդհանուր էր հաւատքը, կ'արտասանէր նոյն խօսքը.— Լեւոն կուգայ փրկելու երկիրը, վերջ մը դնելու երկարատեւ անիշխանութեան:

Ու խրախճանքներ կը կազմակերպուէին ամենուրեք, Մարուն Դշխոյին հրամանովը, մայրաքաղաքը սուզի քողը կը նետէր վրայէն ու նորապսակ հարսի մը պէս, կը պատրաստուէր ընդունելու փեսան, որ կուգար ծովերէն ու լեռներէն:

Պօղոս Ա. Կաթողիկոսը, որ յաջորդած էր Կոստանդին Ե. ի, երբ առաւ Մարուն Դշխոյին պատգամը, Լեւոնի վերադարձին տւեալով ըրեող, անմիջապէս հրաման արձակեց բոլոր եկեղեցիներուն զանգակները հնչեցունել, արտակարգ հան-

դէաներ կազմակերպել, արքայավայել ընդունելութիւն մը կատարելու համար:

1374 Յուլիս 26ին արշալոյսը ծագած էր արդէն, և անսովոր եռուզեռ մը կը տեսնուէր մայրաքաղաքին մէջ, մանաւանդ մեծ պողոտաներուն ու հրապարակներուն վրայ:

Արքայական պալատի բարձր աշտարակներուն վրայ կը ծածանէր Լուսինեան Հարստութեան դրօշակը...:

Ս. Սօֆիա Մայր-Տաճարէն պիտի մեկնէր հրակայ թափորը:

Հոն հաւաքուած էին խուռներամ երկսեռ բազմութիւն մը, որոնք կը շրջապատէին վեհափառ ձերունի մը և ծիրանիներու մէջ շողջողուն դիցուհի մը, օրուան Հայրապետը՝ Պօղոս Ա. և Հայոց աիկինը՝ Մարուն Դշխոյ:

Սոսյ, Տարսուսի, Մամեստիէյ, Անարզաբայի, Ա. անայի, Կիլիկիոյ բոլոր վիճակաւոր ու թեմակայ եպիսկոպոսները, հուշակաւոր մենաստաններուն վանահայր ու քորեպիսկոպոսները, իշխաններուն տաներէցներն ու վարդապետները, Սիւււանի բովանդակ եկեղեցականութիւնը հոն էր, Ս. Սօֆիա Մայր-Տաճարին մէջ, շքեղ ու հոյակապ թափոր մը կազմած, Պօղոս Ա. Կաթողիկոսի նախագահութեան սակ:

Թափորը դանդաղաքայլ կը շարժէր ու դուրս կ'ելլէր Մայր-Տաճարէն, ծովածաւալ ամբոխի մը հետ. մինչ ամէն կողմէ կը հնչէին եկեղեցիներուն զանգակները:

Կաթողիկոսին հետ զուգընթաց կ'առաջանար

Մարուն թագուհին իր հետեւորդ պալատականներով: Յետոյ կարգով կուգային բարձրատիճակեղեցականները, վարդապետները, քահանաները, սարկաւազները, դպիրները, երգեցիկ մանուկները, խաչերով, խաչվառներով, ջահերով, բուր, վառներով, ծնծղաներով ու քոյցներով. պալատական իշխանները, հրամանատարները, թիկնապահները. հետեւակ թէ ձիաւոր, գլխւորականներէն հեծելազուեղ մը, նոյնպէս աղեղնաւոր գումարտակ մը: Ու ասոնց հետեւէն ժողովուրդը, ամէն խաւերէ ու դասակարգէ, դողդոջուն ու կորաքամակ ծերերուն հետ մատաղատի մանկիկներ, ցնծութեան արցունքներով թրջուած աչքերնին յառած թափօրին՝ խանդավառ երգերով ու խնդութեան աղաղակներով կը ձեղքէին բազմութիւնը:

Թափօրը կ'ուղղուէր դէպի արքունի պողոտան, որուն երկու կողմը դիւնորական շքմաներ ձգուած էին, կանոնաւոր գնացքը չը խափանելու համար խառնամբօխ երկսեռ բազմութիւնէն, որ տակաւ կը ստուարանար ու խորտակել կը սպառնար ամէն ամբարտակ:

Յուլիսեան այրող արեւի մը ոսկի ճառագայթներուն տակ կը շողշողային գէնքերը, գոյնգոյն դրօշակներ կը ծածանէին ու հանդիսաւոր թափօրը կ'առաջանար յամբաքայլ:

Մայրաքաղաքը պարպուած էր, դաշտերը թափուած էր ամբողջ բնակչութիւնը:

Հաղարաւօր, բիւրաւօր ու բիւրաւօր գլուխներ, հարիւրաւոր դրօշներ ու հաղարաւոր աղեղներ ու սուրեր, օդին մէջ, վէտ վէտ կը ծածանէին:

Այսպէս, զուարթ երգերով ու ծափերով, նւազարաններով ու շարականներով կ'առաջանար թափօրը, դէպի մայրաքաղաքին հարաւակողմի գետակը, որուն եղեքին երկայնքը, արքունիքի ծախքով, մասնաւոր վրաններ լարուած ու տաղաւարներ շինուած էին, արքայական կարաւանին ընդունելութեան համար:

Թափօրը կէս ժամուան ճամբայ կտրած էր տրդէն, երբ հեռուն մշուհներու մէջէն երեւցաւ կարաւանը:

Մունեաթիկներ ցրուեցան անմիջապէս ամբօրին մէջ, աւետելու համար թագաւորին ժամանումը:

Յանկարծ ուռեցան, բարձրացան մարդկային կոհակները, խառնիխուռն, խլացուցիչ աղաղակներ կը թնդացնէին օդը:

Աղաղակները կրկնուեցան:

— Կեցցէ՛ Լեւոն թագաւորը...:

Ուրիշ խումբ մը կը գոչէր խանդավառ ծափերով.

— Կէցցէ՛ Մարուն Դշխոյ, Հայոց Տիկինը...:

Ուրիշ ձայներ:

— Կեցցէ՛ Կիլիկիա...:

Եւ ահա՛ Ստոյ դաշտը ձկերով ծածկուեցաւ անմիջապէս:

Մականախաղը օկտաւ ի պատիւ Արքային, որ աշխէտ երիվարի մը վրայ նստած, վեհաշուք գընացքով մը կ'առաջանար դէպի գիմաւորող թափօրը, որուն գլուխը կեցած՝ Կաթողիկոս ու թագուհի, անձկոտ սպասումի մը մէջ, կը պատրաստ-

տըւէին ողջագուրել վերադարձող թագաւորը, երկրին բնիկ տէրը . . . :

Գետակին եզերքը կանգ առին, արքայական կարաւանը հասած էր :

Աննկարագրելի խանդավառութիւն մը կը տիրէր առ հասարակ, հաւատարիմ ժողովուրդը կը փութար ընդառաջել ու փաթթուիլ իր վեհապետին ոտքերուն, որոնք վերջապէս կը կոխէին հայրենի սուրբ հոգը . . . :

Ո՛վ պիտի կրնայ պատկերացնել այն սրտաշարժ տեսարանը, Մարուն թագուհին սկիծամակ ու ծիրանազգեստ, Լեւոն Ե. ի թեւերուն մէջ, որուն ոտքերուն տակ կը մռնչէր ամբոխը :

— Ո՛վ առիւծ Արքայ, փրկէ՛ հայրենիքը :

Իսկ Կաթողիկոսը, սպիտակփառ ծերունի մը, բազկատարած կ'աղօթէր, լուսապայծառ երեսները դարձուցած Արեւելք. ու կը խրախուսէր իր հաւատացեալ հօտը, նոր կեանքի ու վերածնունդի մաղթանքներով :

Շրջակայ լեռներն ու բլուրները կ'արձագանգէին զէնքերու շկահիւնները, բերբաւորներու գոռ ու գոհերը :

Ամէն կողմէ կը հնչէին նուագարանները, զինւորական ռազմերգ, ռամկակական խմբերգ, լեռնային պարերգ, ամէն անկիւն ողբերգութիւն մը. ամէն ծառի տակ՝ պարախումբ մը, և ամենուրեք՝ վերածնունդի ու նոր կեանքի զեղում մը :

Ու այս հանդէսներով ու խրախմբանքներով, ծովածաւալ ամբոխը կը շրջապատէր արքայական շքախումբը :

Եւ սակայն ժողովուրդը տակաւին չէր յազնար. չէր կրնար առնել իր կարօտը՝ սիրելի թագաւորէն, որ այնքան երկար ժամանակէ ի վեր անյայտացած, ահ ու դողի մտանած էր ազգը՝ իր թանկագին կեանքին համար :

Ս. Հայրապետին ազդանշանին վրայ, յանկարծ դադար առին երգերն ու պարերը, երկու ժամ շարունակ տեւելէ յետոյ, վերջացաւ նաեւ մականախաղը, և թափօրը սկսաւ շարժիլ, ուղղուելով դէպի մայրաքաղաքը :

Արքունի նուագածուներու շքեղ խումբը հընչեցուց Լուսինեան Քայլերգը, մինչ եկեղեցական թափօրը կ'առաջանար երգելով ու Ս. Հայրապետը շուրջանակի օրհնութիւններ կը սփռէր իր ձեռքի Ս. Լուսաւորչի Աջովը :

Մայրաքաղաքին կը մօտենային և արքունի պալատին աշտարակներուն վրայ վառիվառ կը փողփողէին գոյնզգոյն և ծալծալ դրօշակներ :

Երբ հասան պարիսպին ոտքը, Ս. Կաթողիկոսը պահ մը կանգ առաւ ու դառնալով Լեւոնի որ աշխէտ ձիուն վրայ արքայակերպ նստած, կուլար ցնծութենէն :

— Տէ՛ր Արքայ, ահա՛ երկիրդ, ահա՛ մայրաքաղաքդ, մտի՛ր ուրեմն, ո՛վ բնիկ Տէր, մտի՛ր իբրեւ յաղթական ու կառավարէ՛ ազգդ :

Լեւոն Ե. իսկոյն վար իջաւ ձիէն ու մօտենալով Ս. Կաթողիկոսին, խոնարհարար համբուրեց աջը, ու դառնալով ամբոխին, որ խլացուցիչ ազաղակներով ու ծափերով օղբ կը թնդացնէր, արցունքոտ աչքերով ու դողդոջ ձայնով մը :

— Ո՛վ իմ սիրեցեալ ազգ, ըսաւ, իմ պաշտեցեալ Կիլիկիա, նոր կեանք ա՛ռ, և յուսա՛, Տէրը մեզի հետ է . . . :

Ու բիւրաւոր շրթունքներէ թռան խանդավառ աղաղակներ :

— Կեցցէ՛ մեր բնիկ Տէրը, կեցցէ՛ր Լեւոն Արքայ :

Ու յետոյ .

— Կեցցէ՛ Մարուն Դշխոյ, կեցցէ՛ Հայոց Տիկինը :

Ու ծափերը կը յաջորդէին ծափերու և մըլխնորորտը կ'ելեկարականանար :

Յուլիո՛ի քսանըվեցը, այդ պատմական օրը՝ տեղի ունեցաւ Կիլիկիոյ վերջին թագաւորին յաղթական մուտքը՝ Սիս մայրաքաղաքին մէջ :



ԺԴ.

Ս Ե Ւ Ջ Ե Ռ Ք Ե Ր

Ստոյ ու շրջականերու մէջ հանրային ցնծութեան խանդավառ ցոյցերը, տօն, իրախճանք, խնջոյք, պար ու խաղ, ամէնը վերջացած, կեանքը վերստացած էր արդէն իր սովորական եւ կանոնաւոր ընթացքը :

Սակայն, ինչպէս անհատական, նոյնպէս և թերեւս աւելի՝ հանրային կեանքի անողոք իրականութիւնը դառն անակնկալներ կը պարունակէ, որոնք յաճախ կը յաջորդեն ծայրայեղ ու բախութիւններու և միամիտ յոյսերու վաղորդայններուն :

Այսպէ՛ս եղաւ նաեւ Լեւոն Ե.ի համար, որ սահմանուած էր իրմով վերջակէտը դնելու երեքդարեան Հարստութեան մը, Միջերկրականի յուսթի ու ճոխ կողերը բուսած, աճած, բարգաւաճած և ի վերջոյ, անխիղճ ու շահամոլ Եւրոպայի ու սարսափելի Սարակիսոսներու նախանձորդութեանը մատնուած . . . :

Դժխեմ բաղդը դեռ չէր դաղրեր հալածելէ Լուսինեան տո՛մին այս վերջին շառաւիղը, Լեւոն Ե. թագաւորը, որուն ամբողջ կեանքը դարհուրելի ողբերգութիւն մըն էր, եղբրական առամներու շարք մը :

Որո՞նք էին արդեօք այն սեւ ձեռքերը, ո-

րոնք խաւարի մէջ դաւեր կը սարքէին անոր կեանքին, անոր գահին ու թագին դէմ...:

Բայց ինչո՞ւ...:

Սեւ ձեռքերը որոնք կը գործէին, միշտ մուծի մէջ, հիմէն քանդելու համար հայկական անկախութեան վերջին բե՛րդը:

Ս.խ, այդ ձեռքերը. այդ դազրաթորմի սեւ ձեռքերը, որոնք չէին խղճահարուիր մարելու Ազգին ձրա՛գը...:

Ընթերցող՝ հկուր քեզի հետ սրբաբնէ՛ք, թերթատենէք մեր պատմութիւնը, ի՞նչ կը տեսնէք հոն: — Ներքին առտնին կոխներ՝ իշխաններու միջեւ, անվերջանալի դաւաղորութիւններ՝ իրարու դէմ, եղբայրասպանութիւններ, ստոր մասնութիւններ, կղերականի և աշխարհականի մեղապարտ պայքարներ, ամօթալի դասալքումներ, պանդխտութիւն, գաղթականութիւն և դարձեալ գաղթականութիւն՝ աղէտներուն աղէտը...:

Փառամոլ ու շահախնդիր իշխաններ, մեծ մասը՝ Լուսինեան գահին թիկնածուներ, վաղուց ծրարագրած էին հրէշային դաւաղորութիւն մը, և սակայն, միւս կողմէ, Արքունիքին հաւատարիմ ու Հայրենիքին գոյութեամբը մտահոգ բնիկ իշխաններ, Լեւոն Ն.ի կողմնակիցներ. արթուն կը հըսկէին ու չէին թոյլ տար որ անոնք, այն ազգադաւ ու սեւ ձեռքերը, կարենային գլուխ հանել իրենց պատրաստած ու գծած ծրագիրը:

Իրաւ է թէ Լեւոնի անյայտացումը մեծապէս սատարած էր իր անհաշտ հակառակորդներուն անկաշկանդ գործունէութեանը, և բովանդակ Կիլի-

կիան անիշխանութեան մատնուած՝ կը տառապէր ու կը հեծէր այդ վասակասեր արարածներու լուծիլտակ, սակայն, պէտք է խոստովանիլ, այդ շրջանի գրեթէ բոլոր իրարու յաջորդող Կաթողիկոսները, իրենց կուսակից անձնուէր իշխաններուն հետ համախորհուրդ, երկրին վտանգը նախատեսելով, ամէն կարելի միջոցներ ձեռք առած էին վիժեցընելու համար դաւաճան նախարարներուն և իշխաններուն գործը:

Նւ սակայն, Լեւոն Ն.ի վերերեւումը քաղաքական բեմին վրայ և անոր ի պատիւ կողմակերպւած խանդավառ ցոյցերը՝ ջլտյնացուցած ու կատղեցուցած էին անոր ոխերիմ թշնամիները, որոնց մէջ առաջին կարգը կը բռնէին նոյնխակ իր կարգած ինամակայնեքէն մէկ քանինները:

Վերադառնա՛նք ուրեմն բուն նիւթին և պատմենք հակիրճօրէն անոր իրադարձութիւնները:

Լեւոն Ն. Լուսինեան, ինչպէս կը յիշեն ընթերցողները, Ն՛րսէն Կիպրոս իրեն քով զրկուած պատգամաւորութեան մը, — որ Կիլիկիոյ թագը կ'առաջարկէր իրեն թախանձագին — պատասխանելով, իր կողմէն չորս արքունի խնամակալներ կարգած էր, որոնք պաշտօն պիտի ունենային մատակարարել թագաւորութեան գործերը: մինչեւ իր վերադարձը:

Այս չորս խնամակալները, որոնք Կիլիկիոյ իշխանական աշխարհին մէջ ծանօթ և ազդեցիկ դէմքեր էին, մանաւանդ Մարուն թագունէին, Լեւոն Ն.ի բացակայութեանը կը կառավարէին երկիրը, պատասխանատու մտալով թէ Ազգին և թէ

անոր վեհապետին՝ Լեւոն Ե.ի, որուն կողմէն նը-  
չանակուած էին իրենք:

Արդ, երբ խրախճանքի օրերը վերջացան,  
ինչպէս ըսինք, և կեանքի կանոնաւոր ընթացքը  
վերսկսուեալ, Լեւոն իրեն համար առաջին գործ  
ըրաւ Կիրիկիոյ կացութիւնը դարմանելու միջոցնե-  
րուն վրայ խորհրդակցութեաններ կատարել Կա-  
թողիկոսին և իշխաններուն հետ, երկրին ինքնա-  
պաշտպանութեան անհրաժեշտ եզոզ ծրագրիւնք  
մշակել, գործնական քայլեր առնել, մէկ խօսքով՝  
ազգը կազմ ու պատրաստ ընել ամէն պատահա-  
կանութեան դէմ:

Ու այս բոլորը գլուխ կարենալ հանելու հա-  
մար, ընական էր հաշիւ պահանջել յիշեալ ինա-  
մակալներէն, որոնք բաւական երկար ժամանակ  
մը վարած էին տէրութեան ելեւմտական գործառ-  
նութիւնները:

Ի՞նչ եղաւ սակայն արդիւնքը:

Երեւան ելան զզուելի զեղծումներ, անխըղ-  
ճօրէն գործուած այդ շնորհալի արարածներուն ձեռ-  
քով, որոնք Կիրիկիոյ խնամակալները պիտի ըլ-  
լային...:

Այս յայտնի զեղծումներուն հանդէպ անտար-  
բեր չէր կրնար գանուիլ Հայոց թագաւորը, նոյն  
իսկ եթէ անոնց հեղինակներուն մէջ գանուած ըլ-  
լար Հայոց Տիկիւնը...:

Արքունի գանձը պարպուած, երկրին հարս-  
տութիւնը՝ կողոպտուած, զինւորներուն վիճակը  
խիստ արգահատելի, երկրին զանազան մասերուն  
մէջ սով ու թշուառութիւն, եւն եւն, անձ՝ կա-

ցութիւնը, որոն առջեւ կը գանուէր Լեւոն Ե.  
Վուսինեան:

Արտասովոր նիստ մը կը գումարէ անմիջապէս  
արքունիքին մէջ ու դատըստանի կը քաշէ ինա-  
մակալները: Իսկ այս վերջինները, բաց ի Մարուն  
Դիլսոյէն, որ լի կ'անուանական խնամակալութիւն  
մը ստանձնած էր, ինք արդէն Ազգին կողմէն թա-  
գապահ կարգուած ըլլալով՝ կ'ուրանան ո և է  
զեղծումի գոյութիւն և երբէք սրամազիբ չեն ե-  
րեւնար ետ դարձնելու գոյցուած հարստութիւնը:

Խղճամիտ ու մանրակրկիտ քննութենէ մը  
վերջ, բոլոր միւս խնամակալներէն աւելի, Պ. Թո-  
րոսի սրդի Պ. Վասիլի վրայ կը ծանրանայ յան-  
ցանքը, և թագաւորը, առանց անսպառ Պ. Վա-  
սիլի կուսակից իշխաններու թախանձանքներուն,  
բանտարկել կուտայ զանի, ինչպէս նաեւ սպաննը-  
ւած Կոստանդին թագաւորին այրի կինը:

Լեւոն թագաւորին արդարութիւնը կանգ չառ-  
ներ հոս:

Քննութիւնները կը շարունակուին, առաջ կը  
տարուին և ուրիշ նոր յայտնութիւններ երեւան  
կ'ելլեն: Պ. Վասիլ, գլխաւոր զեղծարարը, ինք-  
զինք ազատելու միամիտ յոյսով, կըսկսի անմեղ  
մարդիկեեր մատնել, իրրեւ իր մեղսակիցները:

Խնամակալներուն այս գայթակղութիւնը տա-  
կաւ կը մեծնայ և վտանգաւոր համեմատութիւն-  
ներ կ'առնէ: Զեղծարարներուն հետ կը խառնուի  
նաեւ Կաթողիկոսին անունը, ուրիշ բաւական յար-  
գելի անուններու հետ:

Եւ երկիրը կը մասնուի երկպառակութեան, որ ի վերջոյ կը յանգի անիշխանութեան:

Լեւոն Ե. կը ստիպուի տեղի տալ հոսանքին, ընդհանուր ներուժով մը բանտէն կ'արձակէ բոլոր խնամակալները, յուսալով այս կերպով հանդարտեցնել միաքերը:

Լեւոն Ե. անդորմանելի սխալ մը կը գործէր իր այս վարմունքով:

Ներուած խնամակալները, կաշառքով ու պաշտօնարաշխուժներով, յաջողած էին իրենց կողմը շահիլ փառամոլ իշխաններու պատկառելի թիւ մը, որոնք «osարամոլ, կարոլիկ, քոյլ» թագաւորի մը — ինչպէս էր Լեւոն Ե. իրենց կարծիքով — նրւատացուցիչ լուծը թօթվելու համար՝ միջոցներու ընտրութեան մէջ խափր չէին դներ, կը նախընտրէին Կիլիկիոյ տիրապետութիւնը յանձնել զըրացի մահմէտական իշխող ցեղերուն, քան թէ ճանչնալ Լեւոնի թագաւորութիւնը:

Խնամակալներէն Պ. Վասիլ, ուխտեալ թշնամի մը թագաւորին, որ իրեն ներելու աններելի յանցանքը գործած էր, շուտով իր շուրջը հաւաքեց իրեն համախոններ ու սկսաւ գործի, մինչ հէք Լեւոն թագաւորը, բոլորովին անտեղեակ իր գահին շուրջը լարուած թակարդին, կը ջանար բարեկարգել անիշխանութեան մէջ տապալող երկիր մը, որ երկու իրերասպան հակառակորդներու անխուստովանելի կիրքերու միջեւ կը ատտանէր:

Երկու կուսակցութիւններ կային, երկուքն ալ իրարու վախ ու պատկառանք ազդելու չափ զօրաւոր, որոնք երկիրը ժամ առաջ կործանելու համար զիրար կը գերազանցէին...

Մաս մը կար, բնիկ իշխաններէն, Լեւոն Ե. ի համակիրներ, որոնք իրենց արեան գնով ու ամէն զոհողութիւններով ուխտած էին պաշտպանել ազգային անկախութեան վերջին բերդը, հոգ չէ թէ ի վերջոյ իրենց զիականրը փռուէին անոր փլատակներուն տակ: Ասոնք, Կիլիկիոյ այս հարագատ զաւակները, գիտէին, համոզուած էին թէ հայ ազգին անմիարանութիւնը շատ աղիտարեր եղած էր անոր գայութեան՝ և թէ՛ ամենափոքրիկ պտտակատմ մը՝ պիտի փութացնէր անոր վերջնական ու անկտնգնելի կործանումը: Տակաւին անոնց յիշողութեան մէջ թարմ էին մտաւոր անցեալի մը քսամնելի զէպքերը, բոլոր՝ տխուր հետեւանք ներքին երկպառակութիւններու և յիմար կոխներու, որոնք յանգեցան ազգային ինքնասպանութեան:

Սակայն, ափսոս, հակառակորդ կուսակցութիւնը կորսնցուցած էր գիտակցութիւնը և խեղճած՝ ազգային խղճմտանքը: Ան՝ արիւնի ծարաւովը կը պապակէր և կ'ուզէր օգտուիլ ներկայացող առիթներէն, մահացու հարուածը տալու համար Լեւոն Ե. ի, և անով՝ Կիլիկիոյ զխուճ վրայ կախուած Արեւմտեանց... իշխանութեան:

Եւ առիթները չէին պակասեր, ընդհակառակը, բազմաթիւ էին ու բազմաառակ: Իրենց բոլոր դաւերուն ու մեքենայութիւններուն համար պատրաստ գետին մը կար արդէն, անգիտակից խուժանին արամադրութիւնը, որ անիշխանութեան շրջանին յարակից պարագաներովը զարգացած, ամբոխավար ձեռքի մը նշանին կը սպասէր ասպարէզ նետուելու համար:

Ահա՛ թէ ինչպէս ծայր տուին զէպօքերը, որոնք իրենց ետեւէն պիտի բերէին աննախընթաց չարիքներ:

Պարոն Վասիլ, զեղծարար խնամակախերուն մէջ ամենէն կարկառունը, տէրութեան գանձուն ու հարստութեան բացարձակ տէրը դառնալէ յետոյ, սանձարձակ գործունէութիւն մը ցոյց տուած էր իր ըմբռնած քաղաքականութեամբ կառավարելու համար երկիրը: Լեւոն Ե. ի անյայտացման օրերուն, երբ Սիս մայրաքաղաքի շրջակաները պաշարուած էին թուրք անուանի զօրավարներէն Տաւուտ պէկի տանկակ հազար մը զօրքերէն, ու քնակչութիւնը արգելափակուած, սովի սպառնալիքին տակ կը գտնուէր, Պարոն Վասիլ ինամակալը, իրեն համախոհներովը յաջողած էր կաշառքով համոզել թշնամին ու վերցնել տալ պաշարոււոր, որոշ տուրք մը վճարելու պայմանով, ազատ երթեկելը վերահաստատելու և զրոյն պարէն կարենալ բերելու համար:

Այս կարգադրութեան շնորհիւ էր որ Լեւոն Ե. յաջողած էր անվտանգ վերադառնալ ու մտնել մայրաքաղաքը: Եւ որովհետեւ երկիրը պէտք ունէր գոնէ ժամանակ մը շունչ առնելու, հայրենասէր թագաւորը կը փափագէր աւելի ամրապնդելու զբացի թշնամի ուժի մը հետ նախապէս մշակուած բարեկամութեան մը կապերը. ուստի ինք ալ կը փորձէր նորոգել նախկին պայմանագրութիւնը, արդէն երկուստեք ընդունուած պայմաններու մէջ:

Թագաւորին այս անկեղծ ու բարի տրամա զրութիւնը կը բաւէր իրեն դէմ յարուցանելու

կանխամտածուած արգելքներ, ծանօթ թշնամիներուն կողմէն, որոնք չէին հանդուրժեր անոր յաջողութեան ու փառքին:

Դաւը լարուած էր արդէն:

Տաւուտ պէկ իր բանակետը կը հանգչէր կանանչ վրանի մը տակ, երբ հերթապահ զինուորը յնկարձ ներս մտաւ ու խոնարհութեամբ գեանամած բարեւ մը բռնելով.

— Հրամանատար պէկ, ըսաւ, պատգամաւոր մը կը սպասէ դուրսը:

Տաւուտ պէկ խոժոռ դեմքով մը.

— Թնչ կ'ուզէ, ս'երկէ կուգայ այդ պատգամաւորը:

— Չեր մեծութիւնը տեսնել կ'ուզէ, Սիսէն կուգայ, Հայց Պարոնին կողմէն:

Ու պատգամաւորը վրանէն ներս առաջնորդուեցաւ ու բարեւ բռնած՝ կեցաւ Տաւուտ պէկին առջև:

Զօրավարին հրամանին վրայ, պատգամաւորը մօտեցաւ իրեն, վերարկուին քղանցքը համբուրեց ու ծոցէն ծրար մը հանելով՝ ներկայացուց:

Պարոն Վասիլի ու միւս զաւաճան իշխաններուն կողմէն կուգար այս պատգամաւորը: Վասիլ գաղտնի սամակով մը Տաւուտ պէկը կը գրգռէր Լեւոն Ե. ի դէմ, այս վերջինը ներկայացնելով կեղծաւոր ու խաբերայ իշխան մը, որ կեղծ պայմանագրութեամբ մը կ'ուզէ քնացնել զինք, հաստատապէս մտադրած ըլլալով յանկարծ յարձակուած գործել իրեն դէմ:

Տաւուտ պէկ, Պարոն Վասիլի պատգամաւորը

խիստ քննութեան մը բովէն անցընելէ յետոյ, նը-  
ւէրներով ու ինքնագիր նամակով մը կը ճամբէ  
զանի, խոստանալով անյայտ կատարել իր ու  
միւս բարեկամ ու հաւատարիմ իշխաններուն  
փափաքը:

Պ. Վասիլի ի դիմաց ազգին կը պաղատէր Տա-  
ւուտ պէկի ժամ առաջ զայ առնել Սիւ մայրաքա-  
ղաքը, գահընկեց ընել ու գերի վարել անարժան  
ու ապերախ թագաւորը, որ Եւրոպան կը գրգռէր  
քրոյսի բարեկամ ու հզօր տէրութեանց դէմ: Պ. Վա-  
սիլ, միշտ ի դիմաց ազգին, կըխոստանարանպայման  
և վերապահ հաւատարմութիւն ու հպատակութիւն  
Տաւուտ պէկի նման անզուգական հրամանատարի  
մը, անյաղթելի զօրովորի մը, եւայլն:

Պատգամաւորի վերադարձին, Պարոն Վասիլի  
իր կուսակից իշխանները ժողովի կը հրաւիրէ,  
անոնց հազօրդելու համար Տաւուտ պէկի պա-  
տասխանը:

Ժողովը կը գումարուի Պիմուկի անհարազատ  
որդի Բարդուղիմէին ապարանքը, ուր ներկայ էին  
Լեւոն Ե. ի դէմ իրենց անհաշտ ատելութեամբ ծա-  
նօթ իշխանները:

Ապարանքին շուրջը պահակ լրտեսներ կը  
թափառէին, դրսէն անձանօթ հիւրերու մուտքը  
խափանելու պաշտօնով:

Ժողովին մէջ Պ. Վասիլի բարձրաձայն կը կար-  
դայ Թուրք հրամանատարին պատասխան-նամակը,  
որով ասի կը խոստանար եռապատիկ ուժերով  
պաշարել մայրաքաղաքը, պատժելու համար նեն-  
գամիտ? Թագաւորը...: Այս առթիւ կը զգուշա-

ցընէր իր բարեկամ կուսակցութիւնը, որ առաջ  
իրենց ընտանիքները փոխադրելու իր բանակա-  
վայրը, ջարդէ ու թալանէ գերծ մնալու համար:

Ներկայ իշխաններուն աչքերը կը փայտաա-  
կեն վրէժխնդրութեան բոցերով, Պ. Վասիլը կը  
չնորձաւորեն ձեռք բերուած յաջողութեան առթիւ:

Յետոյ, բաւական երկար խորհրդակցութիւն-  
ներէ վերջ, կ'որոշուի հակառակօրդ կուսակցու-  
թեան միամիտ անդամներէն մէկը գտնել, արքու-  
նիքին անսահման վստահութիւնը վայելլով, պար-  
կեշտ, հաւատարիմ, անձնուէր պաշտօնեայի համ-  
բաւ հանած մէկը, որ երթայ թագաւորին իմաց  
տայ թէ՛ Տաւուտ պէկի պայտանագրութիւնը կեղծ  
է, և թէ՛ անի կը պատրաստուի մայրաքաղաքին  
վրայ քալելու, արքայական ընտանիքին մէջ ան-  
բաղդատելի գեղեցկութեամբը հռչակաւոր Մարուն  
Թագուհին առեւանգելու չոր դիտումով, եւայլն,  
եւայլն:

Ժողովը մինչև կէս գիշեր տեւելէ վերջ, կը  
ցրուի: Փնտռուած անձը կը գտնուի նոյն գիշերը  
և կը ճամբուի թագաւորին քով, մասնաւոր հրա-  
հանգներով:

Լեւոն Ե. իրեն դէմ լարուած դաւը շուտով կը  
հասկնայ, և առանց շուարիլու, յաջօրդ օրը լուս-  
նայուն, ինքնագիր նամակով մը, ձիաւոր սուր-  
հանդակ մը կը հանէ Տաւուտ պէկի բանակատե-  
ղին:

Տաւուտ պէկի շատ կը յարգէր Հայոց թագա-  
ւորը, որուն խոհակամութեան, հեռառեսութեան  
թեան ու նրբամտութեան մասին բաւական նպաս-

տաւար զազափար մը կազմած էր: Արքայական նամակին պարունակութենէն հետեւցող թէ՛ Պարոն Վասիլ ու իր կուսակիցները՝ թագուն նպատակի մը կը ծառայէին, այսինքն Լեւոն Ե.ի անկումին մէջ երկու կարեւոր կէտեր կը հետապնդէին, նախ՝ անձնական վրէժներն լուծել, երկրորդ՝ անոր անկումէն իրենք օգտուիլ, ու այս նպատակին հասնելու համար, արտաքին թշնամի մը գործիք ընել իրենց:

Բարերարողարար, Տաւուտ պէկ, կոշա ու խիզախ զօրական, ո՛ր և է մէկու մը, ո՛ր և է կուսակցութեան մը գործիք ըլլալուն ո՛չ ընդունակութիւն ունէր, ո՛չ ալ յօժարութիւ: Անի վճռական էր իր որոշումներուն մէջ և զօրաւոր կամքի աէրուստի առանց զեղեւելու գծեւ իր հետեւելիք ուղին: Լեւոն Ե.ի պատգամաւորը վերագործուց առատ ընծաներով, խի՛ստ սիրալիր ու մտերմական պատասխանագիր մը յանձնելով անոր:

Այսպէս, Լեւոն Ե. յաջողեցաւ վերանորոգել նախկին պայմանագրութիւնը, երեք ամսուան համար, այս կերպով վիժեցնելով իր ցածողի ու վատասիրտ հակառակորդներուն կազմակերպած գաղտնի դաւադրութիւնը:

Երեք ամիսներ շարունակ Սիսի ճամբան ապահով, երթեւեկութիւնը ազատ էր, և բարենորոգումները հետզհետէ գործադրուելով, երկիրը կը խոստանար կարճ ժամանակի մը մէջ, վերստին ստանալ իր նախկին զօրութիւնը, փառքը, մեծութիւնը, մէկ խօսքով իր թանկագին ազատութիւնը...:

Ստեփան, աւա՛ղ, թշնամիները չէին քնանար, կը հսկէին միշտ, ու նոր նոր դաւեր կը սարքէին:

Տաւուտ պէկի հետ ժամանակին կնքուած պայմանագրութիւնը, հակառակ ձեռքի տակէ պատրաստուած խոչընդոտներու, Լեւոն Ե.ի կողմէն վերանորոգուած ըլլալով, Պարոն Վասիլի և իր կուսակից իշխաններուն յոյսը կը ցնդէր անգամ մընալ և Լեւոն կը դառնար կացութեան տէրը:

Երանի՛ թէ Լեւոն այս երկրորդ պատեհութիւնը չփախցնէր, անմիջապէս մաքրելով երկիրը դաւաճան իշխաններէն, որոնք երբէք պարտութիւն չպիտի խոստովանէին: Ապաստանած՝ անհուն ժողովրդականութեան, զոր կը վայելէր անի, որհամարհեց ամէն ընդդիմադիր ուժ ու սկըսաւ ինքզինք տալ երկրին խաղաղ զարգացման գործին, առանց հաշուի առնելու մութ ամպերը, որոնք արտաքին քաղաքականութեան հորիզոնին վրայ կը սկսէին կուտակուիլ ու մթագնել պայծառ երկինքը:

Ազգաբաւ ու վատագի իշխանները, վճռած էին մահացու հարուած մը տալ Լեւոն Ե.ի թագաւորութեան, թեկուզ ձեռք բերուէր ան՝ երեքդարեան Հարսաութեան մը վերջնական կործանման գնովը...:

Նուամենայ ժամանակաւոր խաղաղութեան մը յանկարծ յաջորդեցին խռովութիւններ, ու մայրաքաղաքին դէմ ցցուեցաւ դարձեալ արտաքին յարձակման ու պաշարման ուրուականը:

Լեւոն Ե.ի ու Տաւուտ պէկի միջեւ հաստա-

տուած դաշինքը խղուեցաւ ու հակառակորդ կու-  
սակցութիւնը դարձեալ ասպարէզ իջաւ :

Ի՞նչ պատահած էր սակայն :

Սեւ ձեռքերը , ինչպէս ըսինք , կը գործէին  
առանց վայրկեան մը դադար առնելու , նոյնիսկ  
մայրաքաղաքին փողոցներուն մէջ՝ օր ցերեկով ըս-  
պաննութիւններ գործել կուտային , հրասակներու  
խումբեր կը ցրուէին քաղաքներուն ու գիւղերուն  
մէջ , անմեղ ժողովուրդը կը կողոպտէին ու կը կե-  
ղեքէին , եղբայր եղբօր , որդի հօր դէմ կը զրգը-  
ռէին , նոյն իսկ արքունիքի մէջ գժտութեան ս-  
րտմներ կը ցանէին ու Լեւոն Ե. ի ընտանի կան կեանքը  
կը թունաւորէին :

Երկիրը վերստին կը մտանուէր ողբայի անիշ-  
խանութեան մը , պատրաստ որս՝ արտաքին արշա-  
ւանքներու :

Լուսինեան հարստութեան վերջալոյսը կը  
գծուէր հորիզոնին վրայ , քաղաքական բարդու-  
թիւններու սեւ ու թանձր ամպերուն մէջ :

Հայէպի ու Եգիպտոսի Սուլթանները մախան-  
քոտ աչքերով կը դիտէին Միջերկրականի գեղե-  
ցիկ ծովեղբայրներուն վրայ հայկական քրիստոնեայ  
թագաւորութեան մը ծաղկումը , և մանաւանդ ,  
Խաչակիրներու արշաւանքներուն մեջ , Լուսինեան  
թագաւորներուն խաղացած ա՛յնքան աղիտաբեր  
գերին դէմ իրուամբ դայրացած , ատելութեան ու  
վրէժխնդրութեան անշիջանելի բոց մը կը անուցա-  
նէին անոնց դէմ :

Լեւոն Ե. ի ուխտեալ թշնամիները , Պարոն  
Վասիլ ու իր ընկերները , շատ լաւ գիտէին այս

պարագաները , և բնականաբար , պիտի չթերանա-  
յին օգտագործելու զանոնք :

Լեւոնի ու Տաւուտ պէկի միջեւ թշնամու-  
թիւնները վերսկսուած ըլլալով , մայրաքաղաքին  
սպանովութիւնը կը վտանգուէր անգամ մըն ալ ու  
տարարադէ Լուսինեան թագաւորը զո՛ւր կը փոր-  
ձէր հերոսական զիմադրութիւն մը կազմակերպել  
արիւնի ու թալանի պսպակով տառապող մոլեգին  
մարախներուն դէմ , որոնք կը խուժէին իր վրայ :

Ս.յս անգամ , Տաւուտ պէկի բանակին ռահա-  
ցոյցներն ու առաջնորդները՝ Պարոն Վասիլի վատ  
արբանեակներէն կը բազկանային , արբանեակներ ,  
որոնք ժամանակին նպատաւորուած ու հարստա-  
ցած էին արքունի գանձին կողոպտաներովը :

Լեւոն Ե. ի հաւատուորիմ մնացած փոքրաթիւ  
իշխանները , Պօղոս Ա. Կաթողիկոսին , Եկեղեցա-  
կանութեան ու զինուորականութեան հետ միացած ,  
յուսահատական մարտնչումներու կը պատրաստը-  
ւէին , աչքերնին յառած Արեւմուտքին . ուրկէ  
պիտի գար տարիներէ ի վեր ակնկալուած օգնու-  
թիւնը :

Սակայն այդ օգնութիւնը կ'ուշանար գալու ,  
մինչ միւս կողմէ , թշնամի զօրագունդերուն յա-  
ռաջխաղացումը կը սպառնար մայրաքաղաքին .

Տաւուտ պէկ իր տրամադրութեան տակ ունէր  
տասնըմէկ հազար զօրք , որոնց դէմ պիտի կրնար  
Լեւոն յաղթական կռիւներ մղել , եթէ այդ ուժին  
աւելցած չըլլար նոյն թիւով ոյժ մըն ալ , Եգիպ-  
տոսի Սուլթանին բանակը , Ապուպէքիր զօրավա-  
րին հրամանատարութեան տակ :

Բայց որով զբողո՞մով, ի՞նչ գիտումով կը կազմակերպուէր այս արշաւանքը...: Բացատրենք երկու բառով:

Լեւոն Ե. ի հակառակորդները, աւելորդ է կրկնել, ամէն գնով վճռած էին գործադրել իրենց զիւային ծրագիրը. ուստի գաղտնի պատգամաւորութիւն մը զրկած էին Եգիպտոս, ժամանակին հոն ապաստանած Աշոտ անուն իշխանի մը քով, Լուսինեանի դէմ սուլթանը զրգռելու և եգիպտական բանակ մը Կիլիկիա հրաւիրելու խնդրանքով:

Այդ Աշոտ իշխանը հազուադէպ հրէշներէն էր, որոնք սեւցուցած են մեր ազգային պատմութեան էջերը: Այս դաւաճանը, իր աներորդի Գոստանդին Գ. ի սպանութեան յաջորդ օրը փախած էր Կիլիկիայէն Եգիպտոս՝ ուր ուրանալով իր Հայութեան հաւատքը, ընդգրկած էր իսլամութիւնը և այս միջոցով, սիրելին դարձած էր սուլթանին:

Պարոն Վասիլ ու իր գործակից իշխանները, Վասակի հարազատ սերունդէն անշուշտ, այս օրացոյց իշխանին ուղղիտ նամակ մը յանձնած էին պատգամաւորութեան, խնդրագիր մըն ալ Եգիպտոսի սուլթանին, որուն քով պիտի բարեխօսէր Աշոտ, արշաւանք մը կազմակերպելու Կիլիկիոյ վրայ, վերջ մը դնելու համար Լուսինեան հարբստութեան, սրուն թագը կը խոստանային հաւատուրաց իշխանին, Եգիպտոսի սուլթաններուն թեւարկութեան ներքեւ:

Արդ, Աշոտ իշխանը ներկայացուցած էր պատգամաւորութիւնը սուլթանին, որ անոր թախանձանքը կատարել հաճած էր, իր Ապուպէքիր զօրավարին

յանձնելով՝ Լեւոն Ե. ը գերի բերելու և Կիլիկեան թագաւորութիւնը կործանելու փափուկ պաշտօնը:

Պատգամաւորութիւնը սուլթանական թանկարժէք ընծաներով վերադարձած էր Կիլիկիա, Աշոտ իշխանին նպաստուոր պատասխանին հետ՝ Եգիպտոսի սուլթանին բարեւները բերելով դաւաճան իշխաններուն:

Ահա՛ այս եգիպտացի զօրավար Ապուպէքիրի բանակն էր որ կուգար միանալ Տաւուս պէկի զօրագունդերուն, որոնք ամէնքը միասին կ'առաջանային դէպի Սոյ սահմանները, խղելով ամէն հաղորդակցութիւն և խափանելով ճամբաներուն երթեւեկը:

Ո՞վ, ո՞վ պիտի պաշտպանէր ուրեմն անբախտ Կիլիկիան...:

Եւրոպա՞ն, Պապերու, կայսրերու Եւրոպա՞ն, որ ամօթալի նահանջով մը Սարակինոսներուն վրէժխնդրութեան յանձնած էր այդ երկրի քրիստոնեայ բնակչութեւնը...:

Իսկ սեւ ձեռքե՞րը...:

Կը գործէին անքուն, անդուլ, ու կը քանգէին...:



ԺԵ.

Ա Ր Ի Ի Ն Ո Տ Ճ Ր Ա Պ Ա Լ Ո Յ Յ Ը

1375 Յունուարի հինգը՝ պատմութեան մէջ կը մնայ արիւնոտ յիշատակներով ծրարուած, չարաշուք, անխճեակ օր մը . . . :

Արդէն շարունակ շարաթ մը անդացած էր ձիւներ շրջակայ լեռներուն վրայ, որուն սպիտակափառ վեհութիւնը կը սարսուար ձմեռնային արեւի մը ցուրտ ու դողդոջուն ճառագայթներուն տակ :

Եւ սակայն, հակառակ մոլեգլին քամիին, որ կ'ոռնար, և հակառակ խածնող ցուրտի մը, որ երակները կը սառեցնէր, մայրաքաղաքի հաւատացեալներուն երկսեռ բազմութիւնը, թանկարժէք մուշտակներու մէջ փաթթուած ու տօնական շքեղ հագուստներով, գունդազունդ կը դիմէր եկեղեցի, ներկայ ըլլալու հանդիսաւոր արարողութեանց, որոնք պիտի կատարուէին Ս. Մննդի ճրագալոյցը սօնելու համար :

Ս. Սօֆիա Մայր-Տաճարին մէջ այն իրիկունը պիտի պատարագէր արքունի քարտուղար Տ. Յովսաննէս Արքեպիսկոպոսը՝ որ Եւրոպայէ վերադարձէն ետք, մեծ ժողովրդականութիւն կը վայելէր մասնաւորապէս Լուսինեան Լեւոն Յ.ի և անոր հաւատարիմ մնացած իշխաններուն քով :

Մայրաքաղաքի եկեղեցիներուն գանգակները կը հնչէին միահաղոյն ու դաշնակաւոր, բարեպաշտ

ժողովուրդը հրաւիրելով աղօթքի և միեւնոյն ժամանակ աւետելով աշխարհի փրկչին Ս. Մննդեան տարեդարձը,

Կաթողիկոսն ու թագաւորը, իւրաքանչիւրը կը բազմէր իր գահին վրայ, Ս. Սօֆիա տաճարին մէջ :

Փամերգութիւնը սկսած էր արդէն, Դանիէլի գիրքը կարգացուած, ու երգեցիկ դպիրները փոխընդփոխ կ'երգէին աւուր պատշաճի շարականներն ու տաղերը :

Տաճարը նեղ կուգար հաւատացեալներուն, որոնք նոյն օրը մօտակայ գիւղերէն ու արուարձաններէն եկած էին, իրենց սիրելի թագաւորը անսնելու փափագով :

Պատարագը կը շարունակուէր, պատարագիչը խորանէն կը պատարասուէր «Առեհ Կերեհ»ը արտասանելու, երբ յանկարծ անսովոր յուզում մը, իրարանցում մը, խուճապ մը պատեց բարեպաշտ ամբոխը :

Տաճարը պահ մը սկսաւ ալեկոծուիլ խուլ մը ունչիւն մը, մանկիկներու, կիներու խառնածայն վայնասուն լսուեցաւ, ու պատարագը դադրեցաւ :

Դուրսէն, Տաճարին գաւթին մէջէն որոշակի կը լսուէր աղաղակը :

— Օգնութիւն, օգնութիւն, թշնամին դուռը հասաւ . . . :

Ու տակաւ կը բարձրանար աղաղակը :

Խուճապը տարածուեցաւ իսկոյն և ամբոխը խելայեղօրէն սկսաւ դուրս խուժել :

Մէկ երկու վայրկեան , և ա՛նա՛ տաճարը պարպրեցաւ :

— Դշնամին զո՛ւրը հասաւ , կը գոչէին ամէն կողմէ :

Կաթողիկոս ու թագաւոր , իշխաններուն հետ դուրս վազեցին :

Անկարելի էր հանդարտեցնել ամբոխը , որ փոթորկատանջ ալիքներու պէս կ'ելեւէջէր :

Վտանգը ստոյգ էր , իրական , վճռական :

— Ապուլէքիրի բանակը , զո՛ւրը հասաւ , զո՛ւրը , պարիսպներուն ո՛տքը . . . . :

Այս ահազանգը կը լսուէր միտջն ու հաւատացեալները սարսափահար ու սրտաբեկ , եկեղեցիներէն դուրս կը թափուէին :

Մայրաքաղաքին փողոցներուն մէջէն անկարելի էր անցքը :

Ժողովուրդը խուճապահար , խօլ վազքով մը , զիրար կը հալածէին , կը փախչէին , առանց զիտնայու թէ ո՛ւր :

Ժամ , պատարագ , հանդէս , ամէն ինչ կոնդառաւ ու «ճրագալոյց»ը Լացի Գիթեռ»ի փոխւեցաւ :

Ամենուրեք լացուկոծ , ամենուրեք յուսահատական գոռում գոչումներ :

Սակայն վտանգը մեծ էր , ահաւոր , անխուսափելի :

Ապուլէքիրի բանակը , տասնըհինգ հազար զինուած ու վայրագ հրոսակներէ բաղկացած , եկած վրանները լարած էր պարիսպներուն ոտքը , և դիշերուան մութին կը սպասէր յարձակում գործելու համար մայրաքաղաքին վրայ :

Հետզհետէ կը հասնէին գուժկանները :

Մայրաքաղաքին անպաշտպանելի թաղերը , եզերքի բոլոր բնակարանները քանդուած , բնակիչները սրէ անցուած էին , առանց խնայուելու տարիքը կամ սեռը :

Յունվարի ցրտաշունչ քամին կը բերէր դեռ նոր թափուած արիւնի գաղջ հոտը , Սիւ համակ արիւն կը բուրէր ու ճրագալոյցը կ'ըլլար Արիւնոտ ճրագալոյց մը . . .

Հա՛րկ է արդեօք յիշեցնել որ՝ Պարոն Վասիլ , իր համախօն դաւաճաններով , Եգիպտոսէն այդ պատուհասը հրաւիրելէ յետոյ , իրենք ալ կանխաւ անցած էին Ապուլէքիրի բանակը , բահացոյց եղած ու իրենց առաջնորդութեամբ բերած էին զայն Սոյ դուններուն առջեւ . . . :

Ո՛ր վրձինը պիտի կրնար նկարել մայրաքաղաքին փողոցներէն վազող արիւնի հեղե՛ղը . ո՛ր գրիչը պիտի կրնար արտայայտել հոգեւարքի գալարումներով չարչարուող վերաւորուածներուն վերջին հառաչանքները . . . .

Այնպէս չէր չարապետը , Մայր - Տաճարի սրբատաշ քարերուն վրայ գետնամած տարածուած , կ'աղօթէր :

Սակայն անդին , քանի մը քայլ հեռու , կարմիր արիւնը կը հոսէր ու կը ներկէր առններուն սեմերը :

Հո՛ն էր տրիւնախանձ թշնամին , հո՛ն էին . անոր թելին տակ մտած , հո՛ն էին ազգին անխիղճ ու վատ դահիճները . . . .

Ապուլէքիրի զինուորներէն քանի մը վաշտեր վերջին Բեռլը

սկսած էին արդէն քաղաքին զանազան կէտերը գրաւել, այրելով, քանդելով, ջարդելով:

Սրտակեղև՝ ք, քսամների՝ տեսարան:

Լեւոն թագաւորը մէջտեղ չկար, ո՛չ ոք կ'երեւար իշխաններէն, ո՛ւր, ո՛ւր փախած էին արդեօք...:

Վերջապէս գիշերը վրայ հասաւ, ազիտարեր ու չարագուշակ գիշերը:

Եզիպտացի զօրավարը նախաւզէս պատրաստած էր յարձակողականը, զինք հրաւիրող ազգադաւ իշխաններուն խորհրդով ու ցուցմունքովը: Անի կը սպասէր որ մուծը լաւ մը թանձրանար, որպէս զի վճռական յարձակումով մը ներս մտնէր ու գերի բռնէր Եւրոպայի բարեկամը Լուսինեանը:

Միջնաբերդը քաշուած բնակիչները, ինչպէս նաեւ հեղրոնի թաղերուն մէջ ամրացածները, գերագոյն ճգնաժամին մէջ, իրենց բնակարաններուն լոյսերը մարեցին, իբրևք զիրենք այդ միջոցով ծածկելով թշնամի բանակէն որուն վրանները սակայն, կ'ողողուէին լոյսերու մէջ:

Կաթողիկոսը կ'աղօթէր ու կ'աղօթէր, յուսարով այս կերպով հեռացնել պատուհանը:

Բայց ո՛ւր էր, ի՞նչ կ'ընէր թագաւորը նոյն պահուն:

Լեւոն Ե. անգործ չէր նստած, վրաւոր առիւծի պէս մռնչելով, անմիջապէս իր շուրջը համախմբած էր փոքրաթիւ, բայց քաջամարդ պատերազմիկներու հաւատարիմ վաշտերը, և առանց բոպէ մը կորսնցնելու, նաեւ միշտ պահելով իր

մտքի ներկայութեան հետ իր պաղարիւնը, յաջաւած էր մայրաքաղաքին շուրջը խրամներ բանալ. թակարդի մէջ ձգելու համար յարձակող գունդերը:

Իսկ Ապուպէքիր, վայրերուն տգէտը, կ'ըզգուշանար խիզախելու, միշտ կը շարժէր դաւաճան հայ իշխաններուն խորհուրդովը, որոնք կը սրտապընդէին զինքը, Սոսեցիներուն տկար կողմերը մասնանշելով:

Ու գիշերը կ'առաջանար:

Մայրաքաղաքին եզերքները քանի մը ժաման մէջ խրամատներ բացուած ու պատնէշներ շինուած էին. այնպէս որ, ժամանակի մը համար գո, նէ, քաղաքին պաշտպանութիւնը կրնար ապահովուած նկատուիլ, բան մը, որ բարեբաղդարար անծանօթ կը մտար իշխամի բանակին: Ապուպէքիր, խորհրդատու դաւաճաններէն քաջալերուած, պատրաստ որսի մը վրայ յարձակող զաղանի մը արամադրութիւնը կը զգար իր մէջ և երբէք չէր սպասեր ու և է զիմադրութեան փորձ մը, Հայոց կողմէն:

Ուստի, երբ կէս գիշերուան պահը հասաւ, հրամայեց իսկոյն մարիլ լոյսերը, քակել տուաւ վրանները, և անմիջական յարձակման ազդանշանը տուաւ բանակին: Իսկ այս վերջինը, քրիստոնեայ արիւնի ու թալանի ծարաւի, զայրերու վոհմակներու պէս սռնալով, մոլեգին թափով մը խոյացաւ մայրաքաղաքին վրայ:

Ներսէն, խորունկ լռութեան ու խաւարի մէջ թաղուած թաղերուն ծոցէն, եզերական ձայներու

լացուկոծի խուլ արձագանգը կը հասնէր. մինչ  
զուրաքէն, եգիպտական բանակին սպառնակած ժը-  
խորը կը թնդացնէր օդը:

Հայոց թագաւորին պաշտպան գունդերը փո-  
րի վրայ պառկած, իրամասներուն երկայնքը,  
պատնէչներու ետին կը դարձնէին. մութին մէ-  
ջէն զիտելով թշնամի խուժանին յառաջխաղա-  
ցումը:

Նոյն պահուն, մունետիկներու ոգեւորիչ ձայ-  
ները լսուեցան գլխաւոր փողոցներուն մէջ, բնա-  
կիչներուն ասետելով Լեւոն թագաւորին յաղթու-  
թիւնը:

Յաղթութիւն, յաղթութիւն, կը գոչէին ա-  
մէն կողմէ:

Սակայն ո՛չ ոք կը հաւատար մունետիկներուն  
ո՛չ ոք կը համարձակէր լոյս վառել, ա՛յնքան ընկ-  
ձուած էին սարսափի տակ:

Աւետաբեր ձայները բարձրացան.

— Աւետիւն ձեզի, Սսեցիներ, աւետիւն:

Իրաւունք ունէին մունետիկները. Լեւոն Ե. ի  
կողմէն զրկուած էին.

Գաղտնիքը պարզուեցաւ շուտով:

Ապուպէքիրի բանակին յառաջապահներէն կա-  
րեւոր մաս մը, թակարդի մէջ բռնուած էր ու  
ինկած՝ գիշերով փորուած իրամասներուն մէջ, և  
ո՛չ ոք անոնցմէ կրցած էր ճողուպրի:

Հարիւրաւոր զիակներ, իրարու վրայ ինկած  
ու զիզուած, փոսերը լեցուած էին:

Բօթը կը տարածուէր. անմիջապէս թշնամի բա-  
նակներուն մէջ և Ապուպէքիր կը դայրանար դա-

ւածան իշխաններուն դէմ, կարծելով թէ ասոնք  
զինքը դիտամբ խտրած էին, անպատրաստ ու  
անպաշտպան ներկայացնելով Լեւոն թագաւորը:  
Ու նոյն գիշերը այս վատերէն մէկ երկուքը ցից  
կը հանէ. գէթ քիչ մը մեղմելու համար իր կա-  
տազութեան թափը:

Թագաւորին հրամանով ու կարգադրութեամբ,  
մայրաքաղաքին շրջապատը զինւորական կուռ շըղ-  
թայ մը կը ձգուի, մէկ գիշերուան մէջ փորուած  
խրամասներուն եզերքը:

Ահարեկ ընակիչները, որոնք քիչ առաջ իրենց  
եզերական վախճանին կը պատրաստուէին, լսելով  
յարձակող թշնամի զօրքերուն առաջին ձախող-  
ւածքը, պահ մը կ'ոգեւորուին ու կը սկսին գո-  
հարանական մագթանքներ ուղղել քրիստոնեայ  
Փրկչին որ այսպէս, ճգնաժամային ու գերագոյն  
բոպէին կը հասնէր ու կը պաշտպանէր իր երկրպա-  
գուները:

Սարսափը շատով կը փարատի և եկեղեցիներ-  
ու զանգակները կը սկսին աւելի ուժգին զօղան-  
ջել, արիւնոտ ճրագաւրոյցին փոխարէն՝ երջանիկ  
Ս. Ծնունդ մը սոնելու համար:

Հետեւեալ օրը կանուխ, արշալոյսին, արդէն  
տարածուած էր բարի լուրը մայրաքաղաքին բոլոր  
անկիւնները

Ու երբ արեւը ծագեցաւ, Սիս իր առջի  
օրուան զուարթութիւնը վերստացաւ: Մէկ քանի  
տասնեակ ընտանիքներ միայն, քաղաքին ծայրերը  
բնակողները, առաջին յարձակման գոհերէն, իրենց  
անգուլթ բախտը կ'ողբային ու կը փնտռէին իրենց

սիրելիներուն զիակաները, գոնէ անթաղ և առանց գերեզմանի չձգելու համար զանոնք:

Իսկ եգիպտացի զօրավարը, իր կրած ծանր պարտութենէն ամօթահար, ետ ետ կը քաշուէր, անզգալի նահանջով մը, Սոոյ սահմաններէն հեռանալով, և սպասելով պատենազօյն րոպէին:

## ԺԶ.

### ՎԻՐԱՒՈՐ ԱՌԻԻԾԸ

Ս. Ծնունդի անսպասելի յաղթանակը վաղանցիկ սփոփանքի մը տպաւորութիւնը թողուց միայն և տեւական յաջողութեան մը հանգամանքէն զուրկ էր: Եւ ասիկա ծանօթ էր Լեւոնի՝ իր բովանդակ դառնութեամբ, ու անգթութեամբը:

Իսկ ազգայնական իշխանները, Արծրունի, Ապղարիպեաններ, Մեծ Հայքի նախարարութիւններէն յիշելափառ բեկորներ, ամենքն ալ դժգոհ էին Լեւոնէն ու կը պարտաւէին անոր արեւմտասէր քաղաքականութիւնը:

Ժամանակին Կաթողիկոսը Պօղոս Ա. որ յորդորած էր, աղերսելով ու պաղատելով, այլազգի, դրացի հզօր պետութիւններուն հետ հաշտուելու և ասոնց հետ անկեղծ դաշնակցութիւն մը կազմելու, սակայն, Լեւոն համոզուած յատինամուլ մը, միշտ մերժած էր և իր այս անքաղաքագէտ ընթացքով իր վրայ հրաւիրած էր արտաքին թշնամիներու ատելութիւնը, միեւնոյն ժամանակ իրեն դէմ յարուցանելով ներքին անհաշտ ոտոխներ, որոնք անոր տապալումը կը ջանային փութացնել. հոգ չէ թէ

անոր անկումովը ջնջուէր նաեւ ազգային քաղաքական անկասութիւնը:

Լեւոն՝ ինք ալ գիտէր թէ իր ղիրքը խախտուած էր և թէ՛ Ապուպէքրի նահանջը կը նմանէր վազրի մը նահանջին, որսին վրայ աւելի ուժ գին ու մղիգին թափով մը յարձակելու և մահացու հարուածը կշռելու համար ապահով ու անվերէպ: Լեւոն գիտէր նաեւ թէ՛ անհաւասար կոխ մըն էր մղուածը, թէ ինք իրեններէն լքուած էր և սակայն ուխտած էր մինչեւ իր վերջին շունչը մարտնչիլ, արիւնի վերջին կաթիլը թափել ու չը թողուլ որ ձեռքէն յափշտակեն իր թագը:

Լեւոն Ե. ի այս յամառութիւնը շատ սուղի պիտի նստէր իրեն, որովհետեւ Պօղոս Ա. Կաթողիկոսն ալ, որ մինչեւ այն օրը չէր զատուեր քովէն ու կը պաշտպանէր, կամաց կամաց ուժացաւ ու լքեց թագաւորը:

Բնիկ ազգայնական իշխաններուն հետ միացած էր,

Ասոնք հայրենիքի հոգեւարքի րոպէին. թագաւորէն գաղտնի, գիշերային ժողով մը կը գումարեն և, երկար խորհրդակցութիւններէ վերջ, խիստ ծանրակշիռ որոշում մը կուտան:

Ժողովականները, Կաթողիկոսէն սխտալ, արքեպիսկոպոս, եպիսկոպոս, իշխան, բերդատէր, մայրաքաղաքին երեւելիները, հանրագրութիւն մը ստորագրեն, ուղղեալ՝ Հալէպի Սէյֆէտտին Ըշգթիմուր էն-Նաթրի Մերտինցի ամիրային, խնդրելով որ սուլթանին անունովը գայ զբաւէ Սիսը, և մասնաւոր սուրհանդակի մը յանձնելով զայն, կը զրկեն Հալէպ:

Ամիրան, արդէն տեղեկացած ըլլալով Լուսին-  
 եաններու զէմ բնիկ իշխաններուն դժգոհութեան,  
 երկրին ամէն կողմը սիրող անիշխանութեան և  
 Լեւոն Ե. ի ուժին որքանութեանը, սիրայօժար  
 կ'ընդունի Սահեյններուն հրաւերը, և Եգիպտոսի  
 Սուլթանէն հրահանգ կը ստանայ սաուարաթիւ  
 զօրքերով երթալ միանալու Ապուլպէրի բանա-  
 կին, որ նոյն միջոցին Կիլիկիոյ դաշտերը կ'ոռոգէր  
 անմեղ բնակիչներու արիւնովը:

Ս. Ծնունդին վրայ ճիշդ յիսուն օր անցած  
 էր, երբ Հալէպի ամիրան 15000 զօրքով եկաւ  
 փետուար 24ին, միանալու Ապուլպէրի բանա-  
 կին:

Սկս համբուր հասաւ Սիւս, արքունիքը գլըր-  
 դեցաւ:

Լեւոն մէկ ամսուան մէջ բաւական լուրջ պա-  
 տրաստութիւններ տեսած էր, ինքնապաշտպանու-  
 թեան ամէն կարելի միջոցները խորհած ու վճռած  
 էր դիւցազնօրէն մեռնիլ, չտեսնելու համար իր  
 թագաւորութեան խաւարումը: Ուստի, գոյժը հա-  
 զիւ առած, աճապարեց պարպիլ մայրաքաղաքը,  
 և բնակիչները տարաւ տեղաւորեց միջնաբերդին  
 մէջ:

Ստոյ դաշտը փոշիով ծածկուած էր, հազա-  
 րաւոր զօրքեր, վայրենի պուշտուքներով ու հայ-  
 հուհներով կը մօտենային, կը պատրաստէին ա-  
 մէն կողմէ պաշարել ու յետոյ միանուագ յարձա-  
 կում գործել քաղաքին վրայ:

Ամբողջ ցերեկը տեւեց պաշարման գործողու-  
 թիւնը, մինչ Լեւոն ամրացած էր միջնաբերդին  
 մէջ:

Գիշերը վրայ կը հասնի և թշնամի բանակը  
 տակաւին ո՛ր և է գործողութեան չձեռնարկեր, Սը-  
 սոյ շուրջը պաշարման շղթայ մը ձգած. կը սպասէ  
 ազդարար հրամանի մը:

Փետրուարի ամսամած ու մռայլ երկինք մը  
 կը կախուէր աղջամուղջի մէջ թաղուած մայրա-  
 քաղաքին վերեւ. փայլակներ կը սուրային մերթ  
 ընդ մերթ, խուլ սրտուններով, որոնց կուգար  
 խառնուիլ հեռաւոր լեռներէ հասնող վայրենի ձայ-  
 ներու արձագանգը:

Կէս գիշերուան խորհրդաւոր լուսութեան ու  
 խաղաղութեան պահուն, յանկարծ քաղաքին կեդ-  
 րոնէն ծուխ մը կը բարձրանայ. կը ծառանայ, յե-  
 սոյ քիչ քիչ մուխը բոցի կը փոխուի ու կը ծա-  
 ւայի շուրջանակի:

Նդրահան լուսավառութիւն մըն էր. հրդեհ  
 մը՝ վիշապածեւ կը գալարուէր ու կը սպառնար  
 լափել ամբողջ մայրաքաղաքը:

Ո՞ր ձեռքը գործած էր այս... ոճիրը:

Ոճիր...: Երբէ՛ք:

Լեւոն Ե. կ'աչրէր իր սեփական բոյնը, մաս-  
 նաւորապէս անպնշտպանելի մարերը մայրաքա-  
 ղաքին, որ քիչ յետոյ դատապարտուած էր գրաւ-  
 լիլ Ապուլպէրի աւարառու լոհմակներէն:

Սյո՛, կը հրդեհէր իր բոյնը. բան մը չը ձը-  
 գելու համար թշնամիներուն ձեռքը:

Իսկ ինք այ քաջուած միջնաբերդը, գերա-  
 գոյն մարտը պիտի մղէր, անհաւասար մարտը.  
 մէկ հոգի՛ հարիւրի զէմ, որովհետեւ իր ձեռքին  
 տակ հազիւ ունէր քանի մը հարիւր զինուորներ,  
 հաւատարիմ մնացածները...:

Հրդեհը տեւեց մինչեւ յաջորդ առտու։

Հետեւեալ օրը, լուսածագին, արտօրական գունդերը ներս խուժեցին մայրաքաղաքէն, տաք տաք մոխիրները կոխկռտելով՝ անցան, առաջացան դէպի բերդին՝ ստորոտը, ուր հաստատեցին քանդիչ դարաններն ու մեքենաները։

Սակայն անառիկ էր բերդը, Կիլիկիոյ մայրաքաղաքին վրայ իր արծիւի թեւերը տարածած, հսկայ, վիթխարի, պատկառազու պահապանը, որ դարերէ ի վեր կը հսկէր ու կը պաշտպանէր զայն։

Կռիւը կատաղի էր, առտու ուրնէ մինչեւ իրիկուն տեւեց, և սակայն անպարտելի կը մնար իր փոքրիկ խուճրով, նետի տարափ մը անզայնելով թըշնամիներու զլխուն, որոնք, չէին կրնար մազլցիլ ելլել վեր, վերէն անզայնել նետերուն և քարերուն կարկուտին տակ։

Յոգնած, ուժասպառ, երկուսեք զադրեցուցին թշնամութիւնները։

Նոյն օրուան ընդհարումներուն մէջ մեծ ջարդ մը արուած էր Ապուպէքիւրի ու Ամիրայի զօրքերուն, աւելի քան հազար հոգի, որոնց զիակները փռուած էին Միջնաբերդին ոտքը։ Իսկ Հայոց կողմէն հազիւ քանի մը սպաննուած ու երկու տասնեակ վերաօրուածներ կային, որոնց մէջ էր նաև նոյնինքն թագաւորը, կղակէն զարնուած։

Լեւոնի հակառակորդ հայ իշխանները շուտօրա՛ծ, երկու սուրի մէջ մնացած, չէին գիտեր ի՛նչպէս մխիթարել Ամիրան ու եգիպտացի զօրավարը, անոնց կրած պարտութեան ու ջարդին հա-

մար, որոնց հակահարուածը պիտի պայթէր իրենց զլխուն, կը խորհէին սրտի գողով։ Ուստի, այդ երկու կատաղի բռնաւորներուն կատաղութիւնը մեղմելու յոյսով, նոյն գիշերը կ'երթան բանակավայրը, և Ամիրայի վրանէն ներս մտնելով ունկընդբութիւն մը կը խնդրեն։

Կանանչ վրանին խորը, պարսկական թանկարժէք գորգերու վրայ նստած էր ծալապատիկ, մշտահոգ, խորատույզ, վագրի նայուածքը սեւեռած Սոյ իշխաններուն վրայ, համբիշի խոշոր գնաիկները զարձնելով աճառու աճեքներուն մէջ ու քրթին տակէն մրմնջելով աղօթք մը, թէ անէ՛ծքներ կը թափէր։

— Ի՞նչ կ'ուզէք, հարցուց վերջապէս խոժոռ դէմքով ու ճաթած ձայնով մը, ինչո՞ւ եկաք, խօսեցէ՛ք նայիմ։

— Ամիրա՛, ըսաւ իշխաններէն ալեգարդ Վահրամ, եկած ենք մեր ցաւակցութիւնները մատուցանելու յոտս Ձեր Բարձրութեան, այսօրուան ցաւալի կորուստներուն համար։

— Շնորհակա՛լ եմ, մրմնաց Ամիրան, ձիւնափայլ մօրուքը չարչարելով ձեռքին մէջ, բայց ի՞նչ դաւ էր այս, դուք չէի՞ք գէտեր առաջուց։

— Ո՞ր դաւ...։

— Հրդեհը, հրդեհը, կրկնեց Ամիրան վրէժխընդիր ակնարկ մը պարտցնելով ներկաներուն վրայ։

Իշխանները դողահար լռեցին։

— Տէ՛ր Ամիրա, յարեց վերջապէս իշխան մը.

եկած ենք խոնարհաբար աղերսելու ձեր Բարձրու-  
թեան արտօնութիւնը :

— Ի՛նչ արտօնութիւն . . .

— Թող առէ՛ք մեզի, շարունակեց իշխանը ,  
մենք անձամբ պիտի կուուինք , ողջ ողջ պիտի բռ-  
նենք մեր թագաւորը , և պիտի բերենք յանձնենք  
Ձեր Մեծութեան . . . :

Ամիրային վշտոտ դէմքը խնդաց .

Յետոյ դառնալով վահրամ իշխանին .

— Յարգելի՛ ձերունի , ըսաւ , գացէ՛ք , ըրէ՛ք  
ինչ որ վճռած էք , եթէ կարելի է . ա՛յս գիշեր ,  
մի՛ ձգէք վաղուան , եթէ չէք փափագիր անմեղ  
արիւնի հեղեղներ . . . :

Ամիրան կատաղութենէն կը հեւար :

Հայ իշխանները չուտով բաժնուեցան , գուրս  
եղան Ամիրային վրանէն , ու վերադարձան Սիս ,  
ուր դարձեալ գումարուեցան , Միջնաբերդին վրայ  
գիշերային յարձակում մը կազմակերպելու մասին  
խորհրդակցելու համար :



ԺԷ .

Մ Ի Ջ Ն Ա Բ Ե Ր Դ Ի Ն Շ ՈՒ Ր Ջ Ը

Միջնաբերդին շուրջը մղուած կատաղի ճա-  
կատամարտը , ինչպէս տեսանք արդէն , Լուսինեան  
ափ մը զինւորներուն փառաւոր յաղթանակովը  
վերջացած , ամէն լքում ու քայքայում ձգած էր  
ամիրային ու անոր զինակից գունդերու շարքին  
մէջ , որոնք , հազարէ աւելի զիակներ թողած ,  
Միջնաբերդին ստորտը , անկանոն նահանջով մը  
լեղապատառ փախած ապաստանած էին մտակայ  
գաշտերուն մէջ ու ժայռերուն խոռոչները :

Սակայն , Լեւոն Ե .ի արիւնին ծարաւի վատ  
ու դաւաճան իշխանները , որոնք Ամիրային վրա-  
նին մէջ հանդիսաւոր երդումով մը խոստացած էին  
ողջ ողջ բռնել ու անոր յանձնել իրենց թագաւո-  
րը . բնականաբար չպիտի նստէին անգործ :

Այս ազգադաւ հրէշները , իրենց վարձկան  
լրտեսներու շնորհիւ , կրցած էին ժամանակին տե-  
ղեկանալ Լեւոն Ե .ի կողմէն ծրագրուած բոլոր  
ուազմագիտական գաղտնիքներուն և ուխտած էին  
ամէն գնով յարձակիլ անառիկ բերդին վրայ , ո-  
րուն ապահով աշտարակներէն մէկուն մէջ քաշ-  
ւած էր անի իրեն հաւատարիմ թիկնապահներով  
ու պալատականներով :

Ամիրային վրանէն վերադարձած , նոյն գիշե-  
րը ժողով մը գումարած էին , վճռական յարձակ-

ման մը մասին կարեւոր կարգադրութիւններ ընելու համար :

Բայց որովհետեւ Միջնաբերդին շուրջը բաւականաչափ պահակ զինւորներ կը սպասէին . ամէն պատահականութեան դէմ պատրաստ գտնուելու և բերդին մէջ ամրացած զինւորները ժամանակին զգուշացնելու համար , դաւաղիր իշխանները չէին համարձակիր յախուռն յարձակման մը ձեռնարկելու :

Գիշերային ժողովը գումարուած էր ասպետ Մատթէոս ար Շապպի սպարանքին մէջ : Այս ասպետը Լեւոն Ե . ի թագադրութեան օրը դիւանապետ կարգուած էր , Հայոց տէրութեան և նոյն ինքն Լեւոնի հրամանով ամուսնացած էր կոստանդին Դ . թագաւորին այրիին հետ . մէկ խօսքով . Հայոց թագաւորինը արերարեալը կը նկատուէր . անոր ասպերախտ արարածը , որ հիմա դաւաճան իշխաննեհեա միացած . իր բարերարի կեանքին դէմ դաւարուն դրութիւն մը կը կաղմակերպէր . . .

Նոյն գիշերաժողովին ներկայ էին գրեթէ բոլոր զինաւոր դաւաղիրները . Պարոն Վասիլ , Բարթողիմէ , Վահրամ իշխան , որոնց պարագլուխը կամ ղեկավարը՝ կը համարուէր ասպետ Մատթէոս ար Շապպ :

— Տեսարք իմ , ըսաւ ասպերախտ ասպետը , դառնալով ներկաներուն . Ամիրան կատղած է , բոց կը ժայթքէ , ա՛լ ուրիշ ճար չմնաց մեզի համար , պէտք է ժամ առաջ վերջ մը դնենք այս կացութեան :

— Մոռցա՞ք , ընդմիջեց ծերունի Վահրամ իշ-

խանը , մոռցա՞ք Ամիրային սպառնական խօսքերը , երբ կը մեկնէինք իր վրանէն :

— Ի՞նչպէս , հարցուց Պ . Վասիլ , ի՞նչ ըսաւ Ամիրան , անգամ մըն ալ կրկնեցէք :

— «Եթէ չէք փափագիր տեսնել անմեղ արեան հեղեղներ . . . » շարունակեց Վահրամ իշխանը , չէ՞ք գիտեր ինչ ըսել կ'ուզէր :

— Յայտնի՛ է , յայտնի՛ , յարեց ուրիշ իշխան մը , եթէ մենք չյաջողինք գերի բռնել ու Ամիրային յանձնել մեր դժբաղդ երկրին այս պատուհասը , գիտցա՞՞ծ ըլլաք , շատ անմեղ արիւնի հեղեղներ պիտի հոսին . . . :

Ժողովականները սարսփահար , իրարու երես կը նայէին , առանց խօսելու ,

— Ուստի , շարունակեց ար Շապպ ասպետը , մէկ միջոց կայ .

— Ի՞նչ միջոց , հարցուցին ժողովականները , անձկօտ ու տենդագին :

— Միջոցը մէ՛կ է , մէ՛կ , շարունակեց ասպետը , կա՛մ ողջ ողջ բռնելու է անօլէ՛նը , և կամ , եթէ չյաջողինք՝ ողջ բռնել , սպաննել է , ըսպաննել :

— Բայց կարելի՞ է , հարցուց Վահրամ իշխանը՝ դժուարահաւան մէկու մը դէմքով . Միջնաբերդէն ներս ինչպէ՛ս պիտի մտնեն :

— Դիւրին է , դիւրին է , յարեց ասպետը յոխորտ շարժումով մը , ես գիտեմ իր թագաստոցը , ե՛ս պիտի բռնեմ զինքը , ե՛ս . . .

Այս խրոխտ յայտարարութիւնը պահ մը հանդարտեցուց ժողովականներուն վրդովմունքը : Շա-

տերը կը ճաշնային Մատթէոս աը Շապպի այսօրինակ դործունէութիւնը, և յաճախ ակամատես եղած էին անոր նախճիրներուն :

Միաձայնութեամբ որոշուեցաւ Լեւոն թագաւորի կեանքին դէմ ծրագրուած դաւադրութիւնը գործադրել առանց ժամանակ կորսնցնելու, և առանց յուսահատելու ամէն խոշընդոտի առջեւ :

Անդին Միջնաբերդին մէջ, յուզիչ արարողութիւն մը կը կատարուէր :

Լեւոն Ե. իր սակաւաթիւ, բայց անձնուէր ու հաւատարիմ զինակիցները շուրջը հաւաքած, հանդիսաւոր ներդում ընել կուտար անոնց մինչեւ իրենց վերջին շունչը կուտելու և մեռնելու :

Վերջին փառասոր յաղթութեան վրայ հազիւ թէ մէկ ամիս անցեր էր և Լեւոնի ստացած ծնօտի վէրքը տակաւին չէր սպիւացած :

Մարտ 24ի գիշերը . . . :

Երկինքը խաւար, գետինը խաւար, համատարած ու գերեզմանային լուծիւն մը կը տիրապետէր ամէն կողմ, արհաւրալից խաղաղութեան մը մէջ : Վերէն անդադար կը տեղար յորդ անձրեւ մը, մրրիկը մոլեգին կը սուլէր ու մերթ ընդ մերթ, ամպերուն թանձր վարագոյրը կը ճեղքուէր փայլակներով, որոնց կը յաջորդէին խուլ, երկարածիք որոտումներ :

Միջնաբերդը մառախուղի մէջ փաթթուած, հսկայ, ահազին հասակը մութին մէջէն կը ցցուէր, ո՛չ մէկ լոյս, ո՛չ մէկ շշուկ, ո՛չ մէկ չարժում, բոլոր առարկաները, քարերը, թուփերը, ամէնը քրնացած, մեռած էին :

Անա՛ այդ չարաչուք, այդ սոսկալի, այդ յղի գիշերուան մէջ պիտի գործադրուէք ոճիրը :

Միջնաբերդի պահապանները, խորունկ քունի մէջ ընկզմած, կը խորգային շարունակ, մինչ բոլորաթը տարերքներուն մոլեգին մենամարար կը մղուէր,

Անգո՛ւթ դարձում, վայրկենապէս կշռեցին իրենց կացութիւնը, ըմբռնեցին ահաւոր իրականութիւնը, պաշարուած, կորսուած էին . . . :

Դաւազիրները, իրենց պարագլուխ ունենալով արքունի դիւանապետ տապեա Մատթէոս աը Շապպը, զիսցած էին օգտուել նոյն գիշերուան աղջամուղջէն, տեղացող յորդաւատ անձրեւներէն ու փչող կատաղի մրրիկներէն :

Ասանք յաջողած էին լրաններու օգնութեամբ առանց ս և է ընդդիմութեան հանդիպելու, Միջնաբերդին շուրջը արտաքին շղթայ մը ձգել : Գրաւած էին արդէն պարիսպին արտաքին մեծ դուռը. կը մնար միայն սղջ սղջ բռնել կամ սպաննել բերդապահները :

Եւ իսկոյն գործադրուեցաւ հրամանատար սպետին հրամանը :

Բերդապահները մէկիկ մէկիկ մորթուեցան զրոտան առջեւ :

Խուճապ տագնապի մէջսցին, բերդապահ մը բերդապան մը միայն յաջողեցաւ փախչել և ահագանգը հնչեցնել Միջնաբերդի բնակիչներուն :



ԺԸ.

Վ Ե Ր Զ Ի Ն Բ Ե Ր Դ Ը

Մինչ դուրսը դաւադիրներուն վստփակը մոյե-  
գնած, արիւնտոտ նախճիրներ կը գործէր, ասդին,  
անատիկ աշտարակի մը մէջ, մենաւոր խուցի մը  
խորը քաշուած, կը պառկէր Լեւոն Ե., կիլիկիոց  
վերջին օրերու թագաւորը:

Ամբողջ գիշերը քունը չէր տարած. կոխիւն  
մէջ ստացած ծնօտի վերքին կակիծէն:

Հագիւ թէ աչքերը պիտի փակէր, յանկարծ  
խուցին դուռը բազխեցին:

Լեւոն ընդօստ ելաւ ու նստաւ անկողնին  
մէջ:

Դուռին հարուածները կրկնուեցան:

Դուրսէն պաղատագին ձայն մը կը լսուէր  
միայն:

Անկողնէն վար իջաւ թագաւորը, դուռին մօ-  
տեցաւ, ականջ դրաւ:

Յստակօրէն կը լսուէր:

— Տէր արքայ, Միջնաբերդը գրաւուած է,  
դուռը բացէ՛ք:

— Ո՞վ ես դուն, հարցուց Լեւոն:

— Օչին, ձեք հաւատարիմ թիկնապահը,  
պատասխանեց դուրսի ձայնը:

Թագաւորը դուռը բացաւ, ներս առաւ թիկ-  
նապահը, և յետոյ, ամուր մը կղպեց դուռը:

Ամբողջ մարմնովը կը դողար խեղճ մարդուկը,  
լեզուն բռնուած, պահ մը թագաւորին դիմացը  
կեցած մնաց արձանի մը պէս լուռ:

Յետոյ, բուռն ճիգով մը.

— Տէր Արքայ, ըսաւ, սուչ է, սուչ:

— Ի՞նչպէս...:

— Միջնաբերդը գրաւուած է արդէն:

— Ի՞նչ կ'ըսես, ընդմիջեց թագաւորը յուզ-  
ւած ձայնով մը:

— Այո՛, թշնամիներուն ձեռքը կը գտնուի  
այս պահուս, շարունակեց զուժկանը:

— Բերդապահներս...:

— Մօրթեցին, յարեց Օչին. և՛ս միայն յա-  
ջողեցայ փախչիլ. արիւնը հեղեղի պէս կը հոսի,  
մուրթին մէջ զիրար կը ջարդեն...:

Արքայական խուցին կից ուրիշ քանի մը խու-  
ցեր ալ կային, պալատականներուն յատկացուած,  
ուր, կը պառկէին թագուհին, Ֆիմի կոմսուհին,  
Սոնիէս մարաջախտը և միւս հաւատարիմ պաշ-  
տօնատարները:

Վայրկեանը վճապան էր, Լեւոն ամփոփեց  
ինքզինք և հակառակ ծնօտի վէրքին, որ կը յա-  
մառէր նեղել զինքը, առանց իր պաղարիւնը կոր-  
սընցնելու, ձայն տուաւ քովի խուցերու բնակիչ-  
ներուն, որոնք սարսափահար, վայնասուններ  
փրցուցին:

Աննկարագրելի էր խուճապը, Լեւոն գուր կը  
յորդարէր ու կը խրախուսէր, թագուհին ու կոմ-  
սուհին, երկուքն ալ նուազեցան:

Մակայն վայրկեանները կը սասէին, ժամա-  
նակը շատ ուշ էր, թշնամին Միջնաբերդին տիրա-

ցած, կը սպառնար յարձակիլ Լեւոնի ամբացած աշտարակին վրայ, — վերջին բերդը . . . :

Լեւոն նոյն պահուն վիրաւոր առիւծ մըն էր, յուսահատօրէն կը պտուաքէր իր կորիւններուն բոյրօրտիքը :

Իսկ Օշին, գուժկան դիկնապահը, կ'արտօրար, կ'աղաչէր, կը պաղատէր, հաւատարիմ շան մը պէս իր տիրոջը սաքերուն կը փաթթուէր :

— Փախչի՛նք, տէ՛ր Արքայ, կը կրկնէր լաւագին ձայնով մը, վտանգը դուռը հասաւ, քանի մը րոպէի խնդի՛ր է :

— Ի՞նչը, հարցուց թագաւորը :

— Աշտարակին անկո՛ւմը, պատասխանեց Օշին :

— Ո՞ւր փախչի՛նք, ո՞ւր թողունք թագուհին ու . . . :

Վերջին բառը չէր արտասանած, և ա՜նա՛ տապարի ուժգին հարուած մը՝ խուցին դուռին :

Հարուածը կրկնուեցաւ, դուրսի աղմուկը ժխորի փոխուեցաւ, վայրենի աղաղակներ, կը հայհոյէին, կ'անիծէին . . . :

Աշտարակին դուռը բարեբախտաբար ամուր էր, երկաթէ դուռ մը որ շուտով և դիւրաւ պիտի տեղի չտար ու պիտի կրնար ժամանակ մը առկալ տապարի հարուածներուն, որոնք կ'իջնէին անդադար :

Իսկ աշտարակին ծոցը, խուցերուն մէջ, սըրտակեղեք սեսարան մը կը պարզուէր. պալատականները խուճապահար ու խելակորոյց, իրարու կը փաթթուէին յուսահատօրէն ու իրարմէ հրաժեշտ կ'առնէին :

Օշին չարունակ կը սօսպէր, կը պաղատէր թագաւորին, ժամ առաջ փախչելու :

Գուռը տապարի հարուածներուն տակ կը հեծէր. աշտարակին որմերը փլցնելու և մուտքը բռնադատելու համար ի գործ դրուած խուժանի կատաղի ճիգերը պիտի վերջապէս յաջողութեամբ պսակուէին :

Լեւոն հեռզհետէ կը թուլնար, կը արամաղբրէր սեղի տայու իր հաւատարիմ թիկնապահի թախանձանքներուն : Ինք գիտէր փախուստի ճամբան, բայց իրենները կը խորհէր, թագուհին, զաւակները, սիրելի պալատականները. կը խորհէր թէ պիտի կրնային ամէնքը միասին փախչիլ :

Եւ սակայն, տապարի հարուածներուն տակ, երկրորդ դուռը ջախջախուելու նշաններ ցոյց կուտար :

Վայրկեանը՝ գերագոյն, վտանգը՝ ստոյգ, մահը մտապուտ էր :

— Օշին, Օշին, քսաւ Լեւոն յուսահատ շեշտով մը, իրա՛ւունք ունիս, ա՛ն ուրիմն սա պարանը :

Եւ երկայն պարան մը յանձնեց թիկնապահին :

— Ա՛ն ու՛մէջքս կապէ՛, հրամայեց Լեւոն :

Օշին տենդոտ արագութեամբ մը գործադրեց արքային հրամանը :

Լեւոն, մէջքի պարանովը վար սահեցաւ աշտարակէն. իր օրինակին հետեւեցան երեք հաւատարիմ թիկնապահները, որոց մէկը յոյն էր, ինչպէս նաեւ քանի մը պալատականներ :

Սակայն, այս ընդհանուր խուճապին մէջ թա-

գուհին խելակորոյս ու շլժորած, իր զաւակներով միասին փակուած արգիլուած մնաց աշտարակին մէջ:

Վերջին ուժգին հարուած մըն սլ, և ահա՛ խորտակուեցաւ ու կռնակին վրայ ինկաւ երկօթէ դուռը:

Շաւաղիրներուն պէտք՝ Մատթէոս տը Շապոյ ասպետը՝ սովահար վաղրի մը թափով խոյսցաւ Լեւոն Ե.ի ապաստանած խուցը, ամէն անկիւն խուզարկեց, և անկողինը թափուր գտնելով, սկսաւ հայտնուցնել ու լուտանգնել թափել աջ ու ձախ:

Յետոյ անցաւ միւս խուցերուն մէջ, ուր կը յուսար գտնել ու ձերբակալել թագաւորը — որ զինք արքունի զիւանապետ ստեղծած էր — և յանձնել Ամիրային: Բայց, փոխանակ անոր, հոն գետինը նուազած ինկած գտաւ թագուհին, մինչ իր զաւակները բոլորաբար կը դառնային լալակոծ:

Տը Շապոյ ասպետին կատաղութիւնը զինիթը հասած էր. առաջին հանդիպողը պիտի փարտաէր ու յօշոտէր:

Խնթի պէս խուցերուն մէջ կը դառնար, բոլոր անկիւնները կը խուզարկէր, հոն մնացած քանի մը խեղճուկ պալատականները կը նեղէր ու կը խոշտանգէր մահուան սպառնալիքներով փախըտական թագաւորին թագասոցը ցոյց տալու համար:

Սակայն այս ամէնը, չունեցաւ և ոչ մէկ սրգիւնք:

Թագուհին սթափած, հաղիւ թէ կը բանայ իր

արցունքոտ սչքերը, զիսուն վերեւ կանգնած կը տեսնէ տը Շապոյ ասպետը, իր երբեմնի հլու պաշտօնեան, որ զիւային ժպիտով մը կը դիտէր տնոր յուսահատական նուագները:

Այս մարդագագանը կը խորհէր թագուհին ենթարկել ֆիզիքական սանջանքներու, չուտով երեւան հանել տալու համար թագաւորին թագասոցը: Ուստի քովի զինւորներուն կ'ազդարարէ թագուհին զատել իր զաւակներէն, մթին խցիկ մը նետել ու արգելափակել զանի:

Զինւորները վայրկենապէս կը գործադրեն ասպետին հրամանը:

Ստեփան իրերը յանկարծ կը փոխուին: Դուրսը, դաւաղիր խմբակը պաշարուած կը գտնէ ինքզինք բերդին Լեւոնեան զինւորներէն, որոնք, մորթուած բերդապահներուն վրէժը լիովին լուծած ըլլալու համար, այդ դաւաճանները զատ զատ կը պառկեցընեն քարերուն վրայ ու կը մորթաւեն:

Այսպէս, բերդը դաւաղիրներէն ամբողջովին մաքրագործելէ յետոյ, խմբովին նեյս կը խուժեն աշտարակէն, ուր տը Շապոյ ասպետը տակաւին պատգամներ կ'որոտար:

Այս անգամ Լեւոնի զինւորները պաշարեցին Մատթէոս տը Շապոյ ատտետին խուժըրը, որ աշտարակին տիրացած, թագուհին ու զաւակները բանտարկած, տակաւին կը փնտռէր ու չէր կրնար գտնել թագաւորը:

Վրոյր, Մարուն Դշխոյի անձնուէր թիկնապահը, յովազի ոստուժով մը նետուեցաւ ասպետին

վրայ, ու մերկ սուրբ բարձրացուցած օղին մէջ.

— Դաւաճան, պօռուց ար Շապուի երեսին, խօսէ՛, շուա խօսէ՛, ս'եր է թագուհին:

Ասպետին զողը բռնեց, ու սկսաւ թոթովիկ: Վրոյր, առանց սպասելու պատասխանին, ձեռքի սուրը շողացուց ու դաւաճանին գլուխը վայրկենապէս անջատեց իրանէն և թոցուց օղին մէջ:

Գլխով մարմինը սկսաւ թաւալիլ յատակին վրայ, նոր մօրթուած եզան մը ջղաձգային գալարումներով:

Վրոյրի օրինակը խրախուսիչ էր. խուճը խուճը գինւորներ կը յարձակին միւս դաւաճաններուն վրայ, մէկիկ մէկիկ կը խողխողեն գանձք ու վերստին բացարձակ աէրը կը դառնան աշտարակին, ուր սակայն յամառ վնասաւնքներէ վերջ, շկարեհալով գանել իրենց սիրելի թագուհին, կը ախրին ու կը յուսահատին:

Երբ այսպէս ձեռնունայն կը պատրաստուէին դուրս ելլել աշտարակէն, Վրոյր, որ բոլոր խուցերը կ'անցնէր աչքէ, խուցի մը խորէն յանկարծ կը գոչէ.

— Եկէ՛ք, հո՛ս է, եկէ՛ք, ա՛յս կողմը...

Հեղեղի պէս դէպի խուցը վազեցին ամենքն ալ...

Վրոյր, դառնալով գինւորներուն, որոնք զինք կը շրջապատէին.

— Ընկերներ, ըսաւ, եկէ՛ք, տեսէ՛ք, ահա թագուհին, կապանքի ու արգելքի տակ...

Ներսէն կը լսուէր Մարուն Դշխոյի աղիխարչ հեծեծանքը.

— Զաւակներս, ո՛ւր են զաւակներս:

Վերջապէս արքայօրդիներն ալ դուրս ելան հանուեցան բանտէն ու յողթական գինւորները խնդութեան. երգերով կը թնդացնէին աշտարակին կամարները, երբ դուրսէն ուրիշ բազմութիւն մը ներս կը խուժէ:

— Թագաւորը, թագաւորը, կ'աղաղակէր բազմութիւնը, ահա՛ կուգայ մեր սիրելի թագաւորը:

Արդարեւ Լեւոն Ե. էր, որ իրօրաաքայլ կ'առաջանար իրեն հետ ունենալով Պօղոս Ա. Կաթողիկոսը, Սոհիէն մարաջախօր, Ֆիմի կոմսուհին, աւագ իշխանները, ամէնք քսան հողի:

Բերդին բովանդակ զինեալ բնակչութիւնը խանդավառ ծափերով կ'ընդունէր Լեւոն Ե. ը, որ օգնական ընտիր ուժերով յաջողած էր վերագրաւել բերդը. այսպէս անակնկալի բերելով դաւաճաններուն ու ասոնց զաշնակցած ամիրային գունդերը:

Հայկական այս անսպասելի յողթութեան բոթը շուտով կը հասնի ամիրային վրանը, որ կատաղութեանէն փրփրած գիշերաժողով մը կը գումարէ, Տաւուս պէկի, Ապուպէքիրի և միացեալ բանակներու սպայակոյտին ներկայութեան:

Այդ ժողովին մէջ պիտի վճռուէր Կիլիկիոյ հայկական թագաւորութեան բախտը: Հոն կ'որոշուի բովանդակ բանակը քաղցնել մայրաքաղաքին վրայ, բերդին վրայ վերջնական ու վճռական յարձակում մը գործել, սղջ սղջ գերի բռնել թագաւորը, քորուքանդ ընել Կիլիկիոյ չէն չէն քաղաքները, զիւղերն ու աւանները, հողի հաւա-

սար ընել բոլոր բերքերը, մէկ խօսքով մահացու հարուածը տալ Սիսուանի անկախութեան :

— Ալլահ վկայ, կը գոչէ Ամիրան, պիտի քանդեմ այդ Վերջին Բերդը, ապստամբ անհաւատներուն այդ վերջին սրջը . . . :

Բոլոր ներկաները, իրենց սուրին վրայ կ'երդնուն կատարել ամիրային հրամանը :

Դիշերածողովը կը վերջանայ, զօրավարները կը ցրուին իւրաքանչիւրը իր վրանը : Եւ նոյն գիշերը, առանց սպասելու արշալոյսին, բոլոր գունդերը զանազան թեւերու կը բամբուին, (ձիաւոր և հետեւակ) և կը սկսի առաջխաղաղու մը :

Մայրաքաղաքին բոլորաբար քանդիչ մեքենաներ կը գետեղուին ու յարձակման նշանը կը յայտարարուի :

Ուրիշ հեծերազօրքի գունտարտակներ կ'ատպատակեն շրջակայ գիւղերը, թալանի, կոտորածի արհաւիրքը սփռելու ամենուրեք :

Կիլիկիոյ հոգեվարքի գեախնը . . . : Անդէն, անմեղ բնակչութեան մը յուսահատական աղաղակները, կը բարձրանար մութին մէջէն ու կը պատռէր մթնոլորտը :

Քաղաքացիները տկար ընդդիմութիւն մը ցոյց տուին : Արդէն, բնակչութենէն կարելոր մաս մը, բարեկեցիկները, ժամանակին կրցած էին անվտանգ փախչիլ, Միջերկրականի կղզիները գաղթելով, մաս մըն ալ Տորոսի անառիկ բորձունքներն ու քարանձաւները, նոյն իսկ արքունի զօրքերէն շատեր զինաթափ եղած, լեղապատու փախած էին հեռուոր անտառներու մէջ, Հազարաւոր ըն-

տանկքներ գաղթած էին Մեծ ու Փոքր Հայք, Վրաց, Ադուանից, Պարսից և Յունաց երկիրները :

Սախան, աւաղ, սղքաա զասակարգը գատապարտուած էր մնալ ճոն, թշնամի հրոսակներուն կրակին ու սուրին զիմացը :

Արիւնարբու խուժանը կատաղի յարձակումներով նետուեցաւ մայրաքաղաքի հարուստ աւարին վրայ, որ լքուած, անզուժ ճակատագրին թողւած էր :

Ամիրան, իր սպիտակ ձիուն վրայէն կ'ուներ, ու սուխամերկ, աջ ու ձախ պտտգամներ կ'արձակէր :

Թալան, հրդեհ, կոտորած, այս երբեակ պատուհանները կը սուլանէին այն անձուն տերակներուն վրայ, սր կը մխալին . . . :

Արիւնարբու վահակները պահ մը դադար տուին իրենց նախճիրներուն, յզվացած էին ալ կողոպուտէ ու յագեցած՝ կոտորածէ :

Արիւնի գոյորչիներ կը բարձրանային դէպի բերդը, սւր նոյն պահուն ճգնաժամային գերազոյն կոիւր մղելու կը պատրաստուէին Լեւոնեանները ու ժգնորէն :

Ամիրան, բանակին հրամանատարները բերդին ստորոտը համախմբելով, կը խրախուսէր զանոնք յաղթութեան յոյսերով ու հանգերձեալ երանութիւններու զիւթական հեռանկարովը :

Ազգանշանը արուեցաւ ու խուժանը խառնիճազանճ աղաղակներով սկսաւ մազցիլ զժբազգ բերդին կողերն ի վեր :

Լեւոն Ե. թագաւորը, աշտարակին գազաթէն

նետերու տարափ մը կը տեղար թշնամի վոնմակ-  
ներու գլխուն, և, արհամարհելով մահուան վը-  
տանգը, առիւծարար մոնչելով կը մարանջէր:

Օրերով տեւեց ճակատամարտը, Լեւոնեաննե-  
րը խիզախօրէն կը յարձակէին, առանց վայրկեան  
մը թուփնալու, և պատերազմին բազդին չմարը կը  
հակէր իրենց կողմը, սակայն, աւա՛ղ, ներքին  
թշնամիները հոն էին, ամիրայի բանակին սեւ շար-  
քերուն մէջ սողոսկած օձեր որոնք կը թունաւս-  
րէին անոր միտքը...:

Ներքին թշնամիները, ազգազաւ ճիւղներ, յաջողեցան վերջապէս պառակտում ձգել հայկա-  
կան շարքերուն մէջ: Այս անհաւասար կռուի գե-  
րագոյն ու վճռական վայրկեանին, մինչդեռ Լեւոն  
Ե. կը խորհէր գիշերային յարձակում մը կազմա-  
կերպել, բերդէն դուրս խոյրնալ ու ճեղքել Ամի-  
րային բանակը, քայքայում ու խուճապ բերել ա-  
նոր գունդերուն մէջ, և ահա՛ կը պայթի յանկարծ  
ներքին ապստամբութիւն մը և հայ զինուորները  
կը սկսին զիրար ջարդել:

Ու արտաքին պատերազմին կը յաջորդէ եղ-  
բայրասպան կռիւր:

Գիշերուան մէջ վայրենի ալաղակներ կը լըս-  
ուին:

— Անկցի՛ Լեւոն, անկցի՛ Լուսինեանը...:

Տարբա՛ղզ արքայ, տակաւ կը համոզուէր  
թէ իր կորուստը մտալուտ էր և թէ եղերական  
վախճան մը կը սպասէր իրեն: Ուստի, վճռեց նոյն  
գիշերը թողուլ հեռանալ սոյգ անիծեալ բերդէն, որ

զիրար կը յօշոտէին համարիւն և համակրօն եղ-  
բայրներ:

Անմիջապէս իր շուրջը համախմբեց իրեն հա-  
ւատարիմ մնացած իշխանները. Մարիամ թագու-  
հին իր զաւակներով, Սոհիէր Մարաջախտը, Ծիմի  
կոմսուհին ու մէկ քանի անձնուէր զինակիցներ,  
բոլորը քսան հօգի, որոնց մէջ կը գանուէր նաև  
Պօղոս Ա. ալեզարդ կաթողիկոսը, և դասնալով ա-  
նոնց:

— Սիրելիներ, ըսաւ, մեր ազգին վախճանը  
հասած է, մեկնի՛նք այս մահարօր վայրերէն, դո՛-  
նէ մեր աչքերը թո՛ղ չտեսնեն հայրենիքին աւե-  
րածը...:

Ա՛լ չը կրցաւ շարունակել, ձայնը խեղդուե-  
ցաւ հեծկառօքի մէջ:

Բոլոր ներկաները կուլային:

Բերդին ստորերկրեայ ճամբան բռնած, գաղ-  
տագողի դուրս ելան, առանց նշմարուելու, և տա-  
ժանելի ճամբորդութիւն մը կատարելով ու մահ-  
ւան դէմ մաքառելով, հասան վերջապէս Կապանի  
զղեակը, Կիլիկոյ Հայրապետութեան վերջին  
Բերդը...:

Լեւոն Ե.ի փախուստին լուրը շուտով տա-  
րածուեցաւ, դաւաճան իշխանները դիւային քըր-  
քիչներով կարասայտան իրենց ուրախութիւնը:  
Հետեւեալ օրը մասնաւոր պատուիրակութիւն մը  
կը ներկայանայ Ամիրային, խնդրելու համար որ  
բարեհաճի գալ տիրանալ Միջնարկին և իր բար-  
ձր պաշտպանութեան տակ առնել անձնատուր  
քնակութիւնը, զինաթափ զօրքերուն հետ:

Երեք օր, երեք գիշեր, յազթութեան հանդէսներ կը կատարուին :

Սակայն Ամիրան անհոնգիտա էր, չպիտի կըրնար քնանալ, մինչեւ որ ողջ ողջ ձերբակալիչ չի տար Լեւոն թագաւորը : Միջնաբերդին պահպանութիւնը կը յանձնուէր բուսականաչափ զօրագունդի մը, իսկ ինք ստուար բանակով մը կ'արշաւէ դէպի հիւսիս, հետապնդելու համար փախըստական թագաւորը, որուն թագաստոյը յաջողած էր գտնել, Կապանի անառիկ դղեակը :

Օրերով, ամիսներով, կատարի ընդհարումներ տեղի կ'ունենան այս վերջին բերդին շուրջը, և սակայն Ամիրային զօրքերը չեն կրնար գրաւել գայն : Ի վերջոյ, Ամիրան կտրեւոր ուժ մը կը թողու հոն. բերդը պաշարուժով անձնատուր ընելու համար : Իսկ ինք անագին բանակով մը նոր արշաւանք մը կը կազմակերպէ Գիլիկիոյ զանազան կողմերը :

Քիչ մըն ալ մտիկ ընենք ժամանակակից պատմիչ մը. — :

«Այս բարբարոսները կ'արշաւէին արծակ համարձակ, աւարելով ու աւերելով բովանդակ Կիլիկիան : Նախ վաղեցին տնապարիտայ աւաններուն ու գիւղերուն վրայ, որոնք զերծ մնացած էին թաւանէ ու կոտորածէ. յետոյ հասան Սիս, Ատանա, Մամիսախա, Անաւարդա և ուրիշ մեծափարթամ ու շէն քաղաքները, յարձակեցան շատ հռչակաւոր վանքերու վրայ, ամէնքը քանդեցին ու կործանեցին, աւերեցին ու հրդեհեցին. եկեղեցիներուն և պալատներուն չքեղ ու ձոյակապ կառոյցները

հիմնայատակ ըրին, և բոլոր սպաններն ու զարդերը կողոպտեցին. իրենց ուզածները ջարդեցնի ու իրենց հաւնածները գերի տարին : Իշխաններուն ու թագաւորներուն շիրիմները բացին և խարոյկ վառելով մոխիր դարձուցին բոլորը. յետոյ օրերով երկրին բոլոր բնակութիւնները հետազօտելով մերկացուցին և Կիլիկիան վերածեցին անշէն անապատի մը, որպէս զի հոն այլ եւս Հայոց թագաւորութիւն մը չը վերականգնի, ու չը զօրանայ .

«Այս ամենէն հազը, կենդանիներու ջուկերուն պէս դաս դաս ժողովելով բիւրաւօր գերիներու բազմութիւն մը, այլեր ու կիներ, երիտասարդներ ու կոյսեր, քահանաներ ու կուսակրօններ, սկսան զանոնք խոշանգել սովով ու ծարաւով ու տեսակ տեսակ շարչարանքներով, և կը ստիպէին որ ուրանան իրենց հաւաաքը : Բայց անոնք տերթմով զօրացած և իրարմէ խրախուսուած՝ առհասարակ զիմազրեցին և միարեան կ'աղաղակէին ու կ'ըսէին : — Քա՛ւ լիցի, մենք այս աշխարհիս մարմնաւոր կորուստին հետ չենք կորսնցներ նաեւ մեր հողիները, ամանքներու բոլոր ցաւերուն պատրաստ ենք, և մեր Աստուծոյ՝ Քրիստոսի սիրոյն համար չենք վախնար մահուընէ :

«Թ՛չնամիները տեսնելով ասոնց յամառութիւնը, շատերը մէջքէն կտրեցին սուրով և ուրիշները մորթուեցին. գիւղացիներն ու հասարակ ուսուցիչները ողջ ողջ մորթուեցին ըրին, իսկ երեւելի իշխաններն ու ազնուականները նետահար սպանեցին, վարդապետներուն, քահանաներուն և ուրիշ

եկեղեցականներուն երկու աչքերը կուրցուցին հը-  
րաչէկ երկաթներ խօթելով անոնց մէջ և գլխաւոր  
աւազ երէցներուն լեզուները կտրեցին որովհետեւ  
Սատուծոյ խօսքը կը քարոզէին, և անոնց մատները  
կտոր կտոր ըրին: Բայց երբ այլ ազգիները տե-  
սան թէ այս կերպով իրենց գերիները կը փճանան  
ու կը սպառին, ա՛յ չուզեցին տանջել անոնց մտա-  
ցած մասը, մտնաւանդ աղաքներն ու ազջիկները,  
զորս իրենց հետ տաին զանազան երկիրներ տարին  
ծախելու: »

Մինչ Ամիրային զօրքերը կը գինովնային ան-  
մեզ բնակիչներու արիւնով ու կը յգփանային անոնց  
կողոպուտներով, անդին, Լեւոն Ե. Կապանի ա-  
նառիկ բերդին մէջ, ամէն կողմէ պաշարուած և  
ամէն յարաբերութիւններէ խզուած, իր փոքրաթիւ  
խումբով տակաւին կը մաքատէր հազաւաւոր վայ-  
րենի հրոսակներու զէմ:

Այս հերոսային մաքառումը տեւեց ամիսնե-  
րով, մինչև որ վերջ ի վերջոյ բերդին պաշարը  
հատաւ:

Սովին զալկաղէմ ու բոսացած աչքերով ուր-  
ուականը կը ցցուէր այն դժբաղդ պաշարեալնե-  
րուն զիմացը, կմախտացած բազուկները կարկա-  
ռած ու մատնորովը ցոյց տալով մահը, որ գի-  
ւային ժպիւրը ակպոյտ շրթունքին՝ կը հետևէր  
անոր:

Վերջին վայրկեանները կը սահէին յամբօրէն:  
Պատերազմիկները վճատած ուժաթափ, ա՛յ չէին  
կրնար կուռիլ:  
Հիմա, բացարձակ հաւասարութիւնը կը տի-

րապետէր հոն, թագաւոր, թագուհի, արքայսրդի,  
իշխան, իշխանուհի, զօրք ու զօրավար, ամէնքն  
ալ հաւասար էին տառապանքի եղբայրութեանը  
մէջ, սովահարներու երամ մը, որ պահ մը մոռ-  
ցած արտաքին վտանգը, սկսած էր արդէն գե-  
րագոյն պայքարը մղել, մաքառիլ մահուան դէմ:  
որ արդէն մէկ ոտքը դրած էր բերդին սեմէն  
ներս:

Ամիսներով շարունակուող այս անհաւասար  
կռիւը, ինքնապաշտպանութեան այս զմայլելի և  
սրտառուջ տեսարանը, այս անըկճելի յամառու-  
թիւնը, վերջապէս այս բոլորը՝ բարոյալքած էր  
պաշարողներուն բանակը, որոնց շարքերուն մէջ  
ծայր տալ սկսած էր ըմբոստութիւնը:

Սակայն բերդացիներուն ճակատագիրը վըճ-  
ռուած էր...:

Ամէն ուտեստ սպառած, ամէն արտաքին օգ-  
նութեան յոյս կորած, սովը միայն կը թագաւո-  
րէր, անգութ սովը, որ ամէն օր կը տասանորդէր  
արդէն փոքրաթիւ պաշարուածներուն խումբը:

Կատու, շուն, մուկ, ձի, ջորի, ասոնք էին  
իրենց համանդամները. կային դժբաղդներ, որոնք  
այդ համադամներէն (?) ալ զուրկ էին, և եթէ,  
յաջողէին ձեռք ձգել կաշիի մը կտոր, իրարու  
ձեռքէ կը յափշտակէին զայն ու սովատանջ գա-  
զաններու պէս իրենց ակռաներովը կը փրցնէին:

Սովամահներուն թիւը կ'աւելնար օրէ օր,  
չատերը նուազած, բերդին մէկ անկիւնը պառ-  
կած, զո՛ւր կը փորձէին քունի մէջ խեղդել իրենց  
քաղցը. գալարուող աղիքները՝ քունը կը փախ-  
ցնէին աչքերէն:

Վերջին Բերդը

Լեւոն Ե. թէ՛ իր և թէ՛ երկրին ճգնաժամի քուպէնները կ'ապրէր:

Ի՞նչ պիտի ընէր սակայն...: Անձնատուր պիտի ըլլար. բայց այդ պարագային, արդեօք ի՞նչ կը վերապահուէր իրեն. միթէ ողջ պիտի կրնա՞ր մնալ: Իսկ եթէ անձնատուր չըլլար, և եթէ յամառէր տակաւին կռուիլ, պիտի կրնա՞ր դիմանալ, և ո՞րքան ժամանակ, ի վերջոյ ի՞նչ պիտի ընէր:

Բոլոր յոյսերը, բոլոր դիմումները, բոլոր ակնկալութիւնները՝ խաբած էին հէք թագաւորը. ամէն կողմէ գերեզմանային ցուրտ ընդունելութիւն մը. ո՛չ ոք խորհած էր իրեն օգնութեան ձեռք մը տալ:

Ամէնէն առաջ գաղտնի պատգամաւորութիւններ զրկուած էր եւրոպական հզօր արքունիքներէր, Սաչակիրներուն հանդէպ՝ իր նախորդներուն մատուցած զոհաբերութիւնները թռուկով և խորհելով որ քրիստոնեայ Կիլիկիան ասիական հեղեղին դէմ պաշտպանելու համար գոնէ փոքրիկ բանակ մը զրկեն իրեն օգնութեան:

Միամիտ, հէք Լեւոն, զեռ կը յուսար, զեռ կը սպասէր, ամիսներէ ի վեր կը սպասէր ու կը յուսար թէ օգնութիւնը վերջապէս պիտի գար Արեւմուտքէն:

Եւրոպան եղբայրասպան պատերազմներու բռնուհեւած, արիւնի մէջ կը լողար, իսկ Կիլիկիոյ բռնիկ իշխանները, Լեւոնի երբեմնի հաւատարիմ գիւնակիցները, մէկիկ մէկիկ թողած հեռացած էին, ոմանք ալ արաբական բանակին սէջ կը ծառայէին, ուրիշներ ալ, ո՛չ նուազ թիւով լրտեսի պաշտօնը

կը կատարէին: Կային իշխաններ ալ, անարժան ու վատոգի, որոնք իրարու դէմ թակարդ կը լարէին: Ասո՞նք, այս ապիրատները պիտի հասնէին օգնութեան իրենց թագաւորին:

Այս հոգեվարքը չէր կրնար սակայն տեւել այսպէս երկար ատեն, վե՛րջ մը դնելու էր այդ եղեռնական խաղին: Ինքնապաշտպանութիւնը, կը խորհէր Լեւոն Ե. իր յուսահատութեան նոպային մէջ. ապահով միջոց մըն էր խնայելու իրեն, որ պէտքի չտեսնէր, իր սեփական աչքերով իր ազգին անկախութեան թաղումը. գոնէ Կիլիկիոյ վերջալոյսի ծիրանի ամպերուն մէջ իր կեանքին արեւին ալ վերջին ճառագայթները մարած, անհետացած կ'ըլլային այդ կերպով, չէ՞...: Բայց իրենները, կը խորհէր միւս կողմէն, բայց թագուհի՛ն, գաւակները. իր կեանքին ու պատիւին ժառանգները, ի՞նչ պիտի ըլլային իր մահուան պարագային, չէ՞ որ վերապրած պիտի ըլլային լո՛կ շէնցնելու. հրճւեցնելու Սալթանին կամ Սուլթանին հարէ՛մը...:

— Օ՛, կը բացադանչէր յուսահատօրէն, վատութիւն մըն է ինքնասպանութիւնը, դատարկութիւն մըն է ատուածային պարգեւին՝ կեանքին դէմ. խաթարել է. եղծել է Աստուծոյ պատկերը, միթէ դատարկութիւն մը չէ՞, ի՛ր իսկ անձին դէմ գործուած ահաւի ոճիր մը չէ՞...:

Ուրեմն անձնատուր թող ըլլա՞ր... բայց ի՞նչ պիտի: Ահա երկու ճամբաներ, ս՞րը պիտի ընարէր, ինքնասպանութիւնը թէ անձնատուութիւնը. և սակայն երկուքն ալ նոյն բանը չե՞ն...:

Դրսէն պաշարման շղթան հետզհետէ կը սեղ-

մուէր, բերդին պարիսպներուն մէկ մասը քան-  
զուած էր արդէն. խակ ներսը, Սովը կը լրացնէր  
ինչ որ պակաս կը թողէր թշնամին:

Լեւոն Ե. յանկարծ երեւցաւ պաշարուածնե-  
րու սովալլուկ ամբոխին, որոնց գլուխը կը զըտ-  
նուէր թագուհին, և որոնք գետնամած ու թաւալ-  
գլոր, կը փաթթուէին արքայական ոտքերուն ու  
կ'աղաղակէին լայակոծ:

— Անձնատո՛ւր ըլլանք, անձնատո՛ւր . . . :

Թագաւորը խօսեցաւ:

— Զինակիցնե՛ր, լսեցէ՛ք ձեր վերջին թագա-  
ւորին վերջին խօսքը . . . :

Ու փղձկեցաւ. հեծկլուռքը կ'արգիլէր խօսելու:  
Յետոյ շարունակեց.

— Ահա՛, սեւ ու չարաշուք ժամը, բերդը  
պիտի յանձնեմ Սմիրային և մեր ճակատագիրը  
պիտի յանձնենք անոր զօրքերու քմահաճոյքին.  
Բայց լսեցէ՛ք վերջին խօսքս: Մի՛, մի՛ յոյս դնէք  
այսուհետև օտարին վրայ. Քրիստոնեայ Եւրոպան  
խարնց, Ազգիս իշխանները մատնեցին քեզ, ո՛վ  
իմ Սրբազան հայրենիք, տարաբա՛ղկ Կրիկիա . . . :

Թագաւորը լսեց: Ինկած էր բերդը: Վերջին  
բերդը . . . :



ԺԹ.

Վ Ա Ի Ե Ր Ա Թ Ո Ի Ղ Թ Մ Ը

Կրիկիոյ անկախութեան հոգեւարքը դեռ  
չա՛տ պիտի տեւէր: Վերջին Բերդին անկումը մա-  
հացու հարուածը տալու ընոյթը չունէր այն երկ-  
րին որուն բնիկ տէրերը, բերդատէր իշխաններ,  
հզօր աւատապետներ, տակաւին պարտութիւն չէին  
խոստովաներ, ընդհակառակն, կը բազմապատկը-  
ւէին իրենց ճիգերուն մէջ, որոշած ըլլալով յամա-  
ուօրէն մաքառիլ, հոգ չէ թէ իրենց դէմ գանէին  
անարկու ուժ մը:

Արդէն, ամիսներէ ի վեր, բովանդակ երկիրը  
հուրի սուրի մատնուած, փախստականներու թա-  
փառական խումբեր, Հայէպի Սմիրային և Եգիպ-  
տոսի Սուլթանին բանակներուն դէմ յուսահատա-  
կան մարտնջումներէ յոգնարեկ ու ջախջախուած,  
Տորոսի ձիւնապատ լեռներուն մէջ կը փնտռէին  
իրենց վերջին ապաստանը, հոն, ժայռերու փա-  
պարներուն ու քարանձաւներուն մէջ, գէթ ժա-  
մանակի մը համար, տեղաւորելու իրենց ըն-  
տանիքներուն վերապրած բեկորները. և վերստին  
շարունակելու անհուսաօտ կռիւր . . . :

Հայկական արքունիքը գերի ինկած էր, սա-  
կայն հայ աւատապետները դեռ կանգուն կը մնա-  
յին, ու կը յուսային ատեն մըն ալ քաջքշել իրենց  
գոյութիւնը տխուր մեռելաստանին մէջ, որ եր-

բնմտի կենսաւէտ ու փառապանծ կրկնկիտան պիտի ըլլար: Ասոնք կը խորհէին թէ՛ Աղէաքը աւեական շէր կրնար ըլլալ, թէ՛ թշնամի բանակները մշտապէս չը պիտի աեղաւորուէին իրենց ծոցը, թէ՛ հիւրեր էին անոնք, և շուտով ցամքոյ կատաղի հեղեղի մը կեանքը միայն պիտի ունենային: Ուստի, երկրին ամէն կողմերը, փոքրիկ պատերազմներու, ասպատակային յարձակումներու նոր շրջան մը կը բացուէր:

Թագաւոր, թագուհի, կաթողիկոս, պալատական, վերջին բերդին մէջ ամիսներով պաշարւած, ինչպէս տեսանք, ստիպուած էին անձնատուր ըլլալ Ամիրայի բանակին, նախապէս ամէն ապահովութիւն ստացած ըլլալով իրենց պատուին ու կեանքին նկատմամբ:

Ո՞ր խղճամբտ պատմագիրը պիտի համարձակէր դատապարտել Աւուն Ե.ի այս յուսահատական վերջին ընթացքը. միթէ կար իրկութեան ուրիշ ելք մը երբ ամէն յոյս կորսուած էր արդէն...:

Իժմախոյ վնհապետ ամիսներէ ի վեր փակւած բերդի մը մէջ, ուր իր կեանքին ու գահին դէմ անպակաս էին դուերը. պաշարուած՝ վայրենի գունդերէ, որոնք մարտիներու պէս կը ծածկէին իր ամայացած երկիրը, վերաւորուած՝ անհաւասար կռուին մէջ, քնտա, սովահար, սկաւնտանս՝ իր արքունիքի անդամներուն ամենօրեայ չարչարանքին, անկարող՝ զսպելու իր աչքին աւջն ու բերդին մէջ իսկ յաճախակի տեղի ունեցած զայթակղալից երկպառակութիւններն ու ըմբոստութիւնները, վերջապէս յուսահատ Եւրոպա-

յէն, որ չոր ու ցամաք խոտտումներով օրօրած էր զինք այնքան երկար ժամանակէ ի վեր, ինչ ընէր, ինչ ընել կը մնար իրեն. — ինքնասպանութիւնը կամ անձնատուութիւնը: Եւ ընտրեց այս վերջինը, պատուաւոր պայմաններով, հետեւեալ պարագաներու մէջ:

Հալէպի հշկթիմուր ամիրան, մասնաւոր պատւիրակութիւն մը զրկած էր բերդը, Աւուն Ե.ի առաջարկելով անձատուր ըլլալ, միեւնոյն ժամանակ խոտանալով ապահովագիր մը տալ իրեն, որպէս զի դուրս ելլէ բերդէն և իրեններուն հետ միասին մեկնի, երթալու համար ո՛ւր որ կամենայ:


Վ Ե Ր Զ



575P

2





Р. У.

№ 5452